

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

KAIS.KÖN.HOF  BIBLIOTHEK

6.843-B

ALT-

K. H. 6. 2.

~~La. 8. 7. 7.~~

6843-B.

HISTOIRE
DES NOBLES
PROVESSES ET
VAILLANCES DE
GALIEN RESTAVRE'

Fils du Noble O'livier le Marquis, & de la belle Iaqueline fille
du Roy Huguoñ Empereur de Constantinoble.


*Avec les figures propres mises de nouveau
sous chacun Chapitre.*



A TROYES.

Chez NICOLAS OVDOT, Imprimeur demeurant
en la rue nostre Dame, à l'Enseigne du
Chapon d'Or Couronné.

PROLOGVE DE CE PRESENT LIVRE.




Pour euitier oysieté, & pour mettre plusieurs fantasie hors de vos cœurs, & es mondains abandonnez à plusieurs folies par faute d'instruction & n'auoir aucun passant apres vos refectionz considerex que le temps passé vo^s vous estes occupez à plusieurs ieux & diuers esbatemens, à cause que vo^s n'auiez pas grand abondance de liures, parquoy pourrez icy veoir en ce present liure appellé Galien Restauré, lequel fut fils du Comte Otinier le Marquis, qui par ses belles prouesses & merueilleux faictz d'armes reduits toute la sainte foy Chrestienne. Et pour vous en parler plus amplement, ie vous diray la pure verité, car autres fois en a esté faict vn Romant auquel n'auoit point le quart des faictz

dudict galien. Et pourtant i'ay tant faict que i'ay trouué toutes les vraies Cronique Françoises, lesquelles estoient à saint Denis en France: & en ay composé cestuy beau liure, selon le vray sens que i'y ay trouué. Et est ledict Romant appellé Galien Restauré: à cause qu'il restaura toute la Chrestienté, apres la mort des douze Pairs de France. Et fus cestuy Galien engendré de la quelle fille du Roy Hugon, Empereur de constantinoble, come plus à plein pourrez voir: Parquoy si trouuez quelque faute à la translation, veuillez excuser le translateur pource qu'il n'y a celuy qui ne soit subiect à quelque faute. Et a esté cestuy Romant translaté de rithme en prose afin que plusieurs y prennent plaisir, & aussi à cause que les entendemens sont de diuerses opinions & fantasies.

COMMENT APRES QUE L'EMPEREUR CHAR-

LEMAIGNE EUT DESCONFITS MAINS TURCS ET

Payens : & aussi mis plusieurs Royaumes en sa subiection, se mit en chemin pour aller visiter le saint Sepulchre de nostre Seigneur Iesus-Christ en Hierusalem. Chap. I.



Apres quel'empereur charle-
maigne eut cōquis plusieurs
Royaumes, villes, & citez, & se
vit en paix: luy cognoissant grans
graces que nostre Seigneur luy
auoit faict, fit veu qu'il iroit reui-
siter le saint Sepulchre en hieru-
salem. Enuiron la feste l'ascens.ō
de nostre seigneur, Charlemaig-
ne tint court planiere à Paris, à
laquelle cour estoit Roland, nep-
ueu de Charlemagne, Oliuier le
Marquis & plusieurs grands Sei-
gneurs, & Barons, comme Alle-
mans, Flamans Frisons, Biernois
Lymosins, poiteuins, Galcoons,

& plusieurs autres nations estrāges, lesquelles seroient longues à racompter
Et la fut faictes la plus grand chere que iamais fut veüe.

Et diēt Charlemaigne a haute voix deuant tous les assistans: Barons, qui
estes regiz & assemblez icy en ma presence, vous sçauetz qu'auons, la mercy
du Sauueur du monde, conquis à force d'armes iusques de la le pré Noiron,
& en maints pays & places auons faict plusieurs grandes destructions. Outre
plus, vous sçauetz qu'il n'est homme sur terre plus riche, ne plus puissant que
moy, ne qui ayt tant d'amys. La Royne qui estoit la presente, oyant les parol-
les de charlemaigne, commença à dire. Sire empereur, entendez ma parol-
le: vous dictes que vous estes le plus puissant, & le plus riche qui soit au mō-
de: sçachez qu'il y a vn roy, lequel est plus puissant que vous, sans compa-

raison. Quand charlemaine entendit parler la Roïne en son cœur fut courroucé, & dist, Dame ie vous prie que me disiez qui est cestuy Roy, qui est plus puissant que moy: car ie promets à Dieu que moy retourné du voyage que i'ay entrepris, ie suis delibéré de l'aller visiter, pour sçauoir sa puissance. La Roïne voyant le courroux de Charlemaine, elle craignant sa fureur, luy dist, Sire, ie vous prie que ne preniez à desplaisir ce que ie vous ay dict, mais sçachez que tousiours ay ouy appeller le Roy Hugon, Empereur de Constantinople, le plus puissant qui soit en tout le monde vniuersel. Et apres ces parolles dictes, Charlemaine appella son nepueu Roland, le Comte Oliuier, & tous les autres Pairs de France, & leurs dist, Seigneurs ie vous recommande mon pays, car ie suis delibéré d'aller visiter le saint sepulchre de nostre Seigneur iesus-Christ. Et pource, s'il y a aucun de vous qui vueil le faire le voyage avec moy, il me fera plaisir, & vne fois le recompenseray. Roland & Oliuier oyant la volonté de Charlemaine, luy dirent, Sire, pour mourir nous ne vous faudrions: & tous les autres Pairs dirent au cas pareil, dont grandement les remercia, il fist preparer son bernage, & aussi chacun des douze Pairs se prepara, lesquels prindrent congé des Dames & Damoiselles. Pensez que maints pleurs & lamentations furent alors faits, lesquels seroiēt longs à raconter. Apres le congé prins, ils se mirēt en chemin. Et tant exploiterent par leur iournées, qu'ils passerent tout le pays d'Hongrie, & le mont d'Aspremont, qui est vn tres-merueilleux & fort passage, & tant firent qu'ils arriuerent en Hierusalem.

Charlemaine & les douze Pairs de France estant en Hierusalem, cogneurent que nostre Seigneur les auoit bien gardez, veu les merueilleux passages lesquels ils auoient passez, sans auoir aucune contradiction. Ils tirerent droit au temple, auquel estoit le saint Sepulchre de nostre Seigneur, & eux cuydās entrer dans ledict Temple, trouuerent les portes fermées de gros & merueilleux verroux de fer. Lors charlemaine voyāt que dedans ne pouuoient entrer, adressa sa parolle vers la Mere de iesus-Christ, disant en telle maniere, Glorieuse mere du Sauueur de tout le monde, vous sçaez que i'ay laissé le pays de France, d'Alemaigne, de Flandres, & plusieurs autres contrées, lequel pays il vous a plu mettre en ma subiection pour venir visiter le lieu où fut pesé le precieux corps de vostre doux enfans iesus, ie vous prie qu'il vous plaise me faire grace que dedans cestuy temple ie puisse entrer avec tous mes gens, afin que de cœur & de pensée puissions honorer cestuy noble & precieux Sepulchre. Et incōtinēt que charlemaine eut acheué son oraison les portes de l'eglise miraculeusement s'ouuerirent sans ce que nul y mist les mains. Luy cognoissant le beau miracle entra deuotement luy & tous les gens dedans le temple: auquel trouuerent douze chairs fort precieuses, &

au milieu des douze chaires en auoit vne qui faisoit la tresiesme qui en beaulté passoit toutes les autres, & estoit celle ou Iesus-christ s'asit quand il resuscita de mort a vie. Chacun des douze pairs apres qu'ils eurent honoré cestuy saint lieu, ils se mirent chacun à vne des douze chaires, & Charlemaigne, s'assit en celle qui estoit au milieu. Et tous ensemble remercierent nostre Seigneur Iesus-Christ de la grace qu'il leur auoit donnée d'estre venus en cestuy saint lieu. En cestuy temple entra vn chrestien, lequel demouroit en Hierusalem, cestuy chrestien regardoit moult volontiers Charlemaigne, & ainsi comme il le regardoit, il vid sortir de son visage vne clarté moult reluisente, laquelle clarté ressembloit vne raye de Soleil: & luy sembloit que la dicte clarté enluminoit tout le temple. Cestuy chrestien voyant ceste belle clarté, laquelle sortoit de la bouche du noble Empereur Charlemaigne moult volontiers le regardoit. Et luy estant en cestuy regard fut aucunement espouuenté, car il luy sembloit qu'il fust transporté de son entendement. Il sortit vistement hors dudit temple, & s'en alla courant vers le Patriarche de Hierusalem luy annoncer ce qu'il auoit veu au temple, de laquelle, chose le Patriarche fut fort esbahy, & incontinent il fit appeller trestous les gens d'Eglise, & les fit vestir tres-honorablement d'aornemens tresprecieux, & se mirent tous deuotement en procession venans vers ledit Temple, auquel estoit le noble Empereur Charlemaigne, & des douze pairs de France.

Voyant Charlemaigne l'honnesteté & grand humilité du Patriarche, & aussi voyant l'honneur & deuote procession, se leua de la chaire ou il estoit assis, & en s'humiliant vint au deuant, & les douze pairs au cas pareil. Quand le patriarche vid la grande humilité du noble empereur Charlemaigne il le print par la main, & le leua amiablement. Et ainsi qu'il regardoit charlemaigne, il vit vne clarté qui estoit en maniere de raye de Soleil, laquelle sortoit de la bouche, charlemaigne leua ses yeux vers le ciel, remerciant nostre Seigneur Iesus-Christ de la grace qu'il luy auoit donnée d'estre venu iusques en ce saint lieu. Apres que ledict Patriarche eust veu ceste clarté, & qu'il eut leué le noble Empereur Charlemaigne, il luy demanda qu'il cherchoit, & dont il estoit, & qu'elles gens il menoit avec luy A quoy luy respondit charlemaigne qu'il estoit Roy de France, & auoit avec luy son nepueu Roland, & le conte Oliuier, & plusieurs autres grands Barons, & qu'ils estoient venus en cestuy pays pour honorer le saint Sepulchre ou fut posé Iesus-Christ Sauueur & Redempteur du monde. Quand le Patriarche l'entendit ainsi parler, moult honorablement le receut & les festoya enuiron l'espace de quinze iours dedans Hierusalem: puis charlemaigne fit requeste au Patriarche qu'il luy pleut de luy donner des saintes reliques & qu'en l'honneur d'icelles feroit fonder belles & nobles eglises & beaux monasteres s'il pouuoit retourner en Fran-

ce. A quoy respondit le Patriarche que tres volontiers le feroit, car bien scauoit que s'il ne luy en donnoit par bonne amour que par force en prendroit & qu'il n'y auoit Roy, Prince, ne Duc en tout le mode à qui il en voulist donner sinon à luy, dont l'empereur Charlemaigne le mercia grandement du don qu'il luy auoit accepté.

Comment le Patriarche apres qu'il eut festoyé Charlemaigne & les douze Pairs de France, luy donna plusieurs saintes reliques, lesquels furent mises en vn petit coffre mout honorablement. Et comme ledict Charlemaigne print congé humblement dudit Patriarche.

A Pres que le noble Empereur Charlemaigne se fut festoyé enniron l'espace de quinze iours avec le patriarche, il luy requist amiablemēt qu'il luy pleust de luy donner des saintes reliques. A laquelle requeste le Patriarche se consentit volontiers: car plusieurs fois auoit ouy parler de luy & aussi des douze pairs & qu'ils estoient gens qui mettoient peine d'exaucer la sainte foy catholique. Parquoy luy considerant le bien & l'honneur qui estoit en eux, les mena au temple où estoient les saintes reliques, & donna à charlemaigne du saint Suaire de nostre Seigneur Iesus-Christ, de sa chemise, & le plat où il mangea le poisson, la ceinture de la glorieuse vierge & sacrée mere de Dieu, & de son precieux lait virginal du bras du benoist S. Simeon & du glorieux amy de Dieu Saint Ladre, & plusieurs autres belle & precieuses reliques, lesquelles furent posées mout honorablement en vn petit coffret, dont grandement le mercia Charlemaigne, puis print congé de luy, se mit en chemin pour s'en retourner en France. Auant son departement dict le Patriarche à Charlemaigne: Tresnoble Empereur, vous scauez que long temps vous auez pretendu d'exalter & augmenter la sainte foy catholique, ie vous prie que vous soyiez sur vos gardes: car les paiens sont cauteleux & malicieux. Outre plus vous estes hors de vostre pais, & ne cognoissez pas les passages comme ils sont. Si ainsi estoit qu'ils vous fissent greuâce, ie vous iure que i'en serois despitaisant. Charlemaigne voyant la bonne & loyalle amour du patriarche, doucement le mercia luy disant, que s'il plaitoit au Sauueur du monde, qu'il luy pleust luy faire ceste grace de retourner sans danger que tantost apres qu'il y seroit, jamais ne cesseroit, qu'il ne les eust mis à desconfiture, ou ils renonceroient à leur loy, & tiendroient la foy de Iesus-Christ. Desquelles parolles fut le patriarche fort ioyeux. Charlemaigne se mit en chemin, & plus ne sejourna en Hierusalem. Le patriarche luy donna sa benediction, & à Dieu le recommanda, qu'il le voulist garder de tout danger. Auquel retour trouua Charlemaigne plusieurs fleuve à passer, mais nostre


Seigneur & les saintes reliques qu'il portoit, monstroient vertu & puissance que luy & tout son bernage pouuoient passer sans danger, ne sans auoir nauires ne galleres. En tous lieux ou ils passoient estoient les auengles enluminez, les bossus & contrefaits estoient en belle stature, & plusieurs autres beaux miracles, lesquels seroient long à raconter.

Comment Charlemaigne & les douze Pairs de France furent assaillis dedans vn bois lequel contenoit enuiron deux iournées à passer: par vn Turc nommé Bremont, lequel auoit bien vingt mille Turcs avec luy.

Charlemaigne exploiçoit pays au plus brieu qu'il pouuoit, & tant cheuaucha qu'il arriua dedans vn bois, lequel duroit enuiron deux iournées à passer. Dedans cestuy bois c'estoit embusché vn Turc, nommé bremont le quel estoit le plus puissant qui fut en court payenne. Il auoit avec luy bien vingt mille Turcs & estoient embusché dedans celuy bois pour cuider desconfire charlemaigne & les douze pairs. Et ainsi comme charlemaigne fut enuiron la moitié du bois, il regarda vn peu à quartier, & va aduiser lesdits Turcs, dont il fut fort esbahy. Et incontinent comença à parler à Roland son nepueu, & luy dist. Mon nepueu regardez que de Turs & mescreans voila deuant nous. Helas maintenant ie voy que la fleur & noblesse de Frâce sera mise à desconfiture. Roland voyant le ducil de son oncle, fut courroucé en son cœur, & luy dist, mon oncle ne vous desconfortez de rien car tât que ie tiendray durandal en ma main, & que mon compagnon Oliuier sera pres de moy, ie ne crains les payens & fussent ils encores cent fois autant. Quand le duc Naymes de Bauieres entendit ainsi parler Roland, il dit à Charlemaigne Sire Empereur, si vous croyez vostre nepueu, ie croy qu'aujour d'huy nous mourrons tous: car ie croy qu'il ale diable au corps. Mais ie conseille que nous prions le Sauueur du monde qu'il luy plaie de donner aux saintes reliques que nous portons, telle puissance, que ces mauidits infidelles ne nous puissent nuire. Lequel conseil fut fait, & tous se mirent en prieres & oraisons. Et quand Roland entendit le conseil, il dit ainsi, Priez tant que vous voudrez car ie ne veux prier que Durandal mon espee, & qu'elle face telle desconfiture des mescreans, qu'il en soit memoire à iamais. Les payens pesans à desconfire, les douze Pairs, cuiderent approcher: mais nostre Seigneur monstra vn grand miracle, que quand ils cuiderent tirer leur espées ils deuindrent tous grandes pierres & grand rochers. Quand Roland qui estoit fort entalenté de frapper sur eux, vit que ce n'estoient que pierres & rochers, il se pensa qu'il estoient enchâté d'or il fut esbahy & en se retournât vit charlemaigne & les autres Barons & chevaliers, lesquels estoient tous deuotement à genoux de

uant les saintes reliques en prieres & oraisons. Et alors le noble duc Rolād apperceut que iesus-Christ le Sauueur du monde auoit fait celuy beau miracle, adonc humblement se mit en prieres & oraisons, remerciant nostre Seigneur de bon cœur.

*Comment Charlemaigne, & les douze Pairs de France apres le miracle fait
sortirent du bois, & descendirent en vn pré auquel ils trouuerent
vn pauillon qui estoit au Roy Hugon.*

 Charlemaigne & les douze pairs de France apres ce beau miracle fait cheuaucherent tant ce iour qu'ils sortirēt hors du bois & vindrēt arriuer dedans vn grand pré, auquel auoit vn pauillon par dedans tout painct de couleurs mout riches, au dessus auoit vne pomme d'or grosse & massif auquel estoit attaché vne belle escarboucle, laquelle estoit fort precieuse, car de nuit rendoit vne clarté tresclere. Et dedans ce pauillon ne demouroit que porchiers & vachiers lesquels auoient grand quantité de pourceaux & vaches à garder, ce beau & riche pauillon estoit au Roy Hugon Empereur de Constantinople, l'vn des riches & puissant qui fut en tout le monde. Ce roy Hugon n'aymoit pas le deduiet de la chasse de chiens ne d'oiseaux mais mieux aymoit vn bon porchier, ou vachier, quand ils auoient de gras bœufs, & gras pourceaux qu'ils ne faisoient toute autre plaissance. Ses porchiers & vachiers auoient plus grands audace en sa court que n'auoient les gentils-hommes. Il estoit aimé de ses subiects.

Il faisoit tenir bonne iustice. Il alloit tous les iours labourer les terres à la charrue, car il estoit instruiet des sa ieuuesse à ce faire. Il tenoit son pays en bonne paix & en bonne vnion, & à cause de sa grand richesse, toutes fois & quante qu'il vouloit il auoit souldoyers à grand richesses, toutes fois & quante qu'il vouloit il auoit souldoyers à grand nombre, il estoit doux & cordial à chascun. Or vous laisseray à parler du Roy Hugon, & retourneray à parler de Charlemaigne & des douze pairs de France qui estoient hors de ce bois, & regardoient ce beau pauillon.


Le noble Charlemaigne & les douze Pairs de France eux estant hors de ce bois, vōt arriuer à vn beau pré, auquel virent vn beau pauillon comme dessus auez ouy. Charlemaigne le regarda volontiers a cause de la beauté qui estoit audit pauillon. Apres qu'il eut long-temps regardé il le monstra à Roland & aux autres pairs disant, Seigneurs, voicy vne fort grāde richesse, mais ie promets à Dieu que si c'est aux payens ce sera à nous sans nulle contradiction. A quoy respondirēt les Barons qu'en France porteroient tout ce tresor. Incontinent Charlemaigne picqua son cheual des esperons, & se mit à chemin

chemin droit vers le dict paillon & demanda si nul y estoit. Alors sortit vn des porchers, & vint a la porte dudit paillon, & aduifa charlemagne, lequel luy demanda quelles gens ils estoient, & à qui estoit ce riche paillon, Le porcher luy dict qu'il estoit au Roy Hugon empereur de Constantinoble & que dedans estoient porchers, & qu'ils auoient porcs à milliers à garder, & quand ce venoit au mois d'Aoust, il auoient chacun cent sextiers de froment. Quand Charlemagne entendit ainsi parler le porchier il fut fort esbahy, & incontinent l'interrogea du domine du Roy Hugon, lequel luy dit volontiers. Apres ces parolles dictes Charlemagne luy demanda s'il le pourroit loger celle nuit en ce paillon, car la nuit approchoit. Le porchier luy dict qu'il le logeroit volontiers & tout son bernage, & fussent ils cent fois autant & auroit pain vin & viande de routes sorte à son plaisir. Quand Charlemagne l'entendit ainsi parler, grandement le mercia, puis mit le pied à terre, & aussi tous les douze pairs. Cestuy porcher les receut fort honnestement, car assez biens auoit audit paillon. Quand roland vit ce, il dist à Charlemagne Certes mon oncle s'il estoit iceu en france que nous eussions logé en la maison d'un porchier, il nous pourroit estre repoché. Quand charlemagne eut escouté roland, il luy dist, beau nepueu n'en parlez plus, car la maison d'un riche porcher vaut bien la maison d'un pauvre chevalier. Incontinent le porcher pria Ogier le dannois qu'il voulist estre maistre d'hostel. On prepara les tables, pain & vin, viandes de plusieurs sortes furent apportees: puis chacun print sa refection bien & honorablement. Et quand roland vit qu'Ogier seruoit il commença à rire, en disant aux autres Barons: Seigneurs, Dieu a fait auioird'huy vn beau miracle, quand en ceste iournée Ogier a esté maistre d'hostel de la maison d'un porchier, & tous les pairs se prindrent à rire. Bien fut seruit charlemagne & les douze Pairs. Apres les refections prises, chacun remercia nostre seigneur de là bonne fortune qui leur estoit aduenue, Puis dit le porcher à charlemagne, Sire, ie vous prie qu'il vous plaise me dire de quelle contrée vous estes, car certes vous sèblez to' estre de noble lignage.

Vous estes tous beaux hommes & puissant, & de belle corpulence. Quand Charlemagne entendit le porchier, & qu'il auoit grand volonté de sçauoir le pays & contrée dont ils estoient, & qu'il le demandoit de si bon & ardent desir, & d'un zele d'amour luy dit, Mon amy croyez fermement que tous sommes François, & suis appellé Charlemagne, le tiens en ma subicction la tierce partie du mōde, & cestuy que voyez icy est mō nepueu roland l'un des fors & puissant qui soit en tout le monde, & les autres que vo' voyez sont tous pairs de France, tous grands prince & seigneurs. Quand le porchier entendit ainsi parler Charlemagne, en son cœur fut fort esbahy, puis douce mens dit à Charlemagne qu'il ne luy despleust, s'il n'auoit esté si bien seruy

comme il luy appartenoit. Les lits furent preparez, chacun alla prendre son repos iusques au lendemain qu'il fut iour, puis monta Charlemagne a cheual, en prenant congé du porcher, qui si honorablement l'auoit festoyé, & se mit en chemin.

Comment Charlemagne, & les douze Pairs de France trouuerent le pavillon du vachier, lequel estoit au Roy Hugon.

 Charlemagne & les douze pairs de France: firent grand diligence de cheminer rât qu'ils trouuerent vn autre pavillon, ou estoit le vachier, lequel auoit gras bœufs & vaches qui estoient au roy Hugon, car ce roy mettoit toute son affection à auoir grande prouision de bestial pour l'entretenement de son domaine. Quand Charlemagne vit le beau pavillon, il s'approcha pres, & puis appellla ceux qui estoient dedans, lesquels sortirent viftement pour sçauoir que c'estoit, & incontinent demanderent a Charlemagne qu'il queroit, & qu'il demandoit. A quoy Charlemagne respondit qu'il queroit, le roy Hugon, lequel il auoit tant oui priser & honorer, & aussi qu'il demandoit s'il pourroit estre luy & toute sa compaignie logé celle nuit.

Quand le maistre des vachiers entendit que Charlemagne queroit le roy Hugon & qu'il demandoit logis pour celle nuit, il luy dict Seigneur, qui que vous soyez, vous sēblez estre gens de grand noblesse, & pour cause que vous querez mō maistre le Roy Hugon, lequel est le plus riche Roy qui soit en tout le monde ceans serez logez, & fussiez vous dix mille. Et pourtant mettez tous le pied à terre, car vous serez seruis de bon pain, de bon vin, & bonnes viandes. Charlemagne oyant les parolles du vachier, tans nul arrest mit pied à terre, & le vacher, luy vint tenir l'estrier, dont Roland commença fort à rire: puis tous les pairs descendirent de leurs chevaux, lesquels furent mis es estables & bien pensez. Charlemagne & tous ses gens furent celle nuit bien seruis, coupes d'or & d'argent furent deuât luy apportez pour le seruir plus honorablement. Le vachier vint seruir charlemagne, & luy presenta deux gras chappons deuant luy appareillez, ainsi qu'il appartenoit.

Quand Roland vit le vacher qui seruoit ainsi charlemagne, il commença à dire, Dieu a fait aujourd'huy grand graces à mon oncle d'auoir tant vescu qu'un vachier la seruit: de laquelle parolle charlemagne & les douze pairs commencerent à rire. Quand chascun eut prins sa refection, il se coucherent. Le matin se font leuez, & sans retourner monterent a cheual, & se mirent en chemin. Aupres d'un bocage ont trouué vn berger qui gardoit grād quantité de moutons, & auoit avec luy quarante garçons, lesquels estoient dedans

G A L I E N R E S T A V R E .

vn riche pauillon. Et quand les douze pairs eurent tout veu roland dit à charlemaigne. Si le roy Hugon est aussi bien fourny de toute garnison de guerre comme heaumes, harnois, escus, lances & autres bastōs, comme il est de bestial, ainsi que vous voyez, tous les princes du monde ne le sçauroient guerir d'vn bouillon. Pource que ie vous prie cheuauchonstant que nous le trouuions, dit charlemaigne i'ay grand desir de le voir, & ce disant picqua son cheual, si vint au berger, auquel il demanda s'il le logeroit en son pauillon. Le berger luy dit, qu'ouy tres-volontiers pour l'amour du roy Hugon : & aussi que vous me semblez estre de noble maison, et quand Roland vit que charlemaigne interrogeoit le berger, va dire a haute voix, i'amaïs nous ne retournerons en France, que mon oncle Charlemagne ne sçache cōment son gardées vaches, pour ceaux & moutons. Quand Charlemaigne fut descendu de son cheual, & les douze pairs sans longuement attendre la table fut mise, & honnestement furent seruis. Quand Roland vit le berger qui seruoit charlemaigne, il se print a rire, disant seigneurs il n'est homme qui a grand peine peult à gré seruir mon oncle, ne iouyt de luy, mais certes vachers, porchers, bergers, en font à leurs plaisir: ie croy certainement que leur mestier veut apprendre, & tous commencerent à rire. Apres soupper que chacun eut prins son repas, sommeil les print, si se coucherent & repōierent toute la nuit. Le matin se departirent du pauillon, & cheminerent grand erre en descendant vne vallée, en laquelle ilz trouuerent vn ieune messager qui cheuauchoit hastiuement Charlemaigne desirant sçauoir qu'il estoit, picqua son cheual : & quand il fut pres, il luy dit Messager, dieu vous gard, ie vous prie dites moy s'il vo' plaist qui vous estes. Sire dit le messager, ie suis au Roy Hugon, voicy à ma ceinture vne boëte d'or, ou ie porte ses lettres, quand ie fais aucun message pour luy. Charlemaigne qui fut fort ioyeux d'ouir telles nouuelles, dit au messager dites moy ou est le Roy Hugon, car i'ay grand desir de le veoir. Le messager dit à charlemaigne, Sire, il est en vne vallée par deçà constantin ou il meine la charruë, laquelle est toute d'or & d'argent, & est esmaillez de pierreries, qui est vne chose tresriche, car ie croy que i'amaïs hōme humain ne vit chose de si grāde richesse. Puis se partit le messager, disant a charlemaigne que le roi Hugon auoit esté instruit des sa ieunesse a la charrue. A donc dit Charlemaigne aux douze pairs de France, i'amaïs n'ouit telles nouuelles, qu'vn roi fut charretier, i'en ai grand dueil, ie vous le certifie. Bien pensif cheuancha charlemaigne & les douze pairs, tellement qu'ilz trouuerent le Roy Hugon qui menoit sa charrue aux champs, laquelle estoit d'or & d'argent, les bœufs qui la menoiēt auoient les colliers batuz de fin or: & couuers de perles. Quand roland vit la richesse, il dit à Olivier, allons y tost, ie vous en supplie, si ceste charrue tenoient en France, ie vous iure ma foi que ie la

romproie pour en faire forger monnoye pour auoir de l'argent, afin que ne^t
alliffiōs en Espagne cōquerre les mescreans, & cōuertit le peuple a la foi que
no^s tenōs: car quelque richesse qu'on ait, si on ne la faict valoir elle est perdue

*Comment apres que Charlemaigne eut trouuē le Roy Hugon, il fut honorablement
festoyē, & seiourna au riche palais dudiēt Roy Hugon.*

Cestuy roy Hugon menoit la charrue aux champs, laquelle estoit
aornée mout richement. Il auoit a son chapeau vne perle, laquelle
rendoit grand clarté, pource que le soleil flambloit dessus Ceste
perle estoit si grande, qu'elle luy couuroit toute la teste, & auoit vn
beau mulet richemēt accoustre. Si tost que Charlemaigne & les Pairs le vi-
rent en tel estat il le saluerent & quand le roy Hugon les vit il s'enclina vers
eux. Apres toutes salutations faictes, le roy Hugon demāda a Charlemai-
gne, qu'il estoit & dont il venoit.

A quoy charlemaigne respondit ie suis charlemaigne roy de France, hom-
me n'y au monde soit Roy ou Emperout, qui ne me doute. Nous venons
du saint sepulchre ou iesus-christ fut mis. Nous ne querons que hōste pour
nous loger, Quand le roy Hugon eut entendu Charlemaigne, il dit. Doux
amy ne vous souciez, car auiourd'huy ie vous logeray royellement. Adonc
Rolād dit a Oliuier. Ie voudroye tenir ceste charrue a Paris au palais, pendu
soit-il qui telle charrue forgea, & arse la femme qui le porta. Quand le roy
Hugon entendit Charlemaigne ainsi parler, il laissa sa charrue, & monta
dessus vn mulet richement aornē, & mena Charlemaigne en son palais, le-
quel estoit si riche qu'il n'est langue qui peust raconter la beauté ne la ri-
chesse dudiēt chasteau. Car les murs estoient dalbāstre, les pilliers estoient
d'yoire, a l'entour dudiēt chasteau auoit biē cinq cens tours, & pour la grād
beauté de ce chasteau il fut de constantin appellē constantinople. Quand les
douze Pairs virēt telle richesse, ils furent mout esbahis. adonc se print a dire
rolād, ie voudroye que nous tinssions a Paris ceste charrue & ce charretier
ie vous promets que i'en feroye forger de bons florins, Charlemaigne & les
douze Pairs monterent au chasteau, auquel le roy Hugon les festoya hono-
rablement. Cestuy roy Hugon auoit deux enfans masles, & vne fille, les
plus beaux qu'il estoit possible de voir l'vn des enfans auoit nom Tibers, &
l'autre Henry, & la fille auoit nom laqueline, comme il est trouuē es vrayes
histeire. Les enfans vindrent au deuant des françois Charlemaigne & le roy
Hugon entrerent au palais, & les barons apres. Et quand ils furent dedans
Charlemaigne s'assit sur vn marbre, & aupres de luy le roy Hugon, sa fem-

me & sa fille Iaqueline. Quand Oliuier veit ceste belle fille dit, à soy mesmes Si i'estoye couché avec ceste belle fille, ie luy feray quinze fois la nuit ou ie voudroye estre desmembré. Le Roy Hugon fit honnestement seruir à table Charlemagne & les douze Pairs, mais Oliuier ne mangeoit point, & estoit tant pensif que merueille, parquoy Roland luy demanda s'il estoit courroucé cōtre quelqu'un Oliuier respondit, non ie vous diray verité, Sachez que quand ie voy la fille au Roy Hugon, ie suis rauy de son amour, car elle est si belle gente, noble, & gracieuse, & sçachez que si ie la tenoye ceste nuit couchée avec moy, ie luy feroye quinze fois, Roland se print à rire disant. Vo⁹ estes vn vray pelerin qui venez du Sainct Sepulchre, & voulez gringotter. Quand ils eurent prins leur refections, le Roy Hugon les fit descendre du palais, en leur monstrant plusieurs belles choses. Quand la nuit fut venue le Roy Hugon fit preparer treze lits en vne chambre. Et les fit tous encoriner de sandal. Au milieu de la chambre y auoit vn lit mout solēnel, lequel estoit preparé pour charlemaigne: Quand ils furent tous couchez. Lors charlemaigne ne pouuoit dormir appella les douze pairs: & leurs dit. Seigneurs ie vo⁹ prie dites quelque choses de ioyeux, car certes ie ne puis dormir, Adōc Roland respondit. Sire, il est de raison que commenciez à dire quelque gab ioyeux.

En ceste salle y auoit vn piller de marbre qui estoit creux, & dedans y auoit vn homme qui escoutoit ce que les françois disoient pour le racompter au Roy Hugon. Charlemaigne commença à gaber le premier, & diēt, Nous venons du Sainct Sepulchre ou nous auons veu la courōne & les cloux de nostre Seigneur, le Roy Hugon est mout riche & redouté, nous sommes en sa court. ou nous auons honnestemens esté receuz: iamais ne sera heure que ie ne luy en sache bon gré, il a le plus riche palais qui soit en toute chrestienté mais il n'y a homme en sa court que s'il auoit vestu son haubert, & qu'il eut le chef armé de deux heaumes de fin acier, ie les couperoye d'un coup de mon espée. Quand l'espie ouyt le gab, il dit a soy mesme, A charle, on a bien diēt au Roy Hugon que vous auez hardy courage, & que nul ne vous fist iamais guerre: que vous ne le vainquissiez, car le Roy Hugon fit grand folie de vous loger. Apres que Charlemagne eut gabé, il dit a Roland qu'il gabast, & Rolād dit, Le prendray au matin mon cor & corneray de si grand puissance que par la force qu'il sortira de mon aleine feray trelbucher toute la cité en vn tas, & si le Roy Hugon venoit au deuant, ie luy brusleroye la barbe. Quand l'espie l'entendit il eut grand peur & dit a soy mesme. Helas si Roland fait ce qu'il diēt, Il me faudra mourir, maudicte soit l'heure qu'il fut né de mere, quand par luy la cité tombera.

Après que Roland eut gabé Oliuier dit, Seigneurs ie ne gaberay pas, mais

ie diray verité. Si ie tenoy la belle Iaqueline fille au roy Hugon, ie luy fero y quinze fois ceste nuit. L'espie pensa en son cœur qu'oliuier estoit homme pour despuceler la fille du roy quelque pelerinage qu'il eust fait. Apres qu'oliuier eut acheué son propos, Ogier se print à dire, Seigneurs ie vous promets que demain ie rompray ce gros pilier qui est en ceste sale, & feray tresbucher toute ceste maison. Quand l'espie qui estoit dedans ledict pilier entendit Ogier il se print à plourer disant, Helas vray dieu que dois-ie faire, ie croy que tous les diables m'ont bouté en ce pilier, si ie pouuo y eschapper pour tout l'or du monde ie n'y retournoye. Si tost que Ogier eut dict son gab, Bernard commença à dire Demain au matin si ie veulx i'abbatray ce palais, & quand ie le verray cheoir ie feray vn si beau saut que sans mal auoir ie partiray de ceans. Quand l'eut entendu il se print à dire en soy mesmes.

Helas vray Dieu me conuient il mourir si miserablement, si les françois se peuuent endormir, & puis sortir de ce pillier ie m'en iray aux champs si loing qu'il ne me tiendrôt pas. Apres que Bernard eut fait son gab, Emery se print à dire en telle manieres. Demain au matin ie leueray a vne main ceste grosse pierre qui est en la court, & par despit ie la ietteray contre le mur du palais de si grand puissance que i'en abbatray trente toises. L'espie qui trembloit se print à dire tout bas en soy-mesmes, ia Dieu ne plaïse que tu ayes la puissance de dommager vn tel palais qui est si fort, & si plein de richesses, certes il auroit grand mestier d'hoste qui vous logeroit plus haut d'vne nuit. Et quand emery eut finé son propos, Guennes se print à gaber, & dict Demain quand nous ierons au Palais, & que le Roy Hugon boira & mangera ie lui donnerai tel coup sur le col que ie lui romprai la gorge. Quand l'espie entendit eancelō si fierement parler il se print à dire tout bas que nul ne l'ouit. O que tu est traistre en courage, tu es homme pour faire vne fois quelque grand outrage, ie n'ai point encores oui dire aux autres si cruelle parolles, mon Dieu, tu es bien desloial & de mal'heure né, & ie croi certainement que par toi seront faits maux inmuable. Incontinent que guannes eut proposé son dit, Naimmes commença a gaber, & se print à dire. Si le roi Hugon me bailloit trois haubers menus, incontinent que ie les aurois vestus, iacoit ce que ie soie viel & rompu ie sauterai quinze toise plus haut que les murs qui sont en tout le palais, & puis me coucherai sur la terre & m'estendrai, & me tournerai si fort que les trois haubers desromprai comme la paille est desrombue aux pieds. Quand l'espie eut oui Naimmes ainsi parler: il dit a soi mesmes Helas or voi ie bien que le palais du roi Hugon est perdu quand il a logé telles gens. Mais que tous les diables d'enfer eust cuidé que ce vieillard chenu en telle force, veu qu'il a ia bien six vingt ans ou plus, ie croi que sur la terre il n'i a gens pa-
 rils a ceux-ci, ne qui scachent faire si terribles choses qu'ils dient qu'ils te-

ront. Apres que Naymes eut son gab terminé. l'Archeuesque Turpin com-
 mença à gaber disant ainsi, ie vuideray demain toute l'eau de ceste riuere
 qui passe contre le palais, & la feray venir dedans constantin. Et n'y aura hō-
 me soit noble, bourgeois, marchâs, dame ne damoiselle, n'vautre gens qu'en
 leurs maisons ie ne face flotter en l'eauë. L'espie se print à dire en soy mesmes
 O glorieux Dieu qui souffrit mort & passion en l'arbre de la croix ne vueille
 permettre vn tel outrage estre fait. Mauuais conseil eut le roy Hugon quand
 il amena telles gens loger en son palais: quand maintenant il luy veullent fai-
 re vn si grand donmage. Quand l'archeuesque Turpin eut acheué son pro-
 pos. Gerard de Mondidier se print à dire. Si le Roy Hugon me bailloit trois
 cheuaux & les mettoit en vn sentier guere loing l'vn de l'autre, & que mon
 corps soit armé de trois harnois aussi pesans que trois fors & puissant cheua-
 liers portant haubers en guerre, ie sauteray du premier iusques au tiers, sans
 toucher au second: & du grand saut que feray dessus cestuy cheual, ie luy rē-
 pray les os, & le foudroyeray: & fust il le plus puissant cheual qui soit en tout
 le pais du Roy Hugon. Et quand l'espie eut entendu ainsi parlé Gerard de
 Mondidier, il fut tant pensif que meueilles. & estoit quasi comme vn hom-
 me rauy d'ouyr telles parolles, puis il dit en son courage glorieux dieu le roy
 Hugon n'a pas besoing d'auoir vn tel page, iamais ie ne vis ne ouys parler
 d'hōme qui fust si leger que cestuy cy, Apres que Gerard de Mondidier eut
 dit son gab a sa volonté, Richard de Normandie dit le sien en ceste maniere
 Si le Roy Hugon prenoit six hommes les plus forts & puissant de toute la ci-
 ré, & les face armer à son appetit & volonté en telle façon qu'il voudra, puis
 apre qu'il mette vn grād cuvier sur la terre, & qu'il soit plein de plōb chaut
 & bouillant, & puis que ie soye tout nud, & que les six hommes tous armez
 soient tous six trouffez dessus mon col ie sauteray dedans le cuvier, & sorti-
 ray dehors si que tous les six hōmes seront tous estōnez, & auront les cœurs
 creuez dedans les corps du grand tombement que ie feray, & du plomb ne
 feray point eschaudé. L'espie se print à dire. ie croy par mon Dieu que ces
 gens cy sont d'acier composez. Apres Garin se print à garber disant, deuant
 qu'il soit demain matin ie mettray toutes les pierres du palais en la forest, tel-
 lement qu'il ne demourera cerf, biche, dain, conis ne sangliers, n'autres be-
 stes sauages que ie ne mette à mort, l'espie disoit tout bas. Mourir puisse il
 de malle mort qui vous monstra le chemin de venir ceans. Berangier puis a-
 pres gaba disant, Preigne demain le Roy Hugon six espées d'acier les meil-
 leurs qui pourra trouuer, puis les fiche a demy en terre, & ie soye tout nud a-
 uec mes brayes ie sauteray dessus les poinctes en telle façon que ie les rom-
 pray sans me blesser. Adonc Roland & Oger le dannois luy dirent. Nous ne
 vous baillerons pas nos espées pour les gaster & rompre.

*Comment les douze Pairs s'endormirent apres qu'il eurent gabé, & comment l'espie faillit
du pilier, & raconta au Roy Hugon les gabs que les pairs auoient faictz par-
quoy ils furent en grand danger. Chap. VII.*



Après que les pairs eurent gabé le sommeil les print, & s'endormirēt Et l'espie sortit hors du pillier creux qui estoit en la salle, tant secrettement que nul ne l'ouyt & raconta au roy Hugon les gabs qui auoient este faits par les Pairs de France, tellement qu'il en fut fort courroucé en son cœur, & les eust tous faict mourir, si n'eust esté que Dieu aimoit charlemaigne, pour ses beaux faictz, & vertus dōt il estoit plein. Mais nonobstant il dist qu'il les feroit tous pendre, s'il n'accōplissoient leurs gabs, auant qu'il fut lendemain matin. Et quād il fut iour le roy Hugon vint en la chambre de charlemaigne ditant, roy de France: mout estes hardy de vous venter de rōpre mon palais, sçachez que i'en ay le cœur dolent. ie vous iure Dieu que si vous n'accōplissez ce que vous auez dit, ie vous feray à tous trācher la teste et quād charlemaigne l'entēdit parler, si fieremēt le regarda par quoy Hugon n'eust oncques si grāde peur, puis tourna, disant tout bas, vierge marie quel pelerin voicy, maudite soit l'heure qu'oncque ie les vis, car ie suis quasi mort du regard qu'il ma faict, i'en ay le cœur si esmeu que iusques à demian ie ne seray à mon aise. En la court du roy Hugon auoit vn riche baron qui auoit seruy charlemaigne, lequel auoit nō Ilambras de Bourdeaux il fut banny de France pour vne faute qu'il auoit faicte, le roy Hugon le vouloit faire seneschal en sa maison. Et quānd il vit le roy Hugon si courroucé il luy demanda qu'il auoit, & il luy respondit, l'ay le cœur remply de courroux & de tristesse, de ce que les François se sont vantez, & disent qu'il mettront tout mon palais par terre, & violeront ma fille, & feront plusieurs autres maux. Sire, dit Ilambras, ie cognois bien charlemaigne, & sçachez que iusques a Bonartus il n'y a si fort hōme, aussi est bien Roland: car si luy seul de feroit bien mille cheualiers, & tous les autres ne vallent gueres moins: mais pour les mettre a mort ie ne sçauroye meilleur conseil dōner, sinon que vous fassiez sonner par toute la cité, qu'incontinēt le cry faict petits & grands fussent armez sans point arrester, puis que vous les allicz prendre a pied leuē. Le roy Hugon dit qu'il feroit faict, & s'il les pouuoit tenir qu'il les feroit toccire. Il y auoit en la court du roy Hugon vn ieune garçon qui estoit bāny du Chasteau de Laon en picardie, & incontinēt qu'il entendit la trahyson: il se print a dire tout bas, Si on ma banny de France, ce n'est que par mon mal faict, i'amaie ie ne hayeray ceux de ma nation, certēs ie les aduertiray a fin

que

que chacun pense en son cas, pource dit on cōmunement, jamais bon cœur ne peut mentir.

Comment le Roy Hugon cuida faire tuer les pairs de France si n'eust esté un ieune enfant qui le seruoit : & estoient enuiron trente mille contre treize, lesquels furent quasi tous tuez par les pairs. Chap. V I I I.

Nuiron l'heure que le Roy Hugon fit armer tous ses gens, pour mettre à mort les douze pairs de France. Vn ieune enfant vint au Roy charlemagne, & luy racomta toute la trahison que le Roy Hugon luy vouloit faire, & luy dit, Sire, sçachez que ie suis natif de la ville de Laon en picardie, en laquelle auoit vn chanoine qui me vouloit frapper d'un cousteau, mais ie le tuay : parquoy ie suis banny du Royaume de Frâce, & suis venu en ce pais & combien qu'on m'ait jetté & banny hors du pais : toutesfois ie ne pourroie endurer ne souffrir que vostre roialle majesté fust trahie. Sçachez, Sire que pour les gabs que vous fistes hier apres soupper, le roy hugon vous fera mourir. Allez vous en de ceans si vous pouuez eschapper Et charlemagne luy promist de luy faire rappeler son bannissement, & luy pardonna. Le ieune enfant se partit puis Charlemagne appella ses cheualiers & leur dit, Sçachez seigneurs que tous les habitans de la ville nous veulent icy tuer pour les gabs que nous auons faicts, il nous faut vaillamment deffendre, à fin que no^s puissions tous retourner en France. Et Rolād dit deuād tous ie sçai bien que tous les bourgeois viennēt sur nous mais ie vo^s promets que de durandal mō espée me verrez bien frapper, & en telle façon les escarmouche rai, que ie ferai rougir tout le palais de sang, & tant plus en viendra & tant plus en ferai mourir. Olinier dit tout haut, de Haute clere mō espée i'en tuerai plus de mille. Adonc dit le Duc Naimés, ie ne m'enfuirai pas, pourtant si ie suis viel : mais tent frapperai, que vous orrez mon espée retētir par le palais, non obstant si ie puis ie ferai tant par beau parler que partirons de ceans chacun en dit son opinion. Et ainsi qu'il deuisoient le Roi Hugon qui estoit mout courroucé assembla ses gens, tellement qu'il furent plus de trente mille contre les Pairs de France, qui n'estoient que douze, & charlemagne faisoit le treiziesme. Le Roi Hugon alla vers le palais, & mena ses gēs criers, ou sont les gens qui sont si faux & outrageux. Quand Roland les ouit, il se leua debout, diant. Soions aujourd'hui vaillans. Adonc le Duc Naimés dit à roland, par le dieu g'orieux vous estes trop chaud. A quoi roland respondit, a tout perdre il n'a qu'un coup perilleux Et en ce disant il lai lit sur leurs ennemis. Charlemagne le suiuoit, & se prit à chapeler, tuer, & detrancher les

habitans de cōstantinople. Charlemaigne auoit ioyeue son espée, de laquelle il couppoit & detranchoit salades, & escus. Et Roland estoit de l'autre coste qui faisoit merueilles de frapper. En brieftous se porterent si vaillans, que iamais gens ne furent si bien secoux, car il en mourut plus de deux mille ou plus. Et si n'eust esté, que le roy hugon auoit faict crier que tous ceux qui fueroient seroient pendus, il s'en fussent fuis du commencement de la bataille car ilz disoient que les François estoient diables venus d'enfer, tant faisoient de vaillances. Quand le roy Hugon se vit desconfit, il renforça ses gens, cuidant mettre à mort les douze pairs. Il y auoit vn bourgeois qui conseilloit au Roy Hugon qu'il appointast a charlemaigne, & qu'il deuoit considerer que treize hommes en auoient mis à mort plus de deux mille, & que le sang des morts couroit à grands ruisseaux. Je croy, dit-il, qu'ils ont droit & nous auons le tort: car autrement treize hommes ne sçauroient faire telle desconfiture, nonobstant que treize hommes bien frappans de l'espée nous mettroient à mort car nous n'auons pas accoustumé faire guerre cōtre les François, pour ce parlons à eux. Le Roy Hugon incontinent fit sonner la retraite: puis alla vers Charlemaigne: & luy dist, roy François Dieu vous doingt salut, vous sçavez que ie vous ay loge en mon palais, & quād vous fustes couchez fistes vos gabs de moy. Sire dit Charlemaigne, ne vous courroucez pas, car c'est nostre coustume entre nous François de nous esbatre pour passer nostre tēps, Le Roy Hugon plus marry que deuant dit à charlemagne, Je vous iure ma foy que vous n'aurez paix à moy que n'ayez les gabs accomplis, autrement vous feray à tous trancher la teste. Quand Charlemagne entendit ceste parole, du grand despit qu'il eut le visage luy rougit, & dit a Hugon fierement Sire, nous n'auons rien dit par malice, & si vous iure monsieur S. Denis que nous n'auons ce dit sinon par esbatemēt, mais puis que vous en parlez si auāt les gabs seront accomplis. Adonc Roland se print à dire, ie vo' promets que point ie ne faudray. Oliuier dist, ie vous iure que ie feray le mien, par tel si que l'on me baille la belle Iaqueline pour coucher avec moy, & au cas que si ie faux que l'on me coupe la teste. Chacun dit qu'ils accompliroient leurs gabs. Cela faict, se sont partis les gens du roy Hugon. Charles s'est retire en vne chambre avec les douze pairs, lesquels prirent conseil les vns aux autres, comme ils pouroient eschapper des gabs par eux faict. Roland dit a Charlemaigne, mon oncle, commēt seroit-il possible à nous de faire ce qu'auons dit: si ne les faisons, nous sommes en danger de mort, charlemaigne dit ne vous souciez, nostre seigneur nous aidera: car ceans & en autres lieux il nous a monstré signe d'amour. Apres s'en sont tous allez ouir Messe: Charles si se mit en prieres, requerant nostre seigneur qu'il leur voulist donner secours incontinent la priere faict, vn Ange du ciel luy est apparu, qui luy dit

GALIEN RESTAURÉ

charles fois asseuré: car Dieu par moy te mande que les gabs sont accomplis mais iamais ne te vente de dire telles parolles. Et quand charles entendit la voix de l'Ange, tendrement se print a plourer, en rendant grace à nostre seigneur, puis s'en vint aux douze pairs, disant, Noble barons, prenez resiouissance: car dieu nous mande que les gabs seront accomplis. Quand les barons entendirent les nouvelles deuotement remercierent nostre seigneur, & la beniste mere,

Comme les gabs faict par les douze pairs furent accomplis, & comment Oliuier coucha avec la belle Iaqueline fille du Roy Hugon, duquel & par le vouloir de Dieu engendra Galien Restauré. Chap. IX.



LE Roy Hugon fut fort courroucé s'évint vers Charlemagne, & vers les douze pairs pour leur accomplir les gabs en disant. Venez Oliuier, vous vous estes vanté que si vous teniez ma fille Iaqueline couchée avec vo^s que quinze fois luy feriez le ieu d'amourettes en vne nuit. pour laquelle chose veux que le gab accomplissiez ou

autrement vous feray trancher la teste. Adonc dit Oliuier, Si voulez que le gab soit accomply baillez moy vostre fille & ie l'accompliray. Incontinét le Roy Hugon luy fist preparer vn liét richement encourtine auquel couchèrent la belle Iaqueline, & Oliuier se mit appertement en besongne ainsi que doit faire vn bon ouurier.

Et tellement besongna que douze fois le ieu d'amour accomplit, & tant fit que plus ne peut aller auant, & se rendit aux armes d'amours, puis dit à la belle Iaqueline m'amie il nous faut reposer vn peu & s'entrebassèrent lvn l'autre, puis s'endormirent iusques au iour, & quand furent esueillez recommencerent leur entreprinles, mais le noble Oliuier ne le peut faire sinon vne fois qui fut la treizième, & se rendit au labeur, en disant a la belle Iaqueline. A ma dame pour dieu ayez mercy & pitié de moy. Adonc dit la belle Iaqueline Oliuier mon amy, ie vous promets la foy qu'a mon pere diray que quinze fois l'avez faict ou plus, dont suis seur que grand desplaisir en aura. Le noble Oliuier grandement la remercia. Quand vint au matin le, roy Hugon mada

querir sa fille la beile laqueline & quant elle fut deuant luy, il luy dit. Certes mon pere il l'a fait qu'inze fois & plus si l'eusse peu souffrir. Par ma foy dit le Roy Hugon ma fille ie n'ay point pitié de toy, car iamais fille de roy ne fut mieulx labourée que tu as esté ceste nuit : Apres il dit qu'il vouloit que Emery gabaſt lequel auoit dit le ſoir qu'il leueroit vne pierre à vn bras laquelle eſtoit en la court du palais, & qu'il en donneroit vn tel coup contre le mur qu'il abbatroit trente toiſes. Ceste pierre eſtoit ſi peſante que trente cheuaux ne la pouuoient leuer de terre qu'ilz ne tuſſent bien chargez. Adonc ſe print a dire Emery. Certes ie l'ay dit & le feray, & en parlant il print la pierre par le milieu & la leua de terre, & en frappa ſi roidement contre le meur qu'il en abbatit plus de trente toiſes non pas par force qu'il euſt, mais par la volôté de dieu : & pource que charlemaigne auoit touſiours ſerny ieſus chriſt. Et quand le roy Hugon vit ceste choſe il fut moult eſbahy & dit tous maſſons doiuent bien aimer vn tel homme qui en vn moment à rompu autant & plus de mur qu'ils n'en pourroit faire en vn an & demy le croy fermemēt que les diables d'enfer l'ont faiſt venir en ce pays pour me faire ſi grand dommage. Sire dit-il au roy charlemaigne, ce n'eſt faiſt acte royalie vous ay logé honorablement à voſtre appetit en mon logis & palais royal, mais vous me rendez mal pour bié. Charlemaigne luy reſpondit, certes ie ne vo^r faiſt nul deſplaiſir, car vous voulez que les gabs ſoient par nous accōplis, & encores ſi vous voulez ils ſeront tous faiſs. Et il reſpondit qu'ouy Incontinent Turpin dit, ie le feray. Mais ſi ne voulez eſtre noyez ſortez tous de la ville. Et al'heure preſente Turpin monta en vn grenier du palais, & ſeigna la riuere par la vertu & puissance de Dieu la fit toute ſaillir, & courre par la ville tellement qu'il n'y eut chambre ne autre lieu en la ville qui ne fut pleine d'eauë. Vous euſſiez veu tout le peuple de la ville crier à hautes voix. Vray dieu de paradis vueillez nous aujourd'huy aider, car en m'aleure vindrent les François à conſtantin, & en tout le pais pour nous faire ſiner. Quand le roy Hugon vit la cité plaine d'eauë ſi s'en vint à charles diſant, Sire ie vous requiers pardon en vous priant qu'il vous plaiſe que ceste riuere retourne en ſon eſtre, car tous les gēs de conſtantin ſont quaſi noiez ſur tous les hommes du monde vous eſtes le plus puiſſant, ie veux eſtre obeiſſant moy & toutes mes gens a vous. Quand Charlemaigne l'entendit il ſe print a rire diſant. Voulez vous que l'on face encores des gabs, diſtes le haſtiuemēt, car ils ſont tous preſts de les accomplir. Certes non dit le roy Hugon : car tant que ie viuray ie n'oublieray les gabs que vous auez faiſts, & des maintenāt me ſoubmets à voſtre ſeruice. Et incontinens fut miſe la couronne d'Empereur ſur le chef de Charlemaigne. Adonc le roy Hugon luy fit hommage & tint ſon pais de luy, & fut charlemaigne ſeigneur ſuperieurs par deſſus luy deuāt tou-

tes les gens de constantin Hui&t iours sciournerent au palais du roy Hugon puis s'en departir&t&prindr&t congé de la belle laqueline laquelle fit moins regrets& lamentations pour l'amour de son amy. Oliuier. Le neuſietme iour charlemaigne & les douze pairs se departirent& firent tant par leurs iourn&e qu'en brieftemps ils arriuerent en France disant a dieu au roy Hugon, mais quand la belle laqueline les vit venir mont&e a cheual elle regardoit Oliuier mout piteusement, disant. Helas dict&es moy s'il vous plaist si vous me voulez point emmener avec vous, certes ie croy que ie suis grosse. Incontinent charlemaigne & les douze pairs de France se sont mis à chemin, & la belle laqueline s'est mis a plorer, & dit à haute voix. Comment mon amy, Oliuier me lairez vous? Helas menez moy en France, au moins si ie suis grosse d'un beau fils vous le ferez nourrir avec voz amis. Certes dit Oliuier douce amie ie vous promets que l'iray conduire mes compagn&ns iusques en Fr&ce, puis ie retourneray & vous espouseray s'il plaist à vostre pere. Oliuier se departit d'eile en iettant grands souspirs& oncques puis ne se virent, car Oliuier mourut à Roncevaux par la trahison du faux & traistre Ganelon. Neuf mois apres la belle laqueline accoucha d'un beau filz lequel fut n&omé Galien, oncques tels cheualiers ne naquist ne qui mit plus de payens à mort.

Comme le Roy Charlemaigne tint conseil avec les François pour aller en Espagne. Chap. X.



Q V and l'empereur charlemaigne fut arriué en France, il ne luy chaill&oit de chasser aux lieures, cerfs, biches, ne ſ&agliers, mais il fit assembler tant de harnois qu'il pouuoit trouuer & de tout son courage il faisoit forger instrumens de guerre. Apres ceste chose faite il assembla tous les nobles ſeigneurs, & barons de Fr&ce, les Alemans, Picards, Norm&ds,

Champenois, Lymosins, & plusieurs autres nations, & les fit tous assembler a Paris en son Palais roial, & quand ils furent tous assemblez il leur dit. Seigneurs ſ&achez qu'il m'est venu vn meſſager, disant que vers Eſpaigne ſont arriuez nos aduertaires, lesquels ſont mourir tous les chreſtiens. Vous eſtes

mes barons, & mes amis chers, à ceste cause ie me veux cōseiller a vous. Sire disent les barons, nous irons ou vous voudrez, mais vous avez mené si longement guerre que nous sommes tous rōpus & chassez, & nos harnois tous despecez & froïsez, nous n'auons haubers ny escus qui ne soient rompus & caïlez tous nos grands cheuaux sont morts. Quand charlemagne entendit ainsi parler les barons par grād fïereté leur dit. Or ne groignez plus. car vous viēdrez vueillez ou non. Si vous n'avez hatnois nous en feront forger a paris, & au villes d'enuiron. Si voz cheuaux sont morts, nous en gagnerrons en Espaigne. Apres ces parolles dictes, il fit incontinent preparer tout son bacage, & cheuaucha droit en Espaigne le plustost qu'il peut pour desconfire les payens. Incontinent qu'il fut en espaigne il fut dit par roland & les autres pairs que Ganelon iroit en ambassade deuers le roy Marsille, lequel faisoit beaucoup de greuance aux Chrestiens, comme plus a plain sera declaré.

*Comment Ganelon fut enuoyé en Saragoſſe en embaſſade vers le Soudan Marsille, par le
consentement de Roland, ou il vendit les douze Pairs de France, & ving-
milles hommes. Chapitre. X I.*



IL fut conclud par le cō-
sentement de Rolād &
des Pairs de France, que Ga-
nelon yroit en enbaſſade vers
le Roy Marsille qui estoit en
Saragoſſe, & luy porta let-
tres que Charlemaigne luy
enuoyoit, donc Ganelon
fut si courroucé qu'il cuida
creuer de despit contre Ro-
land qui estoit cause qu'il y al-
loit. Il iura ieſus-Christ qu'il

s'en végeroit, & aussi fit il, dōt ce fut grād pitié car il ne fut onques puis que le royaume de Frāce n'en valut pis. Quād le traistre ganelon fut arriué deuers le roy Marsille en Saragofſe, il monta en son palais qui estoit mout riche & plaiſant: dit au roy Marsille. Sire roy entens à ce que ie te diray. Le roy Charlemaigne tref-chrestien te mande que tu renie ton Dieu Mahommet pour croire en ieſus christ & que tu te rendes aluy, rēds la ville de saragofſe & tous les pays d'enuiron. Mais entens premierāce que ie te v'eux dire Si tu fais

par mō conseil, ie te feray sans faute deuāt qu'il soit quatre mois d'icy roy de France, & si tiendras tousiours ta loy & destruiras charlemagne & tou^s les gēs & avec ce ie te promets ma foy que ie croiray en ton Dieu moyēnant que tu faces mon commandement, Incontinent que le roy marsille l'ouit il vint accoller le traistre Galenon, & luy fist la plus grande chere du monde, & luy dit en riant. Dites moy donc beau amy s'il vous plaist comment ie dois faire. Adonc Ganelon dit au roy Marsille. Sire roy ie te requiers que tu vueilles celler ce que ie te diray. Je hay parfaictmēt roland neveu de Charlemagne tant que ie ne demāde sinon trouuer occasion de le faire mourir, parquoy ie te promets ma foy que si ie deuoye perdre ma femme, mes enfans, mes parens & mes amis & laisser mon pais & mes terres & Seigneurie, & renier la Loy de Iesus-Christ pour croire en la tiēne, & demourer avec toy par de ça & me deussent emporter tous les diables d'enfer en corps & en ame, ie mettray peine de faire mourir roland Et si tu me veux aider, ie feray mourir p¹ de vingt mille Chrestiens les plus vaillans & hardis qui soient en France lesquels sont avec luy. Quand le roy Marsille entendit ainsi parler Ganelon, il la fist plus grand ioye qu'il estoit possible de faire? car roland estoit le plus grand ennemy qu'il eut, car il le haïssoit plus que tous les hommes du monde, pource qu'il luy auoit couppé vn bras deuant la cité d'angers: puis il dit à Ganelon, Franc cheualier, dis moy comment ie pourray auoir roland, Sire dit Ganelon vous deuez sçauoir que Charlemaigne m'aime fort & se fie du tout en moy, & me croira de tout ce que ie luy diray: car quand ie seray retourné vers luy, ie luy diray que vous estes deliberey de vous rendre à luy, & luy rēdrez la ville de Sarragote, & croirez en Dieu le tout puissant, & que vous luy donnerez cent beaux palefrois, cent perles orientales, cent leuries, cent brachelet & deux esperuiers & avec ce quatre cens chevaux noblemēt aornez, & deux cēs mille marc d'or fin, pour deffrayer & payer son armée. Et quand Charlemaigne entendra ces nouuelles, il sera fort ioyeux. Puis apres ie luy diray qu'il face leuer son ost, & qu'il departe, & qu'il laisse roland & Oliuier pour faire l'arriere garde, pour receuoir iceux dons. Et incontinent qu'il sera passé outre les ponts & tout l'ost, vous ferez armer tout vos gens, & quand ils seront armez, vous les ferez frapper sur roland & sur ses compagnons vers la minuit: car il ne pourra auoir nul secours de charlemagne, & ie feray avec luy ou ie l'amuseray tant que ie pourray à fin qu'il ne puisse donner secours aux Chrestiens, & adonc pourrez desconfire roland & les autres François, Par Mahom, dit le Roy Marsille, ie n'y faudray pas: car mon freres Belligand doit venir demain à mon secours, & amenera avec luy cent mille Sarrazins. Et quād ils seront venus ils iront avec mes gens enuiron la minuit bien secrettement tant qu'ils ne les apperceurōt point. Adonc Ganelon luy

dit vous parlez sagement, mais quand vous viendrez assaillir roland, il vous faut faire bien ordonner vos gens, car il à avec lui vingt mille bons combatans les meilleurs du Royaume de France, & sont aussi avec luy six pairs de France lesquels sont de nobles courages, c'est à sçavoir le Conte Oliuier l'Archeuesque Turpin, le Duc Naymes, Berangier qui est mon prochain parent Estou le fils Oedon, & Godefroy, Iuon Iuoire, Richard & vincēt. Il est bien necessité que vostre armée soit bien disposée, & qu'il ait bons chefs de guerre pour les conduire sagement, car tous ceux que ie vous ay nommé seront du uât & les premiers en la bataille. C'est la fleur de Frâce & les meilleurs cheualiers & les plus redoubtez de toute Chrestienté. Quand Marfille eut bien escouté Ganelon de grand ioye luy ritle cœur au ventre, & iura Mahom qu'il occira Roland & mettra en peine & en tourment tous les Barons chrestiens qui sont avec luy. Apres ces parolles dictes Ganelon print congé de Marfille, & legerement s'en retourna en l'ost de Charlemagne avec plusieurs riches & precieux dons, lesquels luy furent donnez. Et quand il fut arriué en l'ost de Charlemagne ainsi comme il se cuidoit encliner pour le saluer le traistre & desloyal cheut tout plat par terre, de quoy les Barons furent mout esbahys. Apres qu'il se fut releué, dirà Charlemagne que le roy, Marfille croioit en resuschrift, & qu'il luy deuoit enuoyer grande quantité d'or & d'argent & qu'il luy rendroit les villes & citez toutes à son beau commandement, & que dedans saint rean prochainement venant il viendrait à Paris avec mille hommes pour le servir, & que baptiser se feroit. Et quand charles l'entendit ainsi parler, il vint par loyalle amour acoller le maudit traistre Ganelon dit, cuidant que ce qu'il disoit fut vray. Tous les Barons commencerent à demener grand ioye parmy la tente du Roy Charlemagne: puis Ganelon dit, Noble Roy, plaist vous de m'escouter: Faictes trousser tous vos harnois & vos bernages, & vous en allez coucher à trois lieux d'icy deuant Soleil couchant, & laissez Roland & Oliuier & vingt mille hommes combatans avec eux, pour l'arriere garde, lesquels attendront l'or & l'argent, & la richesse que le Roy Marfille doit enuoyer: puis demain le matin ils viendront apres nous, ou quand il vous plaira. Charlemagne crut Ganelon, & luy dit qu'il parloit tresbien incontinent il fit trousser tous ses armoys. Il appella Roland & les autres Barons & leur dit, Seigneur vous attendrez les richesses que le Roy Marfille doit apporter, car ie m'en vois tousiours deuant. Adonc Roland respondi à charlemagne, que tres volontiers seroit son commandement: car il ne se doutoit point de trahison charlemagne departir, & laissa vingt mille hommes avec Roland, lesquels moururent dont ce fut grand pitie & dommage pour le royaume de France, comme deuant auez ouy Nous laisserons à parler de la trahison de Ganelon, & retournerons à parler de la belle laqueline : fille du

Roy Hugon

GALIEN RESTAURE.

roy Hugon , laquelle fut de jettée de Constantinoble, par le consentement de son pere & de ses freres , à cause qu'elle estoit grosse , Et fut logée en la maison d'une pauvre femme secrettement , auquel lieu elle accoucha d'un beau fils, lequel fut appellé Galien.

Comment la belle Iaqueline fille du Roy Hugon acoucha d'un beau fils appellé Galien Restauré , lequel nom luy fut imposé par deux Fées, dont l'une estoit appellée Galienne , & l'autre Esglantine. Chapitre. XII.



LA belle Iaqueline estant en la maison d'une pauvre femme , vn matin comme elle se leuoit , derriere la maison y auoit vne fontaine en ombrage , à laquelle elle alla pour passer son temps & sa melancolie. Quand elle fut pres de la fontaine , le mal de l'enfantement tellement la tourmenta, qu'elle se print à crier. Et incontinent par le vouloir

de Dieu les Fées entendirent la voix de la noble Dame, lesquelles la vindrēt reconforter. Et quand elle virent l'enfant qui estoit vn beau fils , elle se sont fort resiouyes , & ont l'enfant honnestement receu. L'une des deux Fées estoit appellé Galienne , & l'autre esglantine : laquelle tint iadis de la terre de Ponthieu au pays de Picardie. Elle fut compagne de Morgue vne longue saison. Quand elle vit l'enfant sur l'herbe verte, elle sentit sa douce aleine. Adō dit la belle Iaqueline, Certes Dame cestuy enfant est destiné d'auoir beaucoup de peine: mais certes nous luy donnerons vn beau don. Galienne dit à Esglantine, Dame donnez luy vostre don. Certes dit Galienne, puis qu'il vous plaist ie le feray. Et pource que ie gognois que l'enfant aura beaucoup de peine en bataille, ie ne luy puis oster mais ie luy octroye qu'il soit toute sa vie hardy comme vn Lion , & qu'il ne puisse mourir par trahison. Et s'il est en guerre mortelle, qu'on ne le puisse naurer de playe qu'il n'en soit guery au bout de trois iours. Et veux qu'il soit Roy de Constantinoble, & que ses oncles n'en ayent vaillant vn denier et afin qu'il souuienne a sa mere de nous, il aura nom Galien, & portera mon nom. Dame dit Esglantine, vous avez donné de beaux dons a cest enfant. Et ie luy en done vn, c'est, que tant qu'il viue il ne sera las ne matté en ioustes ne tournois, & que par nul ne soit deffait, ne

reculé de demy pied de long, & tant occira de payens que toute chascun e
 en soit mise en repos. Et auant qu'il meure sera roy couronné. Et quand les
 douze pairs seront mort, c'est enfant fera telle desconfiture qu'il restaurera
 charlemaigne & le residu deses gens de mort. Adonc dit Galienne, Ma bel-
 le sœur, vous auez bien parlé, & puis que ainsi est qu'il restaurera le roy char-
 lemaigne : il sera appellé Galien restaure. Le nom fut trouué sur le graui-
 er de la claire fontaine, car les deux fées y auoient escrit le nom, & l'eterit fai-
 et en partirent soudainement. La belle Iaqueline n'oublia pas le nom de son
 enfant, que les deux fées luy auoient imposé. Et incontinent on manda
 l'Archeuesque pour pabtiser l'enfant. La belle Iaqueline defendit qu'on ne
 luy changeast point son nom, pource que les fées luy auoient donné ledict
 nom. Cestuy enfant fut baptisé & nommé Galien restauré. Vn messager alla
 hastiuement à la royne femme du roy Hugon, & luy dit, Dame remerciez
 Dieu le createur : car vostre fille Iaqueline a vn beau fils, iamais plus bel en-
 fant ne fut veu. Et quand la royne sceut qu'Oliuier l'auoit engendré, elle se
 print a souspirer tendremēt. Helas dit elle, Oliuier de mal'heure vous fustes
 en ce pays : nonobstant, que tant de mal ay veu en vous que cestuy enfant
 nourriray, quelque chose qu'endoie dire le roy Hugon mon mary, lequel
 par despit de vous à dechasser de son pays ma fille Iaqueline. La belle Ia-
 queline estoit en la maison de la pauvre femme piteusement seruiue, inconti-
 nent sa mereluy enuoya courtines, oreillers & couuertes, or & argent à
 grand foison. Le tiers iour qu'on la vouloit baigner, sa mere la vint visiter :
 mais quand Iaqueline la vit piteusemēt luy dit, Helas ma tres honorē mere
 ie vous prie ne vo' mettez point en danger pour moy. Vous sçauz que mō
 pere m'a fai- & deschasser de son palais pource que i'estoye grosse d'enfant, Sa
 mere luy dit, raisez vous ma fille, ne vous souciez de rien, car tant que sere-
 ceans, vous n'aurez faute de rien. Et quand vous sere- & releuée, ie vous don-
 neray or & argent pour mener vostre train. Outre plus vous donneray pale-
 frois pour vous mener & deux escuyers qui vous conduiront iusques à l'ho-
 stel de vostre cousin le Conte de Damas : & sera vostre beau fils honorable-
 ment nourry. Vous sçauz ma fille que vos deux freres vous ont en hayne,
 & desirent vous mettrent à mort, & vous & vostre beau fils, dōt ie suis fort
 courroucée Apres que Iaqueline fut releuée, elle & son beau fils Galien fu-
 rent menez au Conte de Damas, lequel les reçeu amiablement. Galien fut
 mis à l'escole, lequel crut & deuint grand en peu de tēps mout bel enfant : car
 chacun disoit qu'il estoit le plus bel qui fut en tout le pais de Damas. Vn ma-
 tin comme Galien alloit à l'escole, il trouua en la cour du comte vn cheual
 qu'on auoit attaché de sa bride contre vn mur Incontinēt, le destacha & mō-
 ta dessus, & tant le fit courir que le dit cheual mourut deffous luy. Le comte

de Damas estant à vne fenestre le regardoit, adonc appella sa mere Iaqueline, & luy demanda par sa foy si Galien estoit fils d'Oliuier, laquelle luy respondit que ouy. Alors luy monstra comme il auoit tué son cheual en courant par la cour, puis luy dit, certes c'est grâd folie de l'enuoyer à l'escole, car il ressemble bien celuy qui l'engendra. Le vous promets ma foy que iamais il n'y ira. C'estuy enfant fut nourry à Damas, au temps que Charlemaigne estoit à Ronccuaux, faisant la guerre aux Sarrazins. Cestuy Galien se faisoit aymér de chacun. il estoit doux & amiable, & aimoit Dieu & nostre Dame & sainte Eglise, comme plus à plain sera déclaré en cestuy present Liure.

Comme apres que Galien eut quatorze ans, le Conte Damas le mena avec luy vers le Roy Hugon : Et comment Iaqueline reuint vers son pere, Et dit à Galien qu'il estoit fils d'Oliuer. Chapitre. X I I I.

A Pres que galien eut quatorze ans, il estoit si bel enfant, que plus ne fut veu au pays. Il aduint vniour d'une Natiuité, que le roy Hugon tint court en son palais. Le comte de Damas fut à la feste, & mena galien avec luy. Il auoit grosses espaulles gresse corps, les cheueux blonds, & les yeux vers tellement que par tout fut dit qu'il estoit le plus bel enfant que iamais on auoit veu. Son oncle & luy sont entrez au palais, le comte s'est encliné contre le roy Hugon, lequel le salua humblemēt : puis a regardé Galien qui estoit avec le comte de Damas. Et quand il eut Galien regardé, il appella secrettement le comte, & luy demanda a qui estoit c'est enfant. Le comte ne fit point semblant qu'il l'eust entendu, mais vint à luy, disant, Sire, comment vous a esté : i'auoy grand volonté de vous veoir. Comte, dit le roy Hugon, estes vous sourd : ie vous ay demanday à qui est c'est enfant. Certes, dit le comte depuis que ne vous vis ie suis affordy. Le roy Hugon cuidât qu'il fust sour s'aprocha de luy, & luy cria dans l'oreille, luy disant, Dictes moy ie vous prie qui est c'est enfant ie ne le demande pas pour mal. Quand le comte l'ouit, il se print à rire. Adonc la royne qui le cognoissoit, luy dit, Sire il suffit il n'est pas mestier de tout dire. Le roy Hugon dit qu'il scauroit qu'il estoit car en sa vie n'auoit veu plus bel enfant. Et incontinent appella Galien, D'ou est tu, beau fils, ie te prie que ne me celes point, car tu n'en peu pis valoir, Galien luy dit Certes, Sire, ie ne scay, & iamais ie ne vis mō pere : mais si ie scauoye en quel pays il est mort ou vis, i'irois vers luy. Et s'il estoit en guerre & que i'eusse vne espée ie le reuancherois contre les ennemis. Quand le roy Hugon l'entendit il se print à rire, & luy dit deuant tous. Vous estes trop ieune pour faire ce que vous dictes. Sera dit Galien, il m'est aduis que ie le feroye : car ie me sens bien de mon corps, que si trouuoye vn autre de ma sorte, iamais ne feroye las

de frapper dessus. Par dieu, dit le roy Hugon, iamaïs ie ne feray bonne chere iusques a ce que ie sçache qui vous estes. La royne dit, Sire vous le sçaurez crovez de vray que l'enfant est filz d'Oliuer, & de vostre fille Iaqueline que vo^r de chassantes de vostre pays quād elle fut grosse. Adōc dit le Roy Hugon soy esmerueillāt, certes iamaïs ie n'en sçeu rien: mais pource que ie voy cest enfant estre si bel & si auenant, faictes mander ma fille, car iamaïs elle n'aura faute de chote que ie possede, car iusques en Orient n'y a si vaillant cheualier com me est Oliuier son pere, apres le Duc Roland. Quand Galien l'entendit hūblement remercia Hugon, du bien qu'il luy vouloit. Et tellemēt aima Hugon Galien, qu'il demeura deux ans auec luy. L'enfant n'eut point esté trois mois en constantinoble, qu'il luy uoit ioustes & tournois, tellement qu'il faisoit merueillies, Et furent donc neés pris en ioustes tellement que Galien gaignoit tous les pris. Et luy donnerent les cheualiers le bruit, mais il auoit deux oncles, lesquels estoient enuieux sur luy, en telle maniere qu'ils le voulurent meurtrir en vn mois, à cause qu'il se portoit mout honorablement en faict d'armes contre les plus vaillans cheualiers & emportoit tous les prix.

Comment Tibers frappa Galien de l'eschiquier, en iouant aux eschets
 Chapitre. X I I I I.



lien vit son sang faillir en telle abondance, il se print a dire Oncle vous auez

N iour cōme Galien iouoit aux eschets auec son oncle, il print vn roc, & dit à haute voix, ie dis mat. Tibers qui contre luy iouoit eut despit avec l'en uie qu'il auoit sur luy, il print le tablier & l'en frappa sur la teste, par telle façon que le sang couloit de son chet iusques a terre, & luy dit plusieurs paroles. Quand Galien vit son sang faillir en telle abondance, il se print a dire Oncle vous auez

tort de me frapper si fierement, nul desplaisir ne vous ay fait pour m'auoir
 ainsi outrager. Apres qu'il eut ainsi parlé à son oncle, il faillit hors dela mai-
 son, & s'en alla à trauers vn iardin, tant demanda Galien sa mere, qu'il la
 trouua, & quand il la vid, il se print à dire à haute voix. Treschere mere sça-
 chez que mes oncles m'ont fait iouer aux eschets mais en iouant mon oncle
 Tibers ma frappé de l'eschiquier dessus la teste, tellement qu'il m'a fait faillir
 le sang en grande abondance, dont ie suis fort blessé, & si ne luy ay pas vou-
 lu toucher. Outre plus il m'a appellé bastard, dont ie suis de courroux n'aure
 iusques au cœur. Treschere mere vous sçauiez que telles parolles touche
 grandement à vostre honneur & au mien. Il faut bien dire qu'il n'a pas noble
 courage, & qu'il est plein de cruauté, & de toute malice: certes ma chere me-
 re s'il est vray ce qu'il m'a dit, il procurera vostre mort dont il me desplaist ie
 vient vers vous pour auoir conseil: car ie ne veux rien faire sans vous & que
 vous y consentiez. Pource ma mere, dictes moy qui ie suis & comme vous
 mauez engendré. Mon fils, dit sa mere ie vous le diray. Vne fois fut que char-
 lemaigne & les douze pairs de France en reuenât du saint sepulchre de Hie-
 rusalem par cy: & mon pere les logea, & leur fit grand honneur, & la nuit
 quand ils furent couchez, ils se prendrent à gaber, & vn clerc qui ouit les
 gabs le vint rapporter à mon pere, le quel iura qu'il les feroit tous mourir si'ils
 n'accomplissoient ce qu'ils auoient dit. Alors l'un d'eux nommé le comte
 Oliuier dit que s'il m'auoit à son coucher, qu'inze fois auoit ma compagnie
 sans soy reposer, mon pere me bailla à luy, à qui ie n'osay refuser, & accom-
 plit ce qu'il auoit dit, & ainsi fustes engendré, & est verité: Galien respondit
 à sa mere: certes il est bien fol qui ce me veut reprocher, puis que ie suis fils
 d'Oliuier si on m'appelle bastard ie n'en compte vn niquet, mieux vaut vn
 bastard qui soit hardy cheualier que ne feroit vingt couards qui seront en-
 gendrez en mariage.

*Comment Galien demanda congé au Roy Hugon d aller chercher son pere en
 France. Chap. XV.*

ET quand Galien sçeut qu'il estoit fils d'Oliuier il en fut plus ioyeux que
 qu'il luy eust doné la cité de cōstantinople. toutes fois il auoit son cœur
 bien marry pour l'amour deses deux oncles qui le hayoient & si iamais ne
 leur auoit fait desplaisir, L'un estoit nommé Henry & l'autre Thibert, ou
 Thierry: mais quand il s'aduisa il n'y compta pas vn bouton, ains dit qu'il ira
 chercher la terre & le pais, & que iamais il ne cessera d'aller tant que il aura
 trouué son pere Oliuier mort ou vif. Lors s'en vint à son pere grand, le Roy
 Hugon: & le remercia des biens & de l'honneur qu'il luy auoit fait, & de ce



qu'il luyauoit pleu l'auoir nou-
ry par l'espace de deux ans ou
plus, & luy dit, Cher sire ie vo-
prie qu'il vous plaise me don-
ner congé, car tant que ie se-
ray en vie ie ne cesserai d'aller
par bois & par buissons iusque
à tant que j'aurai trouué mon
pere Oliuier. Et quand le roy
Hugon l'entendit ainsi parler
il en fut fort courroucé, & se-
bahissoit du courage de l'en-

fant Adonclui respondit, Mon enfant demeurez avecques moi & ie vous
iure ma foi que d'icy a deux ans ie vous feray accoustre d'armes, d'elcus
de lances & autres harnois & vous donnerai qu'inze cheuaux des meilleurs
de mon royaume. Je ne donnerai pas toute ma terre a mes deux filz, car ie
vous en donnerai vostre part à vostre appetit. Certes dit Galien, ie vous re-
mercie, & si vous iure ma foy que iamais ioie au cœur n'auray, tant qu'Oli-
uier ait espousé ma mere, car mes oncles m'ont appelle bastard, dont ie suis
au cœur courroucé, j'aimeroie mieux estre vif elcorché: que ie ne parte in-
continent, nul ne m'en scauroit garder. Hugon se print a courroucer disant
Est il vrai ce que vous dictes: ouy ce dit Galien, dont ie suis bien marri Hu-
gon se print à dire Tant sont ils plus vilains, & en valent pis, car iamais
homme d'honneur ne doit dire ne reprocher à autrui nulle chose. Quand le
Roi Hugon vit que Galien estoit delibéré de s'en aller, il appella vn ieune
cheualier qui estoit natif du pais de Sicille nommé Girard & lui dist, Girard
il vous conuient conduire Galien, ie vous donnerai cheuaux, or & argent
assez, afin que le gardiez en santé, car l'enfant m'a promis & iuré sa foy qu'il
ne finera iamais, tant qu'il ait trouué son pere Oliuier, Sire, dit Girard par la
sainte Trinité ie le feray volôtiers, puis qu'il vous plaist, mais ie crains fort
vos deux filz pour ce qu'ils aient l'enfant Galien. Pource Sire, sçachez que s'il
lui veulent faire nul mal, ie vous iure ma foy que ie le reuancherai iusques à
la mort, & les frapperay le plus fierement que ie pourrai. Ma foi ce dit Hu-
gon, ie vous çai bon gré, & qui plus est, ie vous le commande Et s'il y a
homme en tout mon royaume qui lui vueille faire mal, deffendez le, & ie
vous promets que vous me ferez plaisir, car ie ne veux point qu'il ait dom-
mage. S'il vit tant qu'il ait vingt quatre ans, il sera le plus vaillant cheualier
qui soit en tout le monde. Incontinent le roi Hugon en plourant lui bailla
quatre sommiers d'argent. laqueline sa mere s'est a lui arriué plourant tédre-

ment en telle maniere. A dieu soit recommandé mon doux enfant. Helas comment pourra mon cœur souffrir la douleur que vous lui faites, iamaïs mere n'eut tant de douleur, car j'ay perdu mon doux amy Oliuier:& maintenant il faut que ie perde mon doux fils. Et en ce disant, de douleur le cœur luy faillit & cheut à terre pasmée, quand elle fut releuée, elle se print à dire, ie prie au roy Iesus-christ qu'il vous doint grace de bien tost reuenir, & d'ame-ner avec vous Oliuier que tant mon cœur desire. Il est vostre pere, il vous à engendré, pource faites telles diligence que vous l'ameniez avec vous & cer-tes vous me ferez le plus grand plaisir que iamaïs on me sçauroit faire. Quâd les deux oncles ont regardé que Galien estoit monté a chenal pour aller querir Oliuier son pere, ils sont allez en l'hostel d'un de leurs oncles qui estoit nommé Rohart, lequel estoit mauuais homme. L'un des oncles de Ga-lien se print à dire plusieurs parolles pour mettre Galien en sa male grace, à fin qu'il luy fist quelque desplaisir, & aussi craignant le noble Oliuier, il luy dit, Trescher oncle, sçachez que quand nous sommes arriuez au palais, no⁹ auons veu le bastard lequel s'en va par le pays pour sçauoir ou est son pere Oliuier pour l'amener en ce pais. il meine avec luy quatre sommiers chargez d'or & d'argent. S'il ameine Oliuier son pere il ne nous prisera pas vn denier par sa fiereté. Adonc Tibers se print à dire. Vn iour Galien iouoit avec moy aux eschets, mais pource qu'il m'auoit dit mat ie prins l'eschiquier qui estoit de fin or & de pierreries esmaillés, & luy en baillay si grand coup sur la teste qu'il estoit tout ensanglanté, & luy dit plusieurs parolles. Si son pere le sçait tout l'or du monde ne m'en garentiroit pas qu'il ne me mette à mort. Beau neveu, ce dit Rohart, ne vous en donnez point de melancolie, car il sera mis à mort, ains que le loir soit passé. Cestuy Rohart assembla cent hommes, & les fit armer de bonnes armeures, & allerent courant contre Galien, ils s'em-buscherent en vn bois par lequel Galien deuoit passer. Le noble Galien se partit de la ville de constantin, mais au partit tout ceux du pays firent telz pleurs, regrets & lamentations, qu'il n'est possible à langue humaine de le ra-comter. Entre lesquelles la belle laqueline sa mere se print à dire en plourât tendrement A Dieu mon filz Galien, pour ton pere & pour toy j'ay souffert & souffriray plusieurs douleurs. Je prie à Dieu qu'en brief temps ton pere & toy puissiez retourner en ce pais. Le roy Hugon, la Roïne, & tous les assi-stans commencerent à plourer tendrement. Et quand Galien les vid ainsi plourer: il se partit du palais, & print congé de tous les assistans, le plus ho-norablement qu'il peut: puis il se mit en chemin avec son maistre Girard, & les dix Escuyers.

Comment Galien fut espié dedans un bois par Rohart, Tibers, & Henry ses oncles, avec cent hommes bien armez, lesquels le vouloient occire & mettre à mort, & comment Rohart & tous les autres furent tuez, mais Tibers & Henry s'enfuyrent. Chap. X V I.

A Pres que plusieurs pleurs & gémissement furent faicts, le noble Galien Girard de Cecille & les dix escuyers partirent du palais. Et quand les bourgeois de la ville le sceurēt, ils furent tous esbahys de ce qu'il alloit querir son pere Oliuier. Incontinent ilz s'habilèrent de leurs riches habillemens le plus honorablement qu'ilz peurent, chacun selon son estat. Et tous se mirent en belle ordonnance, & vindrent vers le palais tant qu'ils rencontrerēt Galien & sa compagnie & le saluerent honnestement. Puis apres ils le conuoierent bien loing hors de la ville. Et Galien leur dit, Seigneur retourner vous faut en la ville car vous estes venus assez loing, & auez pris grand peine pour moy. ie vous remercie grandement de l'honneur qu'il vous a plu me faire, vous m'auez conuoie liberalement dont ie suis tenu à vous, & vous en remercie grandement. ie vous prie seruez tousiours le noble Roy Hugon, car il est vostre prince & naturel seigneur, Pareillement ayez ma mere pour recommandée. Les nobles Bourgeois prindrent congé de Galien en plorant, & le recommanderent à Dieu, & Galien se mit en chemin. Les bourgeois retournerent en la ville, eux esbahissant du grand desir que l'enfant auoit de trouuer son pere Oliuier. Galien Girard & les dix escuyers tāt sont allēz, qu'ils sont arrivez audit bois, auquel Rohart, Tibers, Henry & les cent hommes estoient cachez. Girard conseilla à galien qu'il vestir incōtinent son haubergeon renforcé, car il se doutoit de ce qu'il leur aduint. L'enfant le fit & seignit son espée, nōmée Flamberge laquelle estoit mōut à priser le Roy Hugon la luy auoit donée. Quand galien fust prest, il remercia Girard & ses dix escuyers. Et quand ils furent dedans, Galien vit en vn sentier Rohart, Tibers & Henry, & puis il dit à Girard, Certes ie ne puis cognoistre ses gens cy, qui sont deuant nous. Sire dit Girard, ce sont faux pautōniers, car ce sont voz oncles Rohart, & Tibers, & Henry. Girard, dit Galien, ie les vois sahier, & leur diray à Dieu, & les baisera: car ie pense qu'ils viennent icy pour nous conuoyer cōme ont faict les bourgeois de constantinople ie croy certes dit girard, que vous diētes verite: car ie pense qu'ils ne vous veullent faire nul mal, sinon de vous trancher la teste. Girard, dit galien, comme ie pense à vous ouir parler qu'ilz ne sont icy venus sinon pour me faire desplaisir, mais nonobstāt ie croy qu'ils ne m'en vouldroient point faire, certes ie iray deuers eux, si c'est vostre plaisir, pour sçauoir ce qu'ils ont dedans le cœur. Lors bro

cha son

cha son cheval, & alla vers eux ioyeusement, & les salua en leurs disant, Beaux oncles ie prie à Iesus-Christ, & a sa glorieuse vierge & sacré mere, qu'il vous doint santé & hōneur, ie cognois bien que vous aimez ma mere, & moy aussi quand vous me voulez maintenant conuoyer a si grande armée que ie voy avec vous: de laquelle ie vous remercie humblement, & s'il m'est possible, & vous auez affaire de moy, ie vous rendray le plaisir, & si vous seruiray iusque à la mort. Adōc Rohart se print à dire, Vilain bastard fils de putain, ie ne tient conte de ton salut non plus que d'une pomme, mais nous te deffions maintenant à la lance & à l'espée, car ie promets à Dieu qu'en brief temps tu auras la teste tranchée. Quand Galien l'entendit ainsi parler, il leua le visage mout fierement, & luy dit vous mentirez, fausses & desloyalles gens pleins de trahisons: mais puis que vous auez ma mort iurée, laissez moy prendre ma lance & mon escu, à fin que ie vous monstre ma force, & si ie ne vous puis vaincre tous trois l'un apres l'autre, tenez moy la teste ie vo' le pardonne. Adōc Rohart se print à dire, si nous auions refusé vostre requeste, nous serions bien couars. Nous vous le oſtroyons despechez vous hastiuement. Si feray ie dit Galien. Adonc vint legerement vers girard, & luy dit Or sus girard mettez vous tost en armes, ou maintenant seront tous occis Puis s'arma l'enfant galien, & pendit à son col vn escu peint de fleurs, & print vne lance en sa main: puis brocha le destrier, & s'en vint vers ses ennemis, de si grande roideur que c'estoit merueilles. Rohart vint d'autre part, & se rencontrerent de si grande force, que d'un cart de lieuë on ouit le son des harnois. tellement se porta Galien, qu'il abbatit par terre homme & cheval. Incontinent fut Rohart remonté. Quand girard le vit, il appella galien, disant, Mon enfant, dit il i'ay grand peur que vous ne soyez vaincus, car vo' estes ieune, & n'estes pas rusé en ioustes, pource venez à moy, & ie vous monstreyay vn tour de quoy vo' vaudriez mieux tout vostre vie. Girard print vn escu ou estoit peint vn lion & le mit a son col, il auoit vn haubergeon dessous sa robe, il print vne espée & vint dessus Rohart par felonnie, Rohart luy dit à haute voix, Cōment girard luy voulez vous aider: ie vous tenoye pour mon amy, & vous estes mon ennemy. Ouy ce dit Girard, ie luy aideray iusques à la mort: car le roy Hugon me l'a donné en garde, & m'a donné congé de le deffendre contre to'. Il n'y a si vaillant homme en ce monde, que s'il luy faisoient tort, que i'en en prinse vengeance, puis que l'on me l'a donné en garde i'en feray mon deuoir car ie suis tenu de le faire. Lors va dire tout bas à Galien, ie vous prie mon amy, regardez comme ie feray cōtre vostre oncle Rohart, car ie luy bailleray le plus beau coup que vous vistes iamais bailler a homme. ma foy dit Galien volontiers vous regarderé, & le beaucoup que vous ferez, afin que ie le face vne autre fois, si i'en ay affaire contre mes ennemis. Lors girard brocha des

esperons, & Rohart d'autre costé & si fierement se rencontrerent que Girard le print si subtilemēt, & luy bailla vn coup d'espée si grand qu'il l'abatit mort par terre. Quand Galien le vit, il fut tresioyeux, de ce qu'il vit faire vn si beau coup, & dit, Certes, girard mō doux amy vous estes habille cheualier. iamaïs ie n'oublieray le coup que vous auez fait. Et incontinent les gens de Rohart faillirent de la forest, & vindrent tous l'espée au point, la lance en la rest sur Galien & Girard. Galien tira Floberge son espée laquelle reluisoit comme le Soleil. Girard estoit tousiours de costé Galien, & les etcuers apres, chacun tenant son espée en la main, & frapportoient de telle façon que rien ne demourroit deuant eux: car ilz chaploient leur ennemis par grand fiete Galien, tenoit sa lance, & vint contre vn grand pautonnier, & de sa lance le perça tout a trauers du ventre, trauersant la robbe & son haubergeon, tellement qu'il le ietta mort par terre. Il vint a vn autre qui estoit pres de luy, & le frappa tellement qu'il le fit cheoir du cheual, & la lance luy trauesa le corps de part en part, & cheut mort a terre, girard se deffendoit vaillamment contre leurs ennemis, lesquel's estoient grand nombre: mais le courage qu'il auoit de deffendre galien, luy faisoit croistre sa force. Il estoit d'vn costé, & galien enuironné de tous costez, mais tellement se deffendoit qu'il sembloit mieux qu'il tut boucher qu'autre chose, car nul ne demeuroit deuant luy. Et tant y eut de gens morts, que la grand abondance du sang l'herbe estoit toute rouge.

Comment nouuelles furent apportées au Roy Hugon que l'enfant Galien estoit assailliy dedans vn bois, & comment il se mit en chemin pour luy donner secours.

Chapitre. X V I I.



Quand l'enfant Galien se vit ainsi assailliy: il enuoya hastiement vn page vers le roy Hugon pour lui faire assaucir comment Rohart, Tibers & Henri ses oncles le vouloient tuer au passages d'vn bois. Quand le roi Hugon ouit les nouuelles il fut mout courroucé & fit armer hastiement ses gés pour aller deffendre galien au bois, qui estoit assailli de ces ennemis. Galien

fit telle desconfiture qu'auant que le roy Hugon fut venu il auoit qu'asi tous

G A L I E N R E S T A V R E.

tuez ses aduersaires. Le roy Hugon & les cheualiers firēt que en peu d'heure
 ils arriuerēt vers Galien de laquelle venuē ledit Galien fut fort esbahy: car il
 cuidoit que ce fut secours pour ses ennemis. il print vne grosse lance, & son
 escu & mit en l'arrest & vint contre le Roy Hugon & luy bailla si grand coup
 qu'il leietta ius de son cheual par dessus vn grand roc. Quand girard le vit il
 se print a crier arriere galien, c'est vostre bon seigneur le roy hugon qui viēt
 pour vous donner secours. Quand le Roy hugon l'entēdit il osta son heau-
 me, puis regarda Galien disant. Par ma foy i'ay bien employē le pain que i'ay
 donné à mager à cest enfant, car oncques en querre ou ie fusse, ie ne trouuay
 Roy. Duc comte qui me jestat jus de mon destrier: mais galien à vn coup ma
 fait bien soudain desloger de dessus mon cheual. Certes ie luy donne le che-
 ual s'il en a mestier. Sire, dit Galien, mercy ie vous requiers, car certes ie ne
 cuidoie point que vous fussiez le roy Hugon mais pensoie que ce fut secours
 qui vint pour nous occire. Je vous pardōne amy cher, dit le roy hugon puis
 monta sur vn autre cheual: & alla vers le bois ou les traistres estoient. Incon-
 tinent que Tibers & Henry ont veu leur pere, ils s'en sont departis comme
 lieures deuant les chiens. Le demeurant de leur gens se mirēt en fuitte apres
 eux. Adonc le roy Hugon se print à dire. Je suis vostre pere Hugon, qui suis
 venu au secours de galien, mais sçachez que si ie vous puis tenir moy mesme
 ie vous pendray à constantin à vn arbre, a fin que chascun cognoisse vostre
 trahyson. Non dit galien monseigneur, ie vous supplie, car si vous les auiez
 pendus vous seriez apres le plus marry, vous le pouuez bien chastier autre-
 ment, mais sur toutes choses ie vous requiers & prie que quand ilz seront en
 vostre palais que vous les gardiez qu'ils ne fassent desplaisir à ma mere. Non
 feront ilz, ce dit le roy Hugon, ie vous promets Galien mon amy Et cōme
 ils passoient par dessous vn beau pin le roy Hugon trouua Rohard son frere
 mort, il se print à dire à haute voix Iesus qu'est cecy, hélas qui a meurtri & mis
 a mort celle mon frere Rohart, Sire dit girard ie ne l'ay pas meurtry, mais il
 nous assaillit tout le premier, & pour garder mon corps de mort ie me suis de-
 fendu si bien que ie le perçay d'une lance à trauers le corps, & certes ie suis
 bien marry du coup, & m'en desplaist grandement. Adonc dit le roy hugon
 deuant tous. Certes ie le renie puis qu'il a fait trahyson. Je ne le veux pas ap-
 peller frere, car celuy qui fait trahyson doit estre separé de to^r roys & Prin-
 ces, pources qu'a tel homme il n'y a iamais fiance, autant en peuuent ils faire
 à vn autre. Je sçay bien que iamais paix ne sera en cour de prince ou traistre
 dominera.

Comme apres que le Roy Hugon eut trouué Rohart mort, il s'en alla à Constantin, & Galien, Girard, & ses dix escuyers s'en allerent droict à Genes au palais du Duc Regnier, & comment ilz furent assaillis en vn bois de trente deux larrons, dont le Capitaine auoit non Brisebare. Chapitre. XVIIII.



Le Roy Hugon print cōge de Galien & Galien de luy, puis le Roy Hugon retourna à Constantin, & ne luy ehalloit de la mort de son frere Rohart pour la trahyson qu'il auoit faicte Galien & Girard ont tant cheminé qu'ils sont arriuez a la riuieres de genes, mais au dessus d'un bois à la rüe d'un pré, ils trouuerent trente deux larrons, desquels le maistre estoit appellé Brisebare en tout le pais ny auoit si fort laron. Il auoit bié regné deux ans auoit bois ou il auoit tue & robbé mains marchans. Quand il vid Galien, il mena grand ioye, disant. Nous n'auons pas esté icy toute la nuit pour neant, car il vient vn ieune enfāt qui n'a pas quinze ans, en Genes ny a pas vn plus beau cheual que celuy surquoy il est monté, il a quatre sommiers chargez d'argent, il le nous faut mettre a mort. Sire, dirent les autres larrons, nous serons à vostre volonté & plaisir. Lors sont venus ces larrons aux sommiers & Brisebare vint d'autre costé droict à Galien, disant enfant descens de ce cheual, car certes pource que tu es ieune i'ay grand pitié de, toi & si tu le fais ie te laisseray aller sans te faire nul mal. Larron dit Galien, tu mentiras, car auant que tu m'eschappes nous conterons ensemble.

Galien tira foberge, & tel coup luy dōna qu'il luy fendit la teste iusques aux dents. Girard de Cecille frappoit de l'autre costé sur les trentes deux larrons si asprement que merueilles. Et quand ils se virent ainsi mal menez, ilz se mirent en fuite dedans le bois, mais Galien & Girard les suiuoient de si pres, qu'ils leurs coupoient bras & iambes, de tous les trente deux n'en eschappa que huit lesquels se sauuerent dedans le bois. Allez ce dit Girard, vous n'auuez guere gaigné au fils d'oliuier, allez querre vostre maistre qui est mort par terre, car vous ne le verrez iamais viſ. Et quand les larrons furent deffaits, Galien & son maistre cheminerēt iusques à Genes. Quand ilz furent arriuez en la ville, ils virent vn messager qui passoit hastiuelement par la rüe, Galien

G A L I E N R E S T A V R E :

doucement l'appella, & luy dit, Mon amy, dieu vous doint, ioye ie vous prie dites moy qui est seigneur de cette terre & pays. Sertes dit le messager, le duc de Genes en est maistre & seigneur ie suis party de luy il n'y a pas long temps Qui estes vous? il me semble que soyez gentil hōme à vostre habit & au train que vous menez. Sçachez pour vray que monseigneur est au palais, pource qu'il à vn peu de mal en la teste il ne va point dehors, mais si vous allez vers luy & fust il plus malade la moitié il vous logera volontiers, car c'est le plus vaillant qui soit souz le firmament, Galien le mercia puis se mirent en chemin vers le palais. Les gens le regardoient terriblement, comme en France on regarde Albanois ou autres nations estrangers. La Dame qui estoit au palais descendit incontinent qu'elles les vit, & vint vers eux. Quand Galien la vit il luy fit la reuerence, & la salua honnestement en disant, Le dieu qui crea ciel & terre & mer, vueille sauuer la comtesse que ie voy deuant moy, puis apres il demanda ou estoit le duc Regnier, & qu'il parleroit volontiers à luy. Adonc la dame luy demanda qui estes vous qui demandez le franc duc monseigneur qui est hōme de si grand louanges, Dame dit Galien, ie suis de constantin, ie vous prie qu'il vous plaise de me loger pour ceste nuit. Tresvolontiers, dit la Dame, ra Dieu ne plaise que ie refuse logis à vn si gētil cheualier, elle fit mettre les cheuaux es estables, & luy fit oster ses esperons, & le fit monter en la salle. Incontinent le soupper fust prest, chacun s'assit à la table pour prendre sa reueillon, ilz furent bien & honorablement seruis de toutes viandes. Ceste noble Dame auoit vne fille appelée Bellande, laquelle, estoit pleine de grand beauté, & aussi sage, & prudente en tous ses faicts & dits, elle voyant Galien s'en vint à sa mere, & luy dit, Ma dame que vous semble de ce ieune cheualier: ie vous assure qu'il ressemble a Oliuier mon frere. Alors sa mere le regarda, & dit a Bellāde sa fille qu'il estoit vray, & que iamais n'auoit veu hōme qui mieux le ressembloit. Puis Bellande dit, s'il vous plaist ie le meneray en la chambre de mon pere pour sçauoir si le pourra cognoistre. Car ie croy certainement qu'il est de nostre lignage. A laquelle requeste se cōsentit sa mere, & luy donna licence de le mener vers son pere. On alla preparer vne bōne couche pour luy afin que mieux peut prendre son repos a son aise puis on en prepara vn autre pour son maistre Girard, lesquelles couchez furent honnestement accoustrée mout honorablement Bellande apres que Galien eut remercié nostre seigneur des biens & de l'honneur qu'il luy auoit donné le print par la main en luy disant doucement en ceste maniere. gentil cheualier, s'il vous plaist vous viendrez maintenant en vostre chambre pour prendre repos. Adonc grandement l'enfant Galien la remercia du bien & de l'honneur qu'elle luy faisoit. Quand il fut en la chambre Bellande s'en alla vers son pere, & luy dit. Mon Seigneur sçachez que ceans est venu loger

L'HISTOIRE DE

vne ieune cheualier le plus beau qui soit dessous le firmament. Il est doux
 courtois & amiable en tous les faicts. Il ressemble à Oliuier mon frere plus
 que tous les viuans du mōde. Parquoy ie vous prie qu'il vous plaise de le ve-
 nir visiter. Le noble duc Regnier oiant les nouuelle que sa fille Bellande luy
 disoit dit, Ma fille, puis que tu dis qu'il est si beau cheualier, & qu'il ressemble
 à Oliuier mon fils, ie le veux aller voir. Or estoit le Duc malade d'aucune ma-
 ladie incurable, il se mit en chemin, & alla visiter Galien. Quand Galien le
 vit entrer en la chambre mout honorablement le salua comme il estoit bien
 aprins de ce faire. Apres plusieurs parolles dites entre eux deux, le Duc Re-
 gnier luy demanda dont il estoit, & de qu'elle cont. ée il venoit. Certes dit Ga-
 lien, ie suis de constantin, & ay demouray longue espace de temps avec le
 roy Hugon, lequel ma nourry & alimenté ma vie mout amiablement dont
 luy suis tort tenu, ie suis errant par le pays pour ouir nouuelles de l'empereur
 Charlemaigne, & les douze pairs de France, lesquels sont redoutez iufques
 au bout du monde. Le duc Regnier oiant les parolles de Galien dit, Mon
 beau fils, sçachez que des nouuelles que vous demandez, ie vous en diray la
 pure verité. Charlemaigne & les douze pairs de France, sont en Espagne, &
 ont print pampelune, Sures, & Charion. Ils ont mis tant de Paiens & Turcs
 mort que c'est chose merueilleuse. Ils fussent pieça retournez si ne fust le roy
 Marsille qui a demandé bataille, Dieu le vueille contondre & doint à charle-
 maigne victoire sur luy. Outre plus croyez fermement qu'en tout le monde
 on ne scauroit trouuer plus bel, ne plus puissant qu'est vn des douze pairs de
 France appellé Oliuier, cōme chacun dit & raconte apres Roland neveu de
 charlemaigne, & est cestuy Oliuier mon fils. Quand Galien entendit ceste
 parolle, il baissa le visage & deuint tout rouge, & luy cheoient les grosses lar-
 mes des yeux, & luy couloient du long du menton cōme ruisseau de fontai-
 ne. Bellande qui la estoit, voiant l'enfant Galien plorer, fut fort esbahie, & dit
 à son pere. Monseigneur mon pere, regardez comme cestuy cheualier pleu-
 re ie vous iure ma foy qu'il est de nostre sang: ie croy fermemēt que vous l'a-
 uiez engendré: car il ressemble a mon frere Oliuier. Et le Duc son pere luy
 dit, Certes belle fille iamais ie ne l'engendray, car il y a des ans plus de trente
 qu'a femme ie ne touchay charnellement, non pas à vostre mere, ma femme.
 Certes dit Bellande, mon frere Oliuier la dont engédré, car ie croy qu'il soit
 mon neveu, parquoy pere ie vous prie enquerez vous de quelle part il est &
 ou il fut né, a laquelle priere consentit le Duc son pere, & de rechef dit a Ga-
 lien, mon beau fils ie vous prie dictes moy de quel lieu vous estes & de quel
 parens. Sire dit Galien, sçachez que ie viens de constantin, & y ay demeuré
 long temps & suis f. z de la belle raqueline fille du roy Hugō, & m'en vois en
 Espagne pour trouuer les douze pairs: car i'ay esperance de parler à vn d'en-

tre eux qui me cognoistra. Quand Bellande l'entendit ainsi parler, certes deuant qu'il m'eschappe, il dira autre chose, demandez luy encorcs ou il fut engendré, j'ay grand volonté de le sçavoir, pource si c'est vostre plaisir vous me le direz. Galien cognoissant que le Duc auoit grand desir de sçauoir d'où il estoit, il luy dit. Certes, sire ie suis party de constantin pour aller visiter l'un des douze pairs de France, qui est de ma parenté. Et puis que ainsi est que vous voulez sçavoir qui ie suis, ie le vous diray : Sçachez que ie suis filz d'Oliuier le membre, & m'engendra a constantin de la fille au riche roy Hugon, au retour que charlemaigne & les douze pairs de Frâce venoiēt du saint voyage de Hierusalem. Parquoy ie le vois chercher pour le cognoistre. A donc Bellande commença à dire. Certes ie pensoie bien dès que ie vous vis que vous estiez de nostre lignage. Le noble Duc, sa femme & sa fille se prindrent tous à plorer de la ioye qu'ilz eurent de Galien, & tous le cōmencerent à baiser & accoler par bonne amour, & demoura Galien avec eux l'espace de huit iours, lequel iust festoyé mout honorablement.

Le noble Galien se festoya huit iours avec le Duc Regnier, puis voulut prendre congé de luy. Quand le Duc vit que Galien s'en vouloit aller, il luy dit, Mō enfant si vous me croyez vous demeurerez avec moy, ie vous dōneray cheuaux, oiseaux, faucons & leuriers pour vous esbatre à la chasse apres certs biches & sangliers. Outre plus ie vous feray gouuerneur de tout mon domaine, & n'aurez iamais necessité. Certes, dit Galien ie vous remercie du bien & de l'honneur que vous me presentez, & aussi vous remercie des biens que vous m'avez donné, mais s'il vous plaist vous me donnerez congé d'aller voir mon pere Oliuier, car ie n'ay nul talent d'aller esbatre mon corps au deduit des chiens ny des oiseaux. L'aime mieux aller esbatre mon corps avec mon pere Oliuier, qui se combat contre ces mauidiēs infideles. Quand le noble Duc entendit les parolles de l'enfant, & qu'il apperceut son bon vouloir & courage amiablement l'appella, & luy dit, Mon enfant, puis qu'ainsi est que vostre vouloir est tel, c'est bien raison que ie vous donne congé : mais s'il vous plaist ie vous accoustreray de harnois, lesquels sont à priser. Je vous donneray mon haubert, lequel est fort & entier, & ne fut oncques faulxé pour coup de lance ne despée qu'on luy baillast. Et si vous donne mon heaume l'un des plus beaux & riches qui soit deffoubz le firmament, car il a vne escarboucle deuant, reluisant si merueilleusement que toutes gens qui sont à l'environ en son conduiēs : tant de iour cōme de nuit. Outre plus ie vous donneray ma bonne espée nommée Flogerbe, mon cheual Marcepin, l'un des bons qui soit en tout le monde, car il court plus fort en pleine montaigne qu'un autre ne fait en plein chemin, Sire, dit Galien, grandemēt vous remercie, car j'ay esperance que tout me sera mestier en Espagne, pour chercher

mon pere Oliuier. Puis qu'ainsi est que vous me donnez vostre bon cheual qui vaut son pesant d'or, humblement vous prie dictes moy la condition. Certes dit le Duc volontiers, la vous diray. Sçachez de vray qu'un vilain ne luy sçauroit mettre la bride ne la selle, & ne sçauroit monter dessus. Adonc Galien dit, ie vous prie que ie le voye, car si ie ne puis monter dessus il ne me seruira de rien. Le Duc regnier appella son escuyer, lequel estoit gentil-homme, & luy dit qu'il allast querir son bon cheual Marcepin, & qu'il luy mist la selle & la bride, laquelle li fit incontinent. Cestuy cheual estoit si merueilleux, qu'on le lioit de trois grosses chaines de fer, nul ne l'osoit approcher tant il estoit fier, Cestuy cheual fut trouué aux deserts, & fut prins a force d'engins puis nourry sept ans de pommes & de fruiets.

Comment Galien monta dessus Marcepin le bon cheual, & print congé du Duc Regnier, & des Princes, Dames & Damoiselles de Gennes. Chapitre. XIX.

DEuant le Duc regnier fut Marcepin le bon cheual amené, laquelle presenta a Galien. Quand Galien le vit si grand & si merueilleux, qui luy eust donné tout l'or du monde, il n'eust esté si ioyeux Incontinent il print le cheual par la bride, & sauta dessus aussi legeremēt comme court l'arondelle : puis dōna des esperons. Le cheual fit vn saut en l'air, & sauta plus de trente pieds loing deuant tous les Barons & damoiselles qui la estoient Chascun disoit. Cestuy enfant a merueilleux courage, il ressemble a Oliuier en tous ses faits & gestes. Galien dit, Sire, vous m'avez bien monté, dōt ie vous remercie : ie ne demandes point meilleur cheual car ie croy qu'au monde meilleur on ne sçauroit trouuer. Galien fut accoustré honnestemēt de tous harnois de guerre, excepté qu'il ne voulut autre espée sinon celle que le roy Hugon luy auoit donnée, laquelle estoit nommez Floberge. Le Duc regnier luy voulut ceindre & le faire cheualier, mais Galien luy dit, Sire ne vous desplaise, car j'ay fait vœu que iamais homme ne me ceindra que Charlemaigne, duquel j'ay tāt ouy parler. j'ay ouy dire maintefois que tous les cheualiers qu'il fait iamais ne sont mauuais cheualiers, Et dea mon fils vous estes bien obstiné Sire dit Galien, il peut bien estre, mais il y a long temps que j'ay fait serment Quand le Duc apperceut la volonté de Galien, il luy dit, puis qu'il vous plaist il me plaist bien. Bellande qui la estoit presente, appella Galien a part, & luy dōna vn anneau d'or tresprecieux, auquel auoit du sang de saint estienne & luy dist, Iamais homme qui portera cestuy anneau ne sera las ne matté en bataille, ne cheual souz luy ne pourra estre blessé. Galien le receut mout doucement, en la merciant mout honnestement, puis le mit en son doigt. De rechef Bellande luy donna vne mout belle enseigne, & luy bailla

bailla vn autre anneau, disant, Beau neveu, puis qu'ainsi est que voulez departir, ie vous prie que baillez cestuy anneau à mon amy Roland, car il me doit espouser enuiron la Natiuité. Ma dame dit Galien, de par vous luy presenteray volontiers si ie le trouue, & si vous promets que i'en feray la plus grand diligence qu'il me sera possible.

Après que Galien eut esté l'espace de huit iours avec le Duc Regnier, & qu'il eut esté honorablement testoyé, & qu'on luy eut donné maints beaux dons, riches & precieux il print congé de tous. A son departement chacun se mit à plorer mout piteusement. Le Duc appella Galien, & luy dit secretement, Mon enfant, croyez que i'ay grand ducil au cœur, quand il faut que vous me laissez : mais nonobstant ie cognois le noble courage & bon vouloir que vous auez de trouuer vostre pere le vous faiç faire, & ne vous procede que d'amour naturelle, parquoy mon filz, ie vous veux aduertir de quelque chose. Quand vous serez en espaigne, en la court de Charlemagne, ie vous prie gardez vous du comte Ganelon, car c'est le plus desloyal qui iamais fust né. S'il voit que vous soyez en la grace du roy, il en sera si enuieux qu'il trouuera facon de vous ietter de cour, & vous mettra en la male grace de Charlemagne. Il est à redouté en cour pour sa grand richesse. Il a faiç maints bons barons & Cheualiers mettre en male grace. il n'y au monde plus traistre, parquoy ie vous prie gardez vous de luy. Galien le remercia, puis print congé de luy, de la comtesse, de Bellande, & de tous les Princes, Dames, & Damoiselles, & s'en alla vers espaigne.

Comment Galien rencontra cinquante larrons lesquels le vouloient mettre à mort. Chapitre. XX.



me il a. Girard luy dit, galien mon amy, vous sçaez que vous estes encores

Enoble Galien chemina tant qu'il arriva dedès vn bois pres d'vne riuiera, auquel bois il trouua cinquante larrons, lesquels gardoient le passage, & estoient du pais de Genes. quand Galien les aperçeut il dit à Girard, Pendu soit qui ne montrera la puissance à desconfire ces gens icy. Iamais n'eusse pensé qu'en ce pais eust tant de larrons com-

ieune, & n'avez pas encores si grād puissance comme vous est aduis parquoy
 ie vous prie retournōs vilstement en la ville. Outre-plus, vous voyez qu'ilz
 sont beaucoup: certes s'ils vous faisoient desplaisir, l'en serois desplaisant tou-
 re ma vie, parquoy ie vous prie derechef que nous retournions Galien oiant
 les parolles de son maistre Girard, il luy dit. ie vous prie qu'il ne vous vuei le
 despleire, car ie vous promets que ie suis deliberé d'aller contre eux, pour
 esprouuer mon corps: si vne fois ie les puis vaincre, ie feray pendre tous ceux
 que ie pourray prendre. il print son heaume & son haubert, & mit sa lance en
 l'arrest Adonc Girard luy dit. Galien, vous ne passerez pas par la, car il y grand
 effort, & n'y a heaume qui peust durer, c'est folie d'aller contre eux, retournōs
 en la ville & feront grans sens. Non feray dit Galien, car i'aymeroie mieux e-
 stre mort qu'il me fust reproché que fuisse fuy deuant homme qui soit viuant:
 mais que Dieu me vueille garder Floberge mon espée, que le roy Hugon me
 donna, car s'ilz estoient deux mille, ie n'en demarcheray pas. Quand Galien,
 Girard, & les dix escuyers furent armez, les larrons disoient les vns aux autres
 Voicy vn bel enfant, & qui est bien monté. Leur maistre di&t, l'auray son che-
 ual deuant qu'il soit nuict, & se mirent à trauers le chemin, tellement qu'on ne
 pouuoit passer. Quand Galien vit qu'il ne pouuoit passer, il leur dit, Seigneur ie
 vous prie faictes nous place & chemin pour passer, car nous sommes messa-
 gers du roy Charlemagne. Adonc le maistre luy dit. Pour vous ne partirons
 du chemin, ou vous laissez les armes que vous portez, & vostre cheual: car
 i'ay grand volonte de l'auoir. Vous mentirez dit Galien, car vous n'estes que
 larrons prouuez. Mais comment est le pais de Genes si bien peuplé de lar-
 rons? i'en trouuay hier trente deux larrons en vn pré, mais i'en ay encores pi⁹
 trouuay icy, & ie fay vœur à Dieu que si iamais ie retourne d'Espaigne, ie les
 puniray en telle façon qu'il ne demourera larron que ie ne mette à mort. Les
 larrons luy dirent, C'est follement parlé d'appeller Geneuois larrons: car nul
 homme ne doit estre repris de faire le mestier qu'il a accoustumé de faire.
 Seigneurs dit Galien, ie suis tout esbahy, veu que vous estes beaux hommes
 & forts, comme vous estes mis a desrober les passans. et ilz dirent, Ma foy tu
 ne sçais que tu dis, car les gens de ce pais sont de telle nature. Or ne nous parle
 plus mais descens vilstement du cheual ou tu es monté. Quand Galien les en-
 tendit ainsi parler, il brocha Marcepin le vaillant cheual, & mit la lance en l'ar-
 rest, & frappa le maistre des larrons tout au trauers du corps par telle façon
 qu'il cheut mort par terre au milieu des autres. Girard de Secille fut assailly
 des autres larrons. Et quand Galien vit qu'ils ne l'auoient point tué, il re-
 tourna hastiuement en la bataille, mais ce fut bien tard, car les dix Escuyers
 estoient ia tuez. Quand Galien les vit il tira Floberge, & cria incontinēt a hau-
 te voix, disant, Ha larronnaille vous avez tué mes Escuyers, ie vous promets

GALIEN RESTAURE

par Dieu que ie le vous rendray auant que le iour soit failly. Galien regarda en terre, & vit ses dix escuyers tous morts, dont il eut telle douleur qu'il ne scauoit qu'il deuoit faire: nonobstant il print Floberge, & vint vers les larrons, & Girard de Sicille le suiuoit, en telle façon qu'il sembloit mieux estre diables que hommes humains. Tout ce que Galien ataignoit faisoit incontînēt mourir, il en mirent a mort si grand nombre que c'estoit pitié de les voir. Les vns fuyoient par les bois. Et Girard dit à Galien. Nous n'auons nulz escuyers les faux larrons les ont mis a mort, Qui mènera maintenant nos sommiers Girard dit Galien, laissons les courir par les champs, & allons apres les larrons. r'en suis content dit Girard, puis qu'il vous plaist. Et incontînēt ilz picquerent des esperons, & allerent apres, & trouuerent quatre qui estoient cachez derriere vn buisson. Et quand ilz virent Galien ilz luy crièrent mercy a deux genoux, disant, Tres-nobles cheualiers ayez pitié de nous en l'honneur de Iesus-Christ. ie suis content dit Galien moyennant que vous meniez mes sommiers sans nulle tromperie, car on ne se doit pas trop fier à larrons. Sire, dirent les larrons, nous le ferons tres volontiers. ayez hardiment fiance en nous car quelque mal que nous aions fait, sommes deliberez de bien faire maintenant. Adonc Galien se print a rire, & dit à Girard, Maudit soit il qui en larrons aura fiance, car quand ils sont print: ils sont tant humbles que merueilles, mais ce sont humiliations par force qui ne viennent pas de bonne volété.

Comment Galien fit mener ses quatre sommiers iusques au chasteau de Monfilant par les quatre larrons, lesquelz il fit pendre & estrangler.

Chapitre. X X I.

A Pres que Galien eut prins les quatre larrons, il les mena droit à ses sommiers, lesquels estoient errant parmy les champs, puis lia les larrons vn à chacun sommier, & leur bailla à chacun vne verge pour chasser lesdits sommiers, il leur osta tous leur bastons cousteaux, disant ainsi il vaut mieux que vous meniez mes sommiers qu'estre brigans & voleurs de chemins il est bien vray, dirent les larrons, nous suiurons le plustost que nous pourrons. Suiure dit Galien, par Dieu vous irez deuant, ie vous veux suiure non pas que vous me suiuez, car ie ne vous perdray pas de l'œil. puis Galien dit à Girard voyez vous la cantelle des larrons iamais homme ne si doit fier. Tant cheminerent qu'en uiron la nuit ils arriuerent en vn chasteau nommé Monfilant. Quand ils furent descendus, ils mirent les sommiers en l'estable. Puis Galien enuoya querir la iustice, & fit pendre les quatre larrons: lesquels luy dirent, comment auons nous gaigné la mort a mené vos quatre sommiers? Galien dit, Larrons vous m'auéz fait grand plaisir, aussi ie vous eusse tué si i'eusse voulu: mais qui

vous laisseroit encores viure, vous feriez plus de mal que iamais. Galien & girard furent logez a Monfilant en l'hostel d'un vaillant homme, lequel auoit nom Mille. il auoit vne sœur, laquelle estoit appellée Sicille, laquelle auoit esté femme d'un ieune cheualier, lequel en son viuant tenoit grãd terre en prouence a S. Gille. & mourut en Pinelle. Et quãd il partit il laissa sa femme grosse d'une belle fille. Les parens dudit cheualier disoient qu'elle estoit bastarde & que iamais n'amenderoit dudit cheualier, & ne iouiroit des terres & possessions. Quand le soupper fust prest ils entrèrent en la salle, laquelle estoit honorablement accoustree & tapissée de riches tapis. Ils se sont assis à table, laquelle estoit garnie de plusieurs sortes de viandes. Le Seigneur Mille ne pouuoit manger, car il estoit courroucé pour l'outrage qu'on vouloit faire a sa sœur. Quand Galien le vit si pensif, & qu'il ne mangeoit point, il luy demanda qu'il auoit & pourquoy ne faisoit bonne chere. Certes dit l'hoste, cheualier ie le vous diray. il est vray que vn cheualier natif de prouence vint en ce pais, & tant y fut qu'il espousa ma sœur, & ne fut que deux mois avec elle qu'il s'en alla, & la laissa grosse d'une belle fille. Cestuy cheualier est mort & maintenant ses parens dient qu'elle est bastarde, & qu'ils ne luy bailleront rien des biens du pere, & ont présenté leur gaigne par trois fois. ma sœur n'a point trouué de champion: ie vous diray certes la verité. Ma sœur estoit bourgeoise mais pour la grand & excellente beauté le cheualier la print a femme, & c'est pourquoy les parens sont indignez & marris, il n'est nul qui vueille entrer en champ pour elle, pour or, argent, ne pierreries, c'est la cause pourquoy ie suis marry, il y a bien dix iours que ie n'ay mangé. Hoste dit, Galien, or faites bonne chere & vous resiouissez: car ie vous promets que demain au matin ie combattray pour elle puis que le cas est comme vous l'avez racompté, à fin qu'il doint ioye à ma mere raqueline, & qu'il me doint grace de trouuer mon pere Oliuier. Adonc l'hoste dit à galien. Seigneur ie vous promets la foy que si c'est vostre plaisir de le faire, ie vous donneray vn setier d'argent, mais ie vous demande vne chose principalement, c'est que i'aye des draps blancs en mon liect afin que ie me repose ceste nuit plus a mon aise pour venger vostre sœur. L'hoste fit preparer vne chambre pour Galien, on mit draps blancs sentant vne odeur merueilleuse. La chambre fut si honnestement accoustree qu'il n'est possible de faire mieux. Puis l'hoste s'assit aupres de Galien, & soupa avec luy. Apres soupper les tables furent leuees, & l'hoste mena galien en la chambre en laquelle auoit deux liets, c'est a sçauoir vn pour galien, & l'autre pour girard. Les oreillers estoient de fine soye, & les courtines de fin damas, & les couuertures de draps treschers, galien & girard se coucherent & dormirent bien a leur aise iusques au matin. Puis se leuerent, & galien demanda ses armes, lesquelles luy furent incontinent apportées par girard, le

GALIEN RESTAURE.

quel l'arma vistement. Et quand galien fut armé il saillit hors de la chambre ouir Messe deuotement avec son hoste & sa sœur. Il se recommanda à Dieu. Apres toutes oraisons faictes il appella son hoste & luy dist, Or ça hoste, vous me voyez preparer pour combattre & defendre le droict de vostre sœur: priez à Dieu qu'il me vueille donner victoire.

*Comme Galien iousta contre douze cheualiers pour garder le droict de la sœur de son hoste.
& comment il les vainquit tous en champ de bataille deuant les assistans.*
Chapitre. X X I I.



¶ Vand l'hoste vit le bon vouloir du noble Galien grandemēt le remercia de l'honneur qu'il luy presenta, il sortit hors del'Eglise & dit à sa sœur. Ma belle sœur, aujourd'huy nostre seigneur vous enuoyé vn champion le plus beau que vo' vistés oncques, ie lui ai compté tout vostre cas, & ma promis qu'il sera vostre champion. Quand la dame l'entendit elle

fut tresioyeuse. Les douze cheualiers furent armez, puis au champion. Quand ils virent Galien ilz commencerent à rire, & se presenta l'vn des cheualiers, & galien d'autre part, lequel demanda au cheualier son nom, & dit r'ay nom Anthoine de Prouence, Galien luy dist. Vous accusez la dame a tort & ostante cheualiers crierēt à haute voix, Vous mentirez glouton. Alors picquerent des esperons de si grand courage que Galien perça de sa lance l'escu & le haubert d'Antoine de Prouence, tellement qu'il le perça au trauers du corps, & tomba par terre. Adonc dist Galien, fils de putain vous voulez auoir la terre de ceste Dame, & de sa belle fille ie vous iure S. Iean que vous n'aurez d'elle vn bouton. Les autres coururent aux armes pour mettre Galien a mort: mais le frere de la Dame fist sonner l'effroy de la ville sans sesser. Incontinent tous les habitans coururent sur eux. Et le preuost de la ville cria qu'ils gardassent que Galien n'eust mal. Quand les traistres virent qu'ils n'auoient pas du meilleur ils se mirent en fuite à leur grand deshonneur. Incontinent on alla prendre Anthoine de prouence. Tous les seigneurs s'assemblerent pour tenir conseil. Quand ils furent assemblez ils appellerent Galien & luy vouloient donner les terres, la damoiselle & toute la region, mais oncques ne si voulut ac-

corder, car il auoit intention d'aller à ronecuaux en la court du Roy charlemaigne pour veoir Oliuier son pere, & les douze pairs de France, lesquels atendoient bataille contre le Roy Marsille, & se partit de Monfilant, puis se mit en chemin pour aller droit en Espaigne ou estoit Charlemaigne, & mena avec luy son maistre girard, & tant exploiterent par leurs iournée qu'ils arriuerent en Espaigne ou estoit charlemaigne, ils le congneurent a cause de son estandat. plusieurs cheualiers regardoient fort qui estoit ce noble enfant & disoient les vns aux autres qu'il estoit de quelque grand lignage. Et quand galien fut prest de la tente de charlemaigne, il mit le pied à terre, il s'en alla à ladicte tente ou estoit charlemaigne. et quand il le vit, il mit le genoux a terre en le saluant moult honnestement, comme bien estoit apprins de ce faire.

Comment l'enfant Galien fut fait Cheualier par l'Empereur Charlemaigne.
Chapitre. X X I I I.



L'enfant Galien tant exploita, qu'il arriua deuant Charlemaigne & fort honnestement le salua.

Quand charlemaigne vit l'enfant qui si bien lauoir salué, il luy demanda incontinēt dont il estoit né, & qu'il querroit. A laquelle demander espondit galien, disant, Sire empereur ie suis né de constantinoble, & fus mené des le temps de ma ieunesse, a gennes, auquel lieu le frane Duc Regnier le hardy combatant me donna les armes que ie porte & le cheual que voyez icy, mais ie fis vœu au benoist redempteur Iesus-Christ que de nul homme viuant tant fust fort ou vaillant ne seroye ceint, si ce n'estoit de vous. Parquoy sire, si c'est vostre plaisir vous me la ceindrez, & tant que ie viuray me tiendray vostre subiect, & vous promets que tant que ie viuray, i'exauceray la saincte foy Chrestienne. Quand charlemaigne entendit ainsi parler galien, fut fort ioyeux en son cœur & dit incontinent que c'estoit bien raison qu'il le fust cheualier, veu qu'il auoit voulu attendre tant qu'il luy ceignit l'espee. il enuoya querir l'archeuesque de rouen & luy fit chanter vne haute messe, puis apres que la messe fut chantée, l'enfant se mit a genoux deuant luy, & Charlemaigne luy seignit l'espee, & luy chaussa l'esperon du dextre pied, & luy donna la collée ainsi qu'il est accoustu-

mé en tel cas en luy disant. Or mon enfant sois tousiours preud'homme, pre-
 tens, a exaucer la sainte foy catholique: & en quelquelieu que tu soyes main-
 tiens tousiours droit & iustice. Alors galien le remercia grandement des
 biens & de l'honneur qu'il auoit fait, & luy pria qu'il luy pleust de luy dire ou
 estoit Roland & Oliuier, car il auoit grand desir de les voir. Charlemaigne
 luy dit qu'ils estoient en Espagne & qu'ils combatoient contre les mescreans
 & galien luy dit, Pleust au benoist Redempteur Iesus que ie fusse avec eux :
 car ie feroie de ces mauidicts Payens telle destoniture, qu'il en seroit parlé
 au temps aduenir. Quand ganelon qui estoit avec charlemaigne ouit ainsi
 parlé galien, il le print mout despiteusement, & luy dit ainsi. Va glouton que
 tu es, que malle meschancete te puisse aduenir, jamais ie ne vis Lombart qui ne
 se ventast ainsi que tu fais, & incontinent commença ledict ganelon a leig-
 ner du nez, & se pasma a terre de peur qu'il auoit que la trahison qu'il auoit
 faictes ne vint a effect. Quand galien le vit ainsi outragé, il fut si courroucé en
 son cœur qu'il ne sçauoit que faire, & dit à ganelon, Vous mentez traistre, ie
 ne suis pas Lombart, & haussa le poing qu'il auoit gros & pesant, & en donna
 à ganelon vn tel coup sur le visage, qu'il luy fit sortir le sang de la bouche &
 du nez, & tira floberge son espée & luy cuida couper la teste, mais les parés de
 ganelon y coururent & l'engarderent & le coiderent dommager, si n'eust esté
 girard le maistre de galien qui dit à haute voix. Seigneurs faictes paix, car ie
 promets a dieu que s'il y a homme qui mette la main au fils d'Oliuier le Mar-
 quis, ie luy osteray la vie du corps, & en vienne ce qu'il en pourra, & mit la
 main à l'espée comme preux & hardy. Quand Charlemaigne apperceut la
 noise, & qu'il entendit que l'enfant estoit fils d'Oliuier, il cria à haute voix.
 Arriere faux gloutons, ie vous iure le fils de Marie que s'il y a homme qui fa-
 ce semblant d'outrager l'enfant, ie le feray pendre & estrangler. Alors les pa-
 rens de ganelon nel'osoient plus approcher, car ils craignoient fort charle-
 maigne. La nuit vint les tables furent posées, & fit le souper preparer. Char-
 lemaigne fut assis & fit venir Galien avec luy, car il sçauoit bien que si les pa-
 rens de ganelon le pouuoient trouuer, ils luy feroient desplaisir. Apres souper
 chacun alla reposer, Charlemaigne songea celle nuit vn songe meruei-
 leux, car il luy sembloit qu'il estoit en vne eau profonde iusques au ventre, &
 que son neveu Roland & le comte Oliuier estoient à Roncevaux tous plon-
 gez en sang. Quand le Duc Naimés entendit le songe de charlemaigne, il
 commença à plorer mout tendrement, & dit. Helas vray Redempteur du
 monde i'ay peur que dedans peu de temps Charlemaigne ne soit fort cour-
 roucé en son cœur, & qu'il ne perde la fleur & noblesse de son royaume. Et
 quand il eut vn petit pensé, il se retourna deuers charlemaigne, & luy dit mout
 piteusement, Tres-cher Sire il me semble, qu'il seroit bon que chacun s'ar-

maist viftement, & que nous alliffions à Roncevaux: car ie vous assure qu'auant qu'il soit demain, j'ay grand peur que Roland, Oliuier & les autres pairs de France n'ayent à souffrir. Quand le traistre Ganelon entendit ainfi parler le Duc Naimés, il commença à dire en ceste maniere, Ou sont ceux qui osoient entreprendre d'aller assaillir Roland, Oliuier & les autres pairs de France, ne sont ils pas vingt-mille des meilleurs combatans que vous ayez en tout vostre royaume: il disoit tout cecy afin de detourner charlemagne qu'il ny alast. Helas le traistre scauoit bien la trahison qu'ils deuoient auoir, & comment les douze pairs deuoient tous mourir en Roncevaux. Et à cause des parolles de Ganelon fut l'armée de charlemagne destournez, nonobstât qu'on y fut bien encores allé assez à temps.

Comment le roy Marsille mena en Roncevaux quatre cent mille Turcs contre les douze Pairs de France à cause de la trahison qu'auoit fait le traistre Ganelon.

Chapitre XXXIII.


Ependant que charlemagne & le duc Naymes estoient en parole des douze pairs, le faux traistre Ganelon qui les auoit vendus au roy Marsille les destourboit tousiours à cause de son faux langage, & des deniers qu'il en auoit receuz. Le roy Marsille se prepara & mena avec luy quatre cent mille payens pour en aller faire la desconfiture, lesquels faisoient l'arriergarde du roy Charlemagne & n'estoient que vint-mille. Helas traistre Ganelon, quel des plaisir t'auoit fait Roland qui estoit ton bon & loyal amy, quel des plaisir t'auoit fait le noble Oliuier son compagnon. Quel des plaisir t'auoit fait le bon Archeueque Turpin & tous les autres: certes il te procedoit d'un faux & desloyal courage. O noble Charlemagne, si tu eusses sçeu la trahison, tu y eusses tantost mist remede. Le roy Marsille exploita tant qu'il arriua en Roncevaux. Quand Oliuier veit tant de payens il les monstra à Roland: & luy dit, Helas mon compagnon, bien pouuons cognoistre à ceste heure que nous sommes vendus. Nous ne sommes que vingt mille contre bien quarante mille, ie vous prie cornez vostre cor, afin que charlemagne vostre oncle vous entende, & qu'il vienne à nostre secours. A quoy respondit Roland, Ie vous prie prenez courage, car ie vous iure ma foy que tant plus vois venir de payens, de tant plus me croist le courage. I'ay esperance que mon espée Durandal en mettra auourd'huy à mort plus de sept mille. Cependant qu'ils parloient, tousiours s'approchoient & venoient payens de toutes pars for eux tellement qu'il sembloit que ce fussent mouches enuironnée en tour eux. De rechet l'Archeueque Turpin & les autres pairs prièrent Roland qu'il cornast son cor, mais il n'en voulut rien faire & leur disoit, Seigneurs, prenez ceu

rage,

rage, car ie croy que si toute payenne estoit icy arriuee, aujourd'huy seroit leur desconfiture. Le Roy Marsille exploicta tant qu'il vint si prest des pairs qu'il aduisa Roland & Oliuier, & cria à haute voix, Vassaux, vous me coustez vne grande somme de deniers pour la vendition que Ganelon a fait de vous mais par mes dieux, aujourd'huy i'en feray la vengeance. Quand Roland l'entendit ainsi parler, il print si grand courage qu'il n'est homme qui le peust penser. Incontinent il print sa lance, & Oliuier la sienne, & allerent tout droit au lieu ou Marsille estoit & firent telle desconfiture qu'il n'y auoit payen qui se oüst trouuer deuant eux, tant estoient courageux & hardis. Roland tira son espée Durandal, & dit en ceste maniere, O Durandal ma bonne espée, monstrez aujourd'huy que vous estes m'amie. Il frapport d'un costé & d'autre, si tres-courageusement que tout ce qu'il ataignoit estoit mis à mort. Oliuier estoit de costé luy qui frapport si vaillamment, & faisoit faire tel ranc que c'estoit vne chose merueilleuse de les voir frapper. Pensez que les autres pairs n'en faisoient pas moins Chacun d'eux si emploioit le mieux qu'il pouuoit. Il fut fait telle desconfiture des payens à ce premier assaut qu'il en mourut bien treize mille. Roland fit tant qu'il arriua pres du Roy Marsille, & haussa Durandal son espée, & luy en donna si grand coup dessus son heaume, que le feu en sortit mout fort contremont. Quand le Roy Marsille sentit ainsi le coup il en fut iré en son cœur qu'il euida entrager. Il pensoit bien frapper Roland dessus l'espaule, mais le noble Roland sentit venir le coup & se destourna & haussa Durandal qu'il luy abbatit la main senestre. Et quant le Roy Marsille se sentit ainsi nauré, incontinent il fit sonner la retraitte, car la nuit s'approchoit fort. A ceste premiere secousse mourut bien six mil françois. Quand Roland trouua ainsi ses gens qui estoient morts à peu que le cœur ne luy sortist du ventre. Et quand le soir fut venu, le Roy Marsille iura du grand despit qu'il auoit de ce que Roland luy auoit couppé la main, que le lendemain meneroit tant de Payens qu'il n'eschapperait pas vn chrestien. Toute la nuit payens arriuoient de tous costez. Ils viendrent le matin frapper en bataille, & fut l'assaut si tres-aspre, fier & merueilleux, que c'estoit la plus grande pitié à veoir que iamais homme veit, Roland & Oliuier faisoient telz abbatis de payens, qu'homme ne s'osoit trouuer deuant eux mais les payens arriuoient de toutes parts qu'il n'estoit possible de les nombrer. Et quand Roland veit la grande & innumerable multitude de payens arriuer, il dit à Oliuier, Helas mon compaignon comment est il possible que puissions resister contre tant de m'escreans qui viennent pour nous deffaire, certes ie croy fermement que si nous leurs couppions les testes aussi menu que fait la faux à l'herbe dedans vn pré, qu'encores n'en sçaurions auoir la fin en deux iours. Et ainsi comme il disoit ces parolles l'Archeuesque Turpin vint arriuer vers eux, & leurs dit

piteusement ainsi. Helas mes freres & amis, il nous faut maintenant prendre en patience. Il appella roland & luy dit, Sire roland il me semble qu'il seroit temps à ceste heure que vous sonnissiez vostre cor, vous voyez deuant vos yeux que des douze pairs de france nous ne sommes plus que six, & ie suis nauré à mort. Quand roland enfédit que des douze Pairs il n'estoit plus que six, il en fut mout courroucé en son cœur. Il print son cor, & le sonna par trois fois si fort que les veines de son corps rompirent & le sang luy sortoit du visage. Le son du cor fut par le vouloir de Dieu si meruei'leux, que de sept lieues retentissoit, & alla ledict son iusques en l'ost de charlemaigne. Roland regarda vers luy, & veit Godefroy de Billon, lequel estoit nauré de dix plaies mortelles, puis il luy dit. Helas Godefroy mon amy faictes tant que vous eschappiez de ces Sarrazins, & allez faire sçauoir vistement à mon oncle charlemaigne la fortune qui est aduenüe, & qu'il luy plaise de nous donner secours ou autrement iamais n'eschapperont des mains des payens. Et Godeffroy lui dit que tres volontiers le feroit, & incontinent print congé d'eux en les recommandant à nostre seigneur. nous vous laisserons à parler des douze pairs qui ne sont plus que six, & retournons à parler de charlemaigne qui est en son ost.

Comme Charlemaigne estant en son Pavillon avec plusieurs de ses Barons entendit le cor de Roland qui demandoit secours & comment Ganelon l'en destournoit. Chapitre. XXXV.



Charlemaigne estant en son pavillon avec plusieurs Barons, ouyrent le son du cor de roland qui estoit tres-impetueux, dont ils furent for-
esbahys, Charlemaigne demanda au duc Naymes qu'il luy en sembloit, & y luy dit, si-
ce, les pairs sont endanger, par-
quoy si me croyez vous ferez
apprester vostre ost pour y al-
ler, car roland n'a pas accou-
tumé de corner si espouventablement. Et Ganelon disoit ainsi, Sire si ainsi e-
stoit, vous eussiez eu nouvelles, Outres-plus il sont vingt mille, qui valent le
bien le demeurant du monde, quand tous les payens seroient deuant roland
& Oliuier, il n'en donneroient vn clou: croyez que roland est dedans le bois

G A L I E N R E S T A V R E .

prest d'icy , ou il chaste apres qu'elque beste sauuage. O maudit traistre & desloyal Ganelon, tu sçauois bien le contraire de ce que tu disois. O charlemaigne pourquoy le crois tu ? que de si long temps en luy n'auoit nulle fiance, galien alloit & venoit tousiours vers Charlemaigne , & luy disoit , Helas Sire , ne verray-je iamais mon pere Oliuier & mon oncle Roland. Certes j'ay grand peur qu'ilz n'ayent qu'elque affaire. Sire empereur plaise à vostre maiesté Imperiale me donner congé d'aller aux deuant d'eux, car ie ne veux plus icy séjourner. Ganelon cuida enrager, quand il ouit la requeste de Galien, & cuida destourner que Galien n'y allast, car il auoit peur que si y alloit, il ne destourna la fausse trahisson. Toutes-fois Galien pria tant Charlemaigne qu'il luy donna congé, dont le remercia, grandement. Il appella Girard & se fit armer sans nul delay , & monta sur Marcepin. Il le faisoit aussi beau voir que iamais homme sur cheual. Tous les Barons le benissoient , & disoient que c'estoit le plus bel enfans que iamais fut né de mere. Et quand le faux traistre Ganelon congneut que Galien auoit si bon courage, il commença à le maudire en son cœur , & dit à charlemaigne , O Empereur, si vous me croyez vous ferez retourner Galien , & prendrez son cheual pour vous, & luy donnerez quelque autre rousin, car ie croy qu'au monde n'a son pareil. Charlemaigne respondit il est mieux employé à l'enfant qu'il ne seroit à moy , & tout disoit Ganelon pour destourner l'alleure de l'enfant, Galien vint vers Charlemaigne & print congé de luy & luy dit , Sire si vous croyez ce viellard qui semble mieux vn diable qu'un homme , ie vous assure que ia bien ne vous en prendra, car ie croy fermement qu'il a vendu les douze pairs de France. Desquelles parolles plusieurs cheualiers qui estoient en la compagnie furent tous esbahys, & incontinent Galien se partit. Le Duc Naymes & plusieurs des autres Barons firent tant que charlemaigne fit vistement retourner son ost, mais c'estoit bié tard : car iamais ne verra nulz des pairs vifs Galien exploicta tant qu'il entra dedans ledict bois, auquel il trouua Godeffroy de Billon, lequel estoit nauré de dix playes mortelles, & alloit annoncer à Charlemaigne la male fortune qui estoit aduenüe aux douze pairs. Et incontinent que Galien le vit, il se tira vers luy , & le salua mout honnestement en luy demandant d'ou il venoit, & ou il alloit. Godeffroy luy raconta en briel la trahison que Ganelon leur auoit faict , & le danger ou il estoient. Quand galien entèdit les parolles de Godeffroy, il fut si courroucé que merueilles. Godeffroy luy pria qu'il retournaist, & qu'il n'allast plus outre, car il y auoit si grand multitude de Payens que c'estoit choses merueilleuse : & si y alloit , que iamais n'en elchapperoit, & qu'il valoit mieux qu'il allast annoncer à Charlemaigne tout le cas , car il estoit si nauré qu'il ne pouuoit plus aller. De laquelle priere Galien ne voulut rien faire, mais il luy dit que deuant que iamais retournaist, il verroit son corps

nauré de trente playes , & qu'aussi vifs ou morts il trouueroit Roland & Oliuier son pere. Quand Godefroy vit qu'il auoit si grand courage, il print congé deluy & se mit en chemin pour faire son message, & tant exploicta qu'il arriua en l'ost de Charlemaigne, ou il trouua qu'il se preparoit & tous les barons pour aller à Roncevaux, aider aux pairs de France.

Comme Godefroy vint annoncer à Charlemaigne la trahison que Ganelon auoit faict des douze Pairs de France : & comment il les vendit au Roy Marsille, & en receut de grans tresors. Chapitre. XXVI.

A Pres que Godefroy de Billon eut laissé Galien, qui s'en alloit en Roncevaux chercher son pere Oliuier & Roland, tant exploicta qu'il arriua en l'ost de Charlemaigne, lequel se preparoit pour retourner en Roncevaux. Incontinent vint deuant Charles, & luy dit, Nobles Empereur ie vous salue de par Roland vostre neveu, Oliuier, Turpin & Belanger : lesquelz sont en Roncevaux, faussement & desloyallement trahys de par le traistre Ganelon, & vous mandent que vous leurs enuoyez secours, ou autrement iamais ne les verrez vifs. Des douze pairs ne sommes plus que six, desquels nous sommes cinq naurez à mort. Et afin que mieus cognoissiez la verité regardez i'en porte dix playes mortelles. Quand Charles entendit qu'ils auoient esté trahis, & qu'il regarda les playes de Godefroy, il commença à tirer sa barbe, & desrompre ses cheueux, & cheut pasmé à terre, comme s'il fut mort. Et quand il fut hors de pasmoison, vistemment fit sonner les buccines, & fit charger tentes & paillions. Ganelon qui la present estoit, commença à dire Sire, Empereur s'il est vray ce que Godefroy vous a dit de moy, ie veux estre escorché tout vif de mēbre à mēbre, & afin que vous cognoissiez le contraire, moy mesmes veut aller deuant en Roncevaux, & me bouter le premier en la bataille, à l'encontre des Sarrazins maudits mescreans : & feray telle desconfiture, qu'il en sera parlé au temps aduenir, car i'ay grand volonté de les mettre afin mais penseriez vous bien que moy qui vous ay plus aymé que tous les hommes du monde, eusse cōmis vne telle chose, ne offencer si noble personne que vostre imperialle maiesté? Vous sçauiez bien que i'ay de grands richesses, parquoy pouuez entendre que les parolles qu'on vous a rapportées ne sont pas vrayes. Alors Charlemaignes luy dit, s'il est vray que vous ayez faict ceste trahison, ie vous iure mon baptisme que tous les hommes du monde ne vous garderont de mort. Ganelon dit, Sire quād vous serez en Roncevaux, Roland ne les autres pairs ne diront pas que ie soye cause de ceste trahison. Charles & son ost se partirent sans plus sejourner, pour aller au secours des douze pairs, & mena Ganelon avec luy. On bailla à Godefroy de billon bons barbiers & chiru-

GALIEN RESTAURÉ.

giens pour visiter les playes : mais il estoit si fort nauré que peu de temps apres il alla de vie à trespas, dont ses parens furent desplaisans. Le traistre Ganelon cognoissant qu'il ne pouuoit eschapper qu'il n'allast avec charlemaigne en Roncevaux, & que la trahison seroit congneue, il print vn mareschal, & fit ferrer son cheual le deuant derriere, à fin que plus facilement peut eschapper quand heure & temps seroit. Tant cheuaucherent qu'ils arriuerent en Roncevaux.

Nous laisserons à parler de Charlemaigne & parlerons du noble Galien.

Comment quand le noble Galien eut laissé Godefroy, il s'en alla à Roncevaux ou il fut assaillí de dix Payens. Chapitre. XXVII.



Quand Galien eut print congé de godefroy, il print son chemin droit à Roncevaux, cuidant trouuer Oliuier & Roland: mais auant qu'il les peust trouuer il endura plusieurs affaires, car incontinent qu'il fut en Roncevaux, luy regardant d'un costé, & d'autre voyoit tant de mors que c'estoit chose pitteuse. adonc appella son maistre girard, & luy dit, cōment est il possible que ie puisse trouuer mon pere Oliuier & mon oncle Roland. He-

las ie ne sçay s'ils sont mort ou vifs, quand maintenani ie le verroye, si ne les sçauois- ie congnoistre. Et comme il disoit ces parolles il estoit pensif sur l'arçon de la selle. Ainsi qu'il estoit en ce pensement, il commença à regarder vn peu à costé, & vit dix payens qui descendoient d'aupres vne grande roche. Leur maistre estoit appellé Martineau, l'vn des fors & merueilleux turc qui fut en toute la Turquie. Quand galien les vit il alla droit à eux & leur cria à haute voix, Seigneurs, estes vous chrestiens. Alors Martineau respondit quelz que soyons tues bien hardy d'approcher si pres de nous: si tu me crois tu te reculeras. Quand Galien l'entendit, il leur dit, le vous prie ne vous moquez point de moy : mais dictez moy si vous plaist nouuelles de Roland & Oliuier, s'il sont morts ou vifs. Martineau luy respōdit, Roland est mort, & ay iousté contre Oliuier & l'ay perçay au trauers du corps de cestuy espiu que ie tient en ma main. Outre plus ie vois cherchant leurs testes pour les porter au roy Marille. Galien fut mal content de ces parolles, & dit à Martineau. Tu

L'HISTOIRE DE

dis que tu as tué Oliuier mon tres-noble pere, parquoy mon corps te deffie iusques à la mort. Ilz mirent leurs lances en l'arrest, & coururent si fierement l'un sur l'autre & en telles manieres que leur lances rompirent, & volerent par pieces, & du coup que Galien donna, il fit chanceler Martineau de dessus son cheual Ilz mirent les mains aux espées, & se donnerent de merueilleux coups, galien vouloit venger la mort de son pere, & de son espée flogerge luy donna tel coup qu'il luy fendit la teste iusques aux dents, & cheut mort par terre. Quand les autres Payens virent Martineau mort, ilz coururent sur Galien mais Girard qui la estoit le regarda. Galien voyant qu'ilz se parfoient de luy faire domnage, haüssa son espée, & tel coup donna à l'un que la teste luy osta de dessus les espauls. Puis en mit vne autre par pieces. Quand les payens virent que nullement ne pouuoient resister contre Galien, ilz se mirent en fuite. Et galien dit à son maistre Girard qu'il se tint la & qu'il les poursuuiroit, & Girard luy obéit volontiers. galien poursuiuit tant qu'il en tua quatre. Cependant que la bataille estoit entre eux, aucuns des payens retournerent vers Girard, & le tuerent dont Galien eut grand douleur au cœur. Les Payens se mirent incontinent en fuite, & allerent annoncer au roy Pinard comme Martineau estoit mort.

Comment les nouvelles furent apportée au Roy Pinard que son neveu Martineau auoit esté tué : & comment il voulut aller iouster contre Galien.

Chapitre. X X V I I I.



LA desconfiture de Martineau faicte, trois payés se mirent incontinent en fuite, quand ils virent la vaillâce que faisoit Galien, ilz allerent au roy pinard, l'un des merueilleux Turcs qui fut en Turquie, luy declare la mal aduventure qui leur estoit aduenue, & luy dirent. Faicte armer vos gens, car la dessus pres la roche forte est l'un des merueilleux chrestiens qui soit en toute chrestienté. Il est encores ieune enfant, & est environ de l'age de dix huiët ans : mais il a le courage si fier, que s'il venoit mille Italiens deuant luy il ne s'en daigneroit delmarcher. Vostre nepueu & nous estions aujourdhuy a ronceaux, & allions cherchans le duc Roland & le

Compte Oliuier pour emporter leurs testes au Roy Marsille: mais quand cestuy enfant nous apperçeu, incontinent est venu droit à nous, & cria a haute voix si nous estions payens ou chrestiens, & si nous luy sçaurions dire nouuelles de roland & Oliuier, quand Martineau l'entendit ainsi parler, il se print à mocquer de luy, en luy disant que le Duc Roland estoit mort, & qu'il auoit iousté contre le Comte oliuier. Quand cestuy enfant entendit ainsi parler vostre nepueu Martineau, il fut en son cœur si courroucé, qu'il n'est possible à homme viuant de le plus estre. Incontinent commença crier Martineau qui le deffioit à mort & par grand fiereté coururent l'un sur l'autre, mais l'enfant donna tel coup à vostre nepueu qu'il le fit cauchir dessus la selle de son cheual, puis tira l'enfant son espée, & en donna tel coup à Martineau au dessus de son heaume qu'il luy fedit la teste iusques aux espaules. Et nous voyant cestuy fait, cuydames venger la mort dudit Martineau, & nous boutasme en bataille contre luy, mais tout ce nous valut rien, car à chacun coup qu'il frapport ce qu'il ataignoit estoit fait de la fin, or des dix que nous estiois en sommes eschappez que trois. Quand le roy Pinard entendit que son nepueu Martineau estoit mort, il leur dist, Si mon nepueu est mort ça esté par son outrecuidance, il s'est voulu mocquer de l'enfant, disant qu'il auoit tué son pere, & l'enfant en a voulu prendre vengeance, c'est la raison. Or me dictes qu'elles armes portes cestuy Chrestien, & qu'elle enseigne, car j'ay fait serment a noz Dieux, qu'aujourd'huy esprouueray mon corps contre le sien. Alors les messagers luy conterét la façon & maniere de l'enfant. Roy Pinard croyez que cestuy chrestien est monté sur l'un des bons cheuaux qui soit en tout le monde. il porte à son col pendu vne targe en champisseure d'azur, & au milieu de ladicte targe a vne croix rouge, laquelle deux Lyons rampans tiennent chascun a son costé. Et est la targe faite & compolée tres-precieusement, tout entaillée de pierres precieuse. Son heaume est fait de fin acier, reluisans comme le Soleil. Et au milieu dudit heaume est attachez vne Escarboucle, laquelle rend si tres-merueilleuse clarté qu'elle respandit vne demie lieue loing, & si rend aussi grand clarté de nuit que de iour.

Après que Pinard eut interrogué les messagers de la façon & maniere de l'enfant galien, il commença à dire, ie vous iure qu'il est du sang du Duc regnier a la cheres hardie, car j'ay souuenance de l'auoir veu a Genes avec le duc regnier: parquoy il ne peut estre que s'il estoit de son lignage qu'il ne soit cheualureux. Or sus tost qu'on m'apporte mes armes, car ie me veux aller esprouuer mon corps contre luy. Incontinent on luy apporta ses armes, & se fit accoustrer appertement. Quand il fut prest, il empoigna sa lance, & pendit son escu a son col, puis monta dessus un cheual de surie. Et quand il fut dessus le cheual, il appella un de ceux qui luy auoient apporte les nouuelles, & luy

dit. Or sus allez donc vistement voir en quelle part est ledi&t chrestien. Et quand ledi&t messager entendit ainsi parler le roy pinard, il luy dit, Certes, Sire ne vous desplaite, car quand ie deuroye gagner tout la richesse du monde, ie ne me voudroye trouuer deuant le chrestien, delaquelle responce le roy pinard fut si courroucé qu'il cuida perdre le sens & l'entendement. Il dit deuant tous les assistans qu'il yroit tout seul pour le combatre. Cestuy roy Pinard auoit vn nepueu qu'on appelloit Corfuble, lequel estoit vn merueilleux payen. Cestuy Corfuble vint au roy Pinard, & luy dist, Mon oncle, ie vous prie que ie voise moy mesme iouster contre le chrestien, car i'ay grand doute qu'il ne vous face quelque creuance. Il est impossible, puis qu'il est de la lignée du duc regnier qu'il ne soit vaillant & preux. Adonc le roy Pinard se courrouça a Corfuble son neueu, & luy sembloit proprement qu'il disoit telles paroles pour louer sa force, & pour despriser celle du roy Pinard. Cestuy roy Pinard dit à son neueu Corfuble. Nepueu, ia ne plaie a nos Dieux qu'il me soit reproché que ie vousisse reculer pour vn seul homme. Ie ne voudroie pas desmarcher pour dix, vous semble il que ie soye de si petite force, & ie vous promets que ie mesprouueray aujourd'huy sur luy si ie le puis trouuer. Il commanda qu'on luy apportast vn oignement qui est de telle vertu, que quand on c'est oingt par le corps & tout les membres, on a la peau aussi dure comme acier, il n'y auoit ferrement au monde qui peust prendre ne mordre dessus. Quand le roy pinard fut oingt de c'est oignement il se fist armer le mieux qu'il peust, Et quand il fust prest, il fit armer son cheual le plus vistement qu'il peust car il auoit grand volonté de trouuer Galien pour cōbatre contre luy. Quand le roy Pinard fut prest de partir, il appella tous ses Barons, & leur dist a haute voix, Seigneurs, ie m'en vois pour combatre les Chrestiens: parquoy ie vous prie que personne ne bouge, car i'ay esperancé qu'aujourd'huy le vous admenneray vif ou mort. Vous dictes qu'il est si fort & si vaillant, mais vous verrez deuant qu'il soit nuict qu'il aura trouué plus fort que luy, mais on dit en commun Proverbe. que souuent dechet de ce que fol pense. Ainsi aduint il au roy pinard, car il luy estoit aduis qu'il conquesteroit incontinent Galien, mais il aduint tout autrement comme plus a plein pourrez voir cy apres,

Comment le roy Pinard s'en alla en vne profonde vallée, ou il trouua Galien qui dormoit, & comment son cheual Marcepin l'euilla du pied, quand il vit venir le Roy Pinard.

Chapitre. XXIX.

LE roy Pinard print congé de tous ses gens & cheuauchant qu'il arriva en vne profonde valée en laquelle estoit Galien qui reposoit sur terre, & auoit

GALIEN RESTAVRE.

auoit passé son bras dedans la bride de son cheual. Et quand Pinard l'apperçut, il le congneut bien aux enseignes qu'on lay auoit declarées. Marcepin voïat son maistre qui dormoit, & aussi cognoissant par le vouloir de Dieu que Pinard estoit son aduersaire, vint frapper du pied l'enestre si grand coup dessus l'escuillon de Galien, que peu ne s'en salut qu'il ne le mist par picces, & tantost Galien s'esueilla & fut mout esbahy. il regarda à costé de soy & vit pinard qui venoit droit à luy, dont Galien eut aucunemēt pœur, pour cause qu'il s'estoit de farme. Quand le roy Pinard vit que Galien estoit espouuenté il luy escria à haute voix, cheualier, quel que tu sois n'aye peur de moy : car iamais a ton corps ne toucheray, que tu ne sois accoustray à ton appetit Payen dit Galien, ie te remercie, volontiers prierois tes dieux qu'ils t'en rendissent le guerdon. mais ie suis bien seur & certain qu'en eux n'a nulle puissance. Quand Pinard entendit ces parolles, il en fut courroucé Galien, sadouba vistement, puis monta sur Marcepin. Pinard luy demanda s'il estoit de Genes, & d'ou il venoit. Galien luy dit que non, & qu'il venoit de l'ost de charlemaigne pour venger la mort des douze pairs de France. Quand Pinard l'entendit ainsi parler, il luy escria a haute voix, chrestien monstre toy tel que tu es, car auourd'huy ie te rendray au roy Marsille vif ou mort. Galien fut mout courroucé d'ouir telles parolles, & dit à Pinard, payen, auant qu'il soit vray ce que tu dis tu auras bien à besongner, ie te prie n'vse point de menasses, mais esprouue ton corps, car ie te deffie à mort. Ilz mirent leurs lances en l'arrest, puis frapperent des esperons, & se donnerent tels coups, de qui rompirent lances & harnois, tant que galien faussa le harnois de Pinard iusques à la chair : mais Pinard auoit la peau si dure que le fer de lance de galien ne luy sceut faire dommage. Adonc pinard dit, Chrestien, quel que tu sois tu as gentil courage. Ie reprie derechef que tu me dies si tu es du sang du duc regnier le hardy. Quand galien entendit le roy Pinard qui vouloit sçauoir d'ou il estoit, il luy dit, payen il n'est pas temps de parler de cela, mais il faut esprouuer nos corps Pinard fut mout courroucé de ce que Galien auoit tel courage. Ilz se donnerent de grands coups d'espée, tellement que pinard abbatit l'escarboucle du heaume de Galien. Quand Galien sentit le coup il fut mout iré, & de foberge bailla tel coup à pinard sur l'espaule, qu'il luy coupa tout ce qu'il rencontra, iusques à la chair mais il ne la peut dommager. Galien fut mout esbahy de ce qu'il ne peut trécher la chair du payen, & dit, O foberge mon espée d'ou procede que vous n'avez nullement voulu entamer la chair de ce paien. Pinard entendit les parolles de galien, adonc il luy cria à haute voix, François tu pourras cognoistre tantost que ie suis, pense & crois fermement que tu ne peust dommager ma chair : car quand tu frapperois sur moy de ton espée dix iours entiers, & que ie fusse tout nud, tu ne me sçauois faire greuance. Crois pour

certain que l'abbatis hier roland de dessus son cheual, & cheut mort par terre
Puis i'allay iouster contre le comte Olivier, auquel ie mis la teste iusdes espau-
les. Et si i'ay fait mourir de ceste espée plus de cinq cens chrestiens : parquoy
tu peux appercevoir que tu n'auras guere de durée contre moy.

*Comment Galien abbatit pinard par terre, & couppa la moitié du col de son cheual :
& comment Galien tua Bruffelle, & donna son cheual à pinard.
Chapitre. XXX.*



Q Vand galien eut enten-
du les paroles du roy pi-
nard, il luy dit Payen, crois cer-
tainement que hier ie trouuis
vn tel vanteur comme tu es :
mais pour cause de l'auanterie,
ie luy monstray que foberge
mon espée scauoit faire. Aussi
toy qui cuides vsfer de tels lan-
gages, ie te monstrey que ie
sçay faire. Quand pinard enten-
dit ainsi parler galien, il dit des-

fend toy donc à ceste heure & te garde bien de moy. A ceste parolle vindrēt
l'vn contrel'autre, par telle fierté que c'estoit piteuse chose a regarder. Pinard
cuida frapper Galien sur le heaume, mais il sentit descendre le coup, & le de-
stourna : & apres que Galien eut destourné le coup, il haussa foberge & en
donna tel coup a Pinard, que les fleurs & les pierres cheurent par terre, & vint
cheoir le coup sur l'arçon de la selle du cheual de Pinard, tant qu'il la couppa
tout outre & la moitié du col du cheual, & cheut Pinard par terre. Quand
Galien le vit ainsi tresbubucher, payen as veu ce que mon espée scait faire.
Quand Pinard entendit ainsi parler Galien, il cuida creuer de despit, & dit à
galien, vassal pense tu pourtant si ie suis à terre sans cheual m'auoit conqueſte
tu sçais bien que le matin ie suis arriué vers toy, quand tu dormois ie t'eusse
osté la teste des espaulles si i'eusse voulu, tu dis vray dit Galien, aussi crois fer-
mement que ie ne toucheray à ton corps que tu ne sois monte a cheual com-
me moy, Cependant qu'ils parloient ensemble galien regarda vn peu a tra-
uers, & il va appercevoir vn payen, lequel estoit appelé Bruffelle, & estoit ne-
ueu de Pinard. Cestui Bruffelle estoit embusché la auprès, afin que si galien
eust conquis Pinard, il fut venu & l'eust secouru, Et incontinent que galien
l'apperceut il picqua son cheual Marcepin & approcha de luy en criant paien

GALIEN RESTAURE.

mon corps te deffie. galien & Bruffelle mirent leur lances en arrest, & picquerent des esperons si fierement qu'ils donnerent telz coups que le feu sortoit contremont, mais Galien frappa de si grand puissance qu'il luy passa la lance au trauers du corps & cheut mort par terre, Galien print le cheual de Bruffelle & le mena à Pinard, & luy dit, Pinard tu m'as faict vn plaisir, pour lequel ie te donne cestuy cheual que i'ay maintenant conquesté. Adonc Pinard luy dict, ie ne t'en remercie pas, car le cheual estoit à mô neveu que tu as tué, mais ie faiets vœu a mes dieux, qu'auât que d'icy partes, ie t'osteray la teste de dessus les espaulles. Et galien dit payen monstre ce que tu sçais faire. L'estour commença entreux plus fort que deuant. galien frapport sur pinard si courageusement que merueilles, & Pinard frappa galien en telle façon qu'il luy abbatit vne partie de la forcille, tant que le sang couloit à terre. Pinard qui auoit grand ioye d'auoir faict tel coup, dit à galien, chrestien, que te semble de mon espée est elle quatriere de faire barbe. Quand galien vit la mocquerie de Pinard il requist nostre seigneur qu'il luy pleust estre en secours. Apres qu'il eut faictes son oraison, il haussa foberge son espée par telle façon & en donna si grand coup a pinard, qu'il emporta la manche de son haubert, & crouppa la boucle de dessus & luy mist le bras nul puis derechet haussa foberge, luy cuidant auoit finée la bataille, & vint frapper dessus la chair nuë, mais l'espée resortit contremont en quoy galien fut bien esbahy, & baissa la chere contrebas, puis dit à pinard, ha paien que maudit soit ton cuir tant il est dur, car ie croy fermement qu'onques marbre ne diamant ne fut de telle durté. Pinard & galien frappaient l'un sur l'autre de merueilleux coups : mais oncques ne se peurent dommager. Quand Pinard vit que galien approchoit, il vint a galien, & luy dit, Chrestien ie te prie que nous prenions treues pour meshuy car tu vois que la nuit s'approche, & ie te promets que ie suis tant les que ie ne me puis soustenir, demain nous viendrons acheuer nostre bataille. galien fut content car aussi estoit il fort traouillé, & luy dit qu'il donnoit congé & qu'il se tiendroit la iusques au matin, & qu'il n'auoit n'y faim ny soif : mais il estoit bien marry que son cheual n'auoit ny foin ny auoine. Quand Pinard entendit ainsi parler galien, il luy dit. Chrestien si tu veux venir avec moy, ie te iure foi & loiauté, que ie te tiendray bien à ton plaisir, & aura ton cheual assez foin & auoine, & si ie te promets que ia paien ne te fera desplaisir. Quand galien entendit son vouloir, il luy dit paien me puis- ie bien fier en toi. Oui, dit pinard, en foy de gentillesse. et adonc s'accorda galien d'aller avec luy, & le mena en tente, & le festoia celle nuit mout honorablement, tant que galien se contenta.

Comment Galien vint le lendemain bien matin heurter à la porte du Roy Pinard qu'il se leuaſt, & qu'il eſtoit temps de conter à ſon hoſte, & comment en s'en retournant au champ il trouua quatre Turcs dont il en tua trois.

Chapitre. X X X I.

LE roy pinard ſur ſa foi de gentilleſſe mena galien heberger avec lui en ſa tente, & quand ils furent arriuez paiens acouroient au deuant de pinard car ils cuidoiẽt qu'il amenast galien priſonnier & tantost lui demanderent comment, Sire roi pinard : auez vous conqueſté en champ de bataille ceſtuy chreſtien, auſquelles parolles leur reſpondit que non, & que c'eſtoit le plus vaillant chevalier qui iamais porta armes. Incontinent pinard manda que Galien fuſt deſcendu honneſtement, & qu'on le traitaſt comme ſa propre perſonne, & ſon cheual Marcepin, puis les paleſſreniers prindrent le dict cheual, & fut penſé celle nuit. Corſuble mena galien en ſa tente de Pinard puis il ſe deſarma pour prendre ſa reſeſtion. Les tables furent miſes, & les viandes preparées de pluſieurs & diuerſes ſortes. Le ſoupper fut honnorable & bien ſeruy. Car le roy pinard eſtoit bien ioyeux de ce que galien eſtoit avec lui, chaſcun print ſa reſeſtion, comme il eſtoit de neceſſité. Apres ſouper ils deuſerent de leurs faiſts, & geſtes, & le Roy pinard fit apporter ſes armes deuant luy, & monſtra à Galien comment illes auoit deſpectées. Et quãds galien les veit il commença a dire au roypinard, paien, ie ne ſuis pas armurier que tu me monſtres tẽs armures a radoubẽr, ie te prie faiſts moy bonne chere, comme tu m'as promis. Et le roy pinard luy dit, chevalier ne vous deſplaiſe, car naturellement que la choſe qui touche au cœurne ſe peut oublier. Outre plus ie m'eſbahys comment il eſt poſſible que vous aiez detrencher mon harnois qui eſt ſi fort. Ie ne trouuay iamais homme qui fiſt de ſi beaux coups que vous auez faiſt aujourd'huy. Apres pluſieurs parolles dites le roy pinard commanda a ſon neueu corſuble qu'il allaſt preparer vn liẽt honorablement pour Galien, à ſin qu'il peuſt repoſer plus à ſon aiſe ceſte nuit Le Roy Pinard dit à galien, chreſtien, quand il vous plaira de vous aller repoſer dictes le, car ie vous ay faiſt preparer vne chambre. Galien le remercia. Puis Corſuble le mena en ſa chambre, & Galien ſe coucha & dormit à ſon aiſe. Le lendemain au matin galien ſe leua, puis appella Corſuble, & luy pria humblement qu'il luy pleuſt de luy aider à ſ'armer, lequel le fit tres volontiers. Et ainſi comme il l'arminoit, il luy pria qu'eux deux eſprouuaſſent leurs corps enſemble l'vn cõtre l'autre, laquelle priere Galien luy oẽtroya, & luy dit, Vaſſal quand toy & moy ſerons enſemble pour le plaſir que tu me faiſts, ie t'en rendray vn autre

car ie te promets que si l'attains de mon espée floberge ier'osteray la teste ius des espauls. A quoy corsuble respondit. On verra qui aura belle amie, galien fit amener son cheual, puis monstra dessus, & print sa lance en sa main & alla heurter deux, ou trois coups à la porte de pinard: & luy cria a haute voix, sus païen, leuez sus, il n'est plus temps de ronfler: mais il est temps d'acheuer nostre entreprise. Tantoist pinard se leua & fit apporter ses armes. Galien se mit en chemin arriuer à l'entrée du bois ou il trouua quatre Turcs messagers du roy Marilles Galien print sa lance, & tresperça a trauers le corps le premier qu'il rencontra, & tira son coup, & perça l'autre parmy la corée. Il tira son espée & treucha la teste au tiers, & le quart se mit en fuite, & alla vers pinard, & luy dit, Sire nous estions quatre messagers qui vous apportions lettre du roy Marille, mais vn chrestien en a tué trois, & ie suis eschappé. Quand Pinard l'entendit il dist, c'est le cheualier qui a couché ceans le meilleur du monde. Il se fit armer, & puis on luy amena son cheual, il monta dessus, & s'en alla pres Galien au champ ou estoit commencé la bataille. Et quand galien veit le roy pinard qui estoit armé il luy cria à haute voix. païen tu as assez longuement print ton repos. Ceux qui veulent faire grans journée ne doiuent tant dormir ne ronfler en leurs lits, Par mes Dieux, dyt le roy Pinard i'estois tant las & trauaillé de la bataille que nous fîmes hier, que ie ne me pouuoye recueillir i'ay encores les yeux endormis. Quand galien le vit ainsi endormy, & qu'il ne se pouuoit esveiller. il luy dit, Or sus païen, il nous faut recommencer, si vous estes trop endormy, ne vous chaillè, car ie vous reueilleray bien.

Le Roy pinard se fit preparer le plus viftement qu'il peut, & se mit en champ de bataille, & Galien quil'attendoit luy dit, Païen, il se faut deliberer. Et incontinent ils mirent leurs lances en arrest, puis brocherent leurs chevaux l'un contre l'autre, & se rencontrerent par telle façon que les fers, & les fufts de leurs lances vollèrent en l'air. Incontinent ilz mirent les mains aux espées, & donnerent de merueilleux coups, mais ilz ne se peurent en rien greuer. Galien ayant volenté de mettre a fin la bataille, haussa son espée floberge par telle façon que du grand courage qu'il auoit, en donna au roy Pinard tel coup dessus le heaume, que la coiffe ne le cercle ny valurent vn denier, qu'il ne le mist par pieces, & vint cheoir le coup dessus l'espaules droictes du roy Pinard en telle façon qu'il luy mist la gerbe & tout le bras à descouuert. Et quand Galien vit le coup, il cuida auoir fin de bataille. Quand il vit qu'il ne l'auoit point greué, il haussa derechef son espée floberge, & le vint frapper de grand courage dessus le bras nud: mais l'espée resortissoit contremont. Quand Galien veit que son espée ne pouuoit entamer la chair du roy pinard, il fut si courroucé & marry en son cœur que merueille, car il ne scauoit pas que le roy pinard eust oing son corps d'oignemens, mais il s'ebahissoit donc proce-

L'HISTOIRE DE

doit que nullement il ne pouuoit dommager la chair du païen, & qu'il detrenchoit son harnois. Ainsi comme le roy Pinard se combattoit il y auoit trente païens qui s'estoient embutez au plus pres de la bataille, lesquels quand ils virent que galien eut fait cestuy coup, commencerent à courir contre luy, & le vouloient mettre a mort. Et quand galien les vit ainsi venir, il commença à dire au Roy Pinard. Comment païen veut tu ainsi iouer de trahison contre moy, est ce la foy que tu m'auois promise. Iauoye fiance en ta promesse, & ie voy maintenant que tu as fait icy venir ses gens pour me faire desplaisir, & dommager mon corps. Cela ne procede point de noble courage, ieusse cuidoé que ton vouloir & ta parolle eussent esté semblables : mais nonobstant ie te promets que quand ie t'auray conquesté que si ie les reneontre, ie les payeray en telle façon, que iamais nes'embulcheront pour faire trahison. et quand pinard entendit galien & qu'il vit les trentes payens, il les commença fort à inurier, & les fit retourner d'ou ilz estoient venus.

Comment Galien combatit le roy Pinard d'un gros baton de bois, & abbatit par terre homme & cheual, puis le ietta dedans vne riuiera.
Chapitre. XXXII.



Galien & le roy Pinard recommencerent leurs bataille plus forte que deuant. Adonc le roypinard frappa l'enfant galien si fierement dessus le heaume qu'il lui emporta vne grand partie, quand galien sentir le coup il fut fort couroucé, & appointa floberge son espée droit a la gorge du roi pinard: car elle estoit toute nuë, mais en nulle maniere ne le sceut greuer, dont il fut fort esbahi. Il haussa la teste contre le ciel, & disoit en telle maniere.

O Iesus christ fils de Dieu, eösolateur de ceux qui te requierét. De bon cœur ie te supplie par ta benoïste passion laquelle tu as voulu souffrir pour nous en l'arbre de la croix pour nous racheter des peines d'enfer, qu'il te plaise me donner conseil comment ie pourray conquesté cestuy payen. et apres qu'il eut fait sa priere, ilz se frapperent de rechef en bataille, mais pour quelque chose que Galien peust faire il ne luy est possible de greuer le roy Pinard, dont il e-

stoit fort desplaisant. Et quād pinard vit le courage de Galien, il luy commen-
ça à dire, chrestien, pense tu pourtant que i'aye la chair nuë, que tu me puisse
greuer. Tu peut bien cognoistre qu'aujourd'huy ie te feray comme i'ay fait
au comte Oliuier, auquel i'ay tres-perçay mon espieu parmy le corps. Galien
fut plus courroucé que parauant. et tantost par le vouloit de Dieu il imagi-
na que puis qu'il ne pouuoit greuer pinard avec son espée, quiroit couper
vn gros baston de bois pour combattre contre luy, puis il luy dit, païen, ie te
prie que tu me laisses descendre de dessus mon cheual, car ie sens bien que les
fangles sont destachée, laquelle requeste Pinard luy octroya, Galien mit le
pied à terre, & osta ses esperons, puis desseignit son espée & la pendit à l'arçon
de la selle, & la tira hors du fourreau & apperceut en vn buisson vn gros baston
de n'esplier: & le couppa, & vint tout droict vers le roy Pinard, lequel pensoit
que Galien, se vouloit rendre à luy, mais c'estoit bien le contraire, Galien vint
au roy pinard & luy escria à haute vois, disât ainsi, païen: ie veut essaier cestuy
baston, si nullemēt ie pourroye auoir fin de toy, mais ie te prie que tu ne face
nul desplaisir à mon cheual. Et Pinard luy promit que non seroit-il, inconti-
nēt le roy pinard qui estoit à cheual est venu à Galien par grand fierté de cou-
rage, & haussa son espée, l'en cuida frapper, mais Galien leua son gros baston
contremont, & en dōna tel coup au roy pinard dessus le bras, qu'il luy fist tō-
ber l'espées de la main, puis donna vn autre coup si terrible sur la teste, qu'il ab-
batit homme & cheual par terre. Quand Galien veit pinard par terre, il luy
donna tant de coups de son gros baston que le sang luy sortoit de toutes parts.
Après que Galien l'eut tant battu qu'il ne mouuoit pieds ne jambes, il le prit
par les cheueux & le tira dedans vne riuiere, laquelle estoit la pres. et puis il
luy dict. Païen tu me donnas au soir en ta tente assez a boire & a manger mais
pour tous les biens que tu me fis oncques ie t'en veut rendre trois fois autant
& luy tint le pied sur la gorge iusques a tant qu'il fust mort.

*Comment apres que Galien eut desconfit le Roy Pinard & qu'il eut ietté en la
riuiere vindrent à luy trente païens qui s'estoyent embuschez pour
venger la mort du Roy Pinard.
Chapitre. XXXIII.*



Pres que Galien eut desconfit le roy pinard, & qu'il l'eut ietté en la ri-
uiere vindrent à luy trente païens qui estoient embuschez dedans vn
bois, cuidant venger la mort du dict pinard. Quand Galien les vit il
monta dessus son cheual. Il ne fut pas plustost mōté qu'il fut enuiro-
né de ces trentes païens, & l'assaillirent fierement, mais Galien se deffendoit
d'vn merueilleux courage, car de son baston il ruoit tout par terre et ainsi



comme il se combattoit si vaillamment de son baston contre ces mauvais païés il en y auoit vn le quel combattoit cōtre luy & luy couppa son baston en deux pieces, de laquelle chose fut gaien mout esbahy, car il pensoit que les maudits payés eussent la chair aussi comme auoit le roy pinard, & lui pensât & imaginant, & voyant qu'il n'auoit plus de quoy il se peut

deffendre, il tira floberge son espée, & en donna un grād coup à vn des païens qu'il le fist cheoir par terre tout mort. Quand gaien veit qu'ils n'auoient pas les peaux si dures que le roy pinard, il fat mout ioyeux en son cœur. Il print courage & se bouta si auant en la bataille cōtre les païens qu'il fit telle desconfiture qu'ilz ne se trouuoient deuant luy, derechef ilz sortirent du bois dix autres païens, mout fiers & orgueilleux, lesquelz se vindrent incontinent ietter de tous costez sur Gaiien & sembloit proprement qu'ils le deussent confondre. Mais quand il les veit il les commença à crier à hautes voix. Mont ioye saint denis, & puis il dit, Or voy-ie bien maintenant qu'auioird'huy sera le deffinement de ma vie. Je voy bien que iamais ne verray Constantinople, ne ma mere qui tant à de douleurs Helas mon pere Olivier, & vous mon oncle roland, ie cognois bien que iamais n'auray nouuelles de vous, car ie suis fierement assailly des payens. O noble Empereur ie te requiers & prie qu'il te plaise de me donner secours, car autrement il est fait de ma vie. Et nonobstāt quelques regrets qu'il fist, il se deffendoit si vaillamment, que c'estoit merueilles, car le courage luy croissoit quand il pensoit à telles choses.

Comme Roland, Olivier, l'Archeuesque Turpin, Richard, Salomon, & Befangier, se mirent derriere une roche pour eux sauuer, & comment ils vindrent au secours de Gaiien.

Chapitre. XXXIIII.

Pres que le roy Marsille eut fait la descōfiture des Pairs, & que plus n'en demouroit que six, lesquels il pensoit estre morts, l'incontinent il fit sonner les cors & bucinés, & fit leuer tente & paillons, & se mit en voie pour s'en retourner. Le noble Roland, Olivier, l'Archeuesque Turpin, Richard, Salomon, Befangier se reculèrent derriere vne grosse roche pour estancher les playes




les playes de ceux qui auoient esté blesez & n'aurez. Pensez que maintez pleurs & lamentatiōs furent alors faictes. Eux estant derrierela vont entendre la voix de galien qui mout fort les regrettoit. et ainsi com meilz regardoient d'un costé & d'autre, ils ont aperceut que Galien estoit enuironné de tous quartiers des Turcs & paiens lesquels luy lancoient

darts & gros espieux pointus. Quād Oliuier apperceut le destourbier que l'on faisoit à Galien, amour naturelle le contraignit de luy donner secours & dir, ha roland mon compagnon n'entendez vous pas les regrets que faict cestuy ieune chevalier, lequel le combattoit contre les Turcs Ne voyez vous pas le noble courage qu'il à, car il s'en vouloit fuir, tous les payens du monde ne le scauroient prédre. Certes ce seroit à nous grand honte s'il mouroit ainsi sans auoir secours, & ie vous promets que ie suis deliberé de luy aller aider s'il vo' plaist de maider à armer. Quand Roland entendit le noble courage de son compagnon Oliuier luy cognoissant qu'il estoit nauré en plusieurs parties de son corps & luy dit. Helas mon trescher & loyal compagnon, commēt seroit il possible à vous de porter armes, quand vostre noble corps est nauré de toutes parts. Oliuier, luy dit Le vous prie que me laissez, car ie promets à Dieu que si ie puis, demoyaura secours. Et pareillement dirent tous les autres pairs Roland les adouba le mieux qu'il peust, puis leur ayda à monter à cheual, chacun tint son espée. Le noble Roland monta sus Viellantin son bon cheval, puis empoigna durandal & se mit le premier en voye: & les autres vont apres Quand Galien les apperceut, & qu'il veit les croix rouges flamboyer, en son cœur fut mout ioyeux. Et commença à dire, O Iesus-christ Redempteur de tout le monde, aujourd'huy ne comte rien de ma vie: mais que ie puisse voir le duc Roland & mon pere le comte Oliuier, que tant ay ouy prifer. En disant ces parolles ou semblables frappoit tousiours sur payens. Roland & ses cinq compagnons se vindrent frapper entre les payens. Roland haussa durandal & tel coup donna au premier qu'il rencontra, qu'il le fendit iusques à la courroye puis tira son coup, & au second abbatit le bras dextre, & au tiers luy osta la teste de dessus les espaule. Le comte Oliuier estoit de l'autre part qu'au premier qu'il rencontra, fendit la teste iusques aux dents, & le second abbatir mort par terre, des trente paiens qui la estoient firent telle descōfiture, que

piteuse chose estoit à regarder. Incontinent vn païen vint crier à haute voix. roland, croy de vray que Ganelon vous a vendu au roy Marfille & a reçu de grands trefors, puis quand le payen eut ce dit, viftement se departit, & alla annoncer au roy Marfille comment roland & Oliuier estoient encores en vie, & que le Roy Pinard estoit mort.

Comment les nouvelles furent apportée au Roy Marfilles que Roland & Oliuier estoient encores en vie, & comment le Roy Marfille y enuoya trente mille Turcs.

Chapitre. XXXV.

 Vand le Roy Marfille entendit les nouvelles que roland & Oliuier estoient encores vifs, il fut grandement esbahy, et commença à dire en ceste maniere. Et comment ie pensoye qu'ils fussent morts depuis hier. Incontinent fit monter à cheual quinze mille payens ielquelz vindrent legerement en Ronceuaux ou estoient les six pairs de France, & se mirent en champ de bataille, les vns contre les autre le noble roland & le Conte Oliuier faisoient telle desconfiture que c'estoit merueilles, & aussi le noble galien faisoit de merueilleuses prouesses, tant que payens ne s'osoient trouuer deuant luy. A cestuy estour furent bien mis à mort deux mille Payens. Et incontinent voyant vn mauidict Turc, qui la estoit : la desconfiture que faisoient les six Pairs: contre les paiens, vint cognoistre le comte Oliuier & luy ietra vn espieu fort & pointu, si roidement qu'il le fit entrer dedans vne partie de son noble corps. et quand il se sentit ainsi nauré, il haussa son espée Hauteclere, & frappa sur le payen, mais il ne le peut dommager en rien, & retourna son spée contremont. Et quand il vit qu'il n'auoit plus de puissance, commença a dire en ceste sorte, ô redempteur de tout le monde, maintenant ie voy clairement qu'aujourd'huy sera le desfinemēt de toute noblesse de Chrestienté. O Hauteclere mon espée, j'ay vëu que quand vous auiez mille paiens vous les mettiez en fuitte, & maintenant ne pouuez pas auoir la fin d'un tout seul. Oliuier voyant qu'il estoit fort nauré, s'en alla appuver cōtre vne roche qui estoit pres de luy. Et le maudit payen qui l'auoit nauré a mort, alla droict a luy, & tira son espée, luy cuidant couper la teste, pour porter au roy Marfille, mais galien voyant ce mauidict Turc, luy va escrier, O faux & desloyal païen laisse ce chrestien tu vois bien qu'il n'a puissance ne vertu, mais viens vers moy. & que nous esprouuions nos corps, l'un contre l'autre. et quand le païen l'entendit sans faire nul delay se tira droict à Galien. et quand l'enfant veit le vouloir du païen, il haussa slobberge par telle fierté, & en dōna tel coup au païen, qu'il le fendit iusques a la courioie, & quand Oliuier vit le beaucoup que galien auoit faict, il fut moult ioieux en son cœur, & commença a dire, ô roi des rois, qui a voulu prē-

G A L I E N R E S T A V R E

dre ton hebergement au ventre virginal de marie, ie te supplie auant que mon ame facent departement de mon corps, qu'il te plaise de ta bonté me donner grace que ie puisse cognoistre cestuy chrestien : car il me semble que l'espée qu'il porte est du roy hugon, dont ie cuiday auoir la teste trenchée, quand auec sa fille laqueline ie promis foy & loyauté de mariage.

En disant ces parolles vint arriuer vn payen qui venoit d'espier l'ost de Charlemaigne, qui s'approchoit de Roncéeaux, & vint crier à haute voix aux païs tant qu'il fut ouy de tous, Seigneurs payés croyez fermement que ie vien d'espier l'ost de charlemaigne, qui n'est pas à vne lieue loing, il amene avec luy plus de cent mille cōbatans, pourtant si me croiez retournerez vîstement en l'ost de Marseille: car vous voyez qu'il ne sont icy plus que quatre, & incontinent qu'ils ouyrent les parolles de l'espie, eux craignant la fureur de charlemaigne se mirent en fuitte. Roland & Galien les poursuuoyent mout asprement, & tout ce qu'il pouuoient atteindre estoit fait de sa vie. puis les deux Barons firent leur retraitte. Oliuier cognoissant la noblesse de Galien, l'appella doucement en luy disant, cheualier, ie vous prie dites moy qui vous a donné ceste bonne espée: certes en vous elle est bien employée. Galien luy conta la façon & maniere comme le Roy Hugon la luy auoit donnée, & comment il estoit fils du Comte Oliuier, & qu'il auoit engendré à Constantinople, de la fille du roy Hugon, nommée laqueline, & comment il auoit eu tant de peine à le chercher, & puis comment elle auoit esté deiette, & quel nom luy auoit esté imposé. Quand Oliuier entendit ainsi parler Galien cogneut bien qu'il l'auoit engendré. Et incontinent luy sortirent les larmes des yeux, & luy estant nauré à mort, embrassa Galien, & luy dit O mon enfant plein de noblesse, hardy & preux en tous tes faits, crois fermement que ie suis ton pere le comte Oliuier. Il fut à Constantinoble avec le roy Charlemaigne, au retour de Ierusalem, & là ie couchay avec ta mere laqueline, & lui promis foy & loyauté de mariage. Quand Galien entendit qu'il estoit son pere, maints pleurs & regrets furent alors faits. Le noble Oliuier ne se pouuoit plus soustenir, car il perdoit son sang de tous costez, Galien le descendit de dessus son cheual tant doucement qu'il peut, & le coucha à terre, & dit, O mort terrible, que te profite la mort de mon pere Oliuier, Helas que dira ma mere, quand elle sçaura la mort de mon pere? ô Charlemaigne fleur de cheualerie, tu auras le cœur marry quand tu verras vn si vaillant homme mort. Ce disant, regarda Oliuier si piteusement, que les larmes luy sortoient des yeux comme fontaines, & n'est cœur qui ne s'esmeut à plorer de voir chose si piteuse.

L'HISTOIRE DE

Comment le Comte Oliuier apres qu'il eut cognoissance de Galien, il appella son compaignon Roland, & luy conta comment Galien estoit son fils: puis rendit l'ame à nostre Seigneur Iesus-Christ.

Chapitre. XXXVI.

Vous pouuez croire qu'apres que le Comte Oliuier eut la cognoissance que Galien estoit son fils, maints pleurs & gemissement furent iettez. Et cōme oliuier estoit couché au giron de Galien, il appella Roland son compaignon, & luy dit, Mon compaignon & amy, tantost sera la fin & departemēt da nos amours: mais ie dois bien louer Iesus-Christ des bonne nouuelles qu'il luy a pleu m'enuoyer. Croiez fermement mon loial amy que c'est en tant que vous voyez qui me tient icy present est mon fils, & vostre neueu. le l'ay engēdre de la belle laqueline fille du Roy Hugon de constantinople, le lendemain que nous fīmes les gabs dedans la grand sale du roy Hugon: & pōurant ie le vous recōmande, car en peu de temps partira l'esprit de mon corps. Quand Roland entendit ainsi parler son cōpaignon Oliuier, le cœur luy soupira mout tendrement, & en plorant il baīsa Galien amiablement, Galien qui auoit les grosses larmes aux yeux cōmença a prendre vn anneau qu'il auoit au doigt, & le bailla a Roland, en disant en ceste maniere. Ie vous saluē de par bellande ma tante laquelle vous enuoye c'est anneau, & voici l'enseigne qu'elle m'a donné. Quand Roland entendit les nouuelles de sa mie, le cœur luy cuida sortir du ventre, & se pasma dessus son compaignon Oliuier puis luy dict en ceste maniere. O mon compaignon, grand descomfort nous est au iourd'hui aduenu. Helas nous auons eu nouuelles de nos amours: mais i'apperçoy bien que peu durera nostre ioi-, & tous trois se prindrent a plorer si tendrement qu'ilz eussent esmeu toute nature humaine et en plorant, Oliuier ietta vn soupir, disant Sire dieu tout puissant qui as voulu creer le ciel, la terre & mer, qui nous a mis en ce monde pour nous sauuer, non pas pour nous damner: qui as voulu naistre au ventre de la sacrē vierge marie, qui as voulu prendre mort & passion en la croix, qui as voulu descendre es entfers, pour nous racheter des peines infernales. Ie te supplie qu'il te plaīse d'auoir pitié & misericorde de moi, & qu'il te plaīse de mettre ma pauvre ame en ta saincte garde, quand elle partira de mon corps. Puis apres que le comte Oliuier eut acheuē son oraison il renuersa ses yeux enuers le ciel, & mit ses bras en croix, & rendit l'esprit a nostre seigneur. Roland qui la present estoit, voiant la mort de son compaignon, & commença a plorer & a gemir & faisoit maintes lamentations mout piteuses, disoit en ceste maniere. Las fortune tant tu es outrageuse & cruelle Las que t'auoit faict mon loial compaignon, qui estoit le champion des Chre-

GALIEN RESTAURE.

siens, & l'ennemy mortel des infidelles, qui estoit le chef de la beauté, la prouesse des preux. Las maudicte fortune pourquoy n'as tu eu pitié de luy. O mon souldas & maioye, ores es tu mort. Et que dira charlemaigne quand il sçaura ceste desfortune? ô maudicte paiens ie vous dois bien mander, ô mon compagnon, quand ie vous tenoye aupres de moy, i'estoye plus seur que si tous les Chrestiens y eussent esté. Galien tenoit son pere embrassé, & plouroit mout piteusement, disant ainsi, ô cruelle mort, pire que interdicte, pourquoy est tu si outrageuse, dit moy la cause pourquoy tu m'as si tost tollu mon pere qui est le noble des nobles, le confort des chrestiens & l'aufmonier des pauvres. Las que dira ma loyalle mere, quand elle sçaura vostre desfinement, certes elle transira de plaissance. Las mort que ne me prens tu comme luy et ainsi comme les cheualiers se lamentois sur Oliuier, l'Archeuesque Turpin vint arriuer qui auoit la moitié de la teste emportée, & dit a Roland. Mon doux amy Roland venez moy aider s'il vous plaist. Incontinent qu'ilz l'ouyrent, Roland & Galien allerent vers luy & le descendirent de dessus son cheual, & le desarmerent le plus doucement qu'ils peurent. Et quand on luy osta le heaume de la teste, incontinent le sang & la ceruelle cheurent par terre du coup qu'il auoit reçu. Ilz le coucherent aupres d'oliuier. Quand il fut couché, il dit Seigneurs prenez en patience ce mortel encombrier: car ie suis seur & certain que le sauueur qui est lassus, nous prepare nos sieges. Et luy cognoissant qu'il estoit près de la fin, fit requeste a nostre Seigneur, en disant, O pere eternal, qui estes la sus au haut troine diuin, ie vous supplie que ayez pitié des douze pairs de France, lesquels ont tousiours voulu exalter la sainte foy Catholique. Et en disant ces parolles, il vint vne legion d'AnGES qui emportoient en paradis les ames des Chrestiens qui estoient trespassez. Puis le bon Archeuesque print trois poils d'herbe & les mit en sa bouche. Quand Roland vit que le bon Archeuesque Turpin estoit allé de vie à trespas, il se mit à plorer & en son cœur fut si courroucé que merueilles, & fit plusieurs gemissement, & lamentations en ceste manieres, O fausse mort despitueuse & fiere, qui suis ceux qui de viure sont las & creux qui desirent viure tu les prens sans excepter vn seul. Que te profite la mort du bon Archeuesque: certes rien, C'estoit le diamant sacerdotal, le mirouer pastoral, & le soleil ecclesiastique, & l'augmenteur de la sainte foy catholique.

Comment Roland & Galien allerent mettre plusieurs Turcs à mort.

Chapitre. XXXVII.

Galien se tira à part vers vne roche, à laquelle il vit six payens qui les espioient, & il vint dire à Roland, Sire Roland regarde six payens qui

L'HISTOIRE DE




sont pres de ceste roche , ie vous prie que nous les allions mettre a mort. Et roland luy dit que tres volontiers. ils monterent a cheual & coururent sur les payens. Galien courut deuant si impetueusement que merueilles. Le premier qu'il rencontra il luidonna tel coup de foberge, qu'il le fendit iusques aux dents. Il poursuivit si bien le second qu'il luy osta la

teste ius des espaulles. roland frappoit de Durandal son espée par telle vertu, que tout ce qu'il ataignoit estoit mis a mort, des six payens, n'en eschappa qu'un qui se mit en fuitte, & Galien le poursuivoit si roidement qu'il sembloit la foudre, puis cria au payen si ie te tue en fuyant. Le payen ne se fust retourné pour tout l'or du monde. Quand Galien vit qu'il tuiroit tousiours, il frappa sur luy en telle façon que foberge son espée rompit en deux parties. Quand Galien veit que son espée estoit rompuë, il fut si desplaisant que merueilles, & dit **A** fortune, tu m'as esté aujourd'huy fort contraire. On dit en commun proverbe que iamaïs vne fortune ne vient seule, ainsi m'est il aduenü, Ainsi comme l'enfant se complaignoit, il regarda contre la terre, & vit vn espieu fort & pointu & tantost descend de dessus marcepin & le va empoigner, puis remonta vistemment a cheual, & courut apres le payen par telle roideur que tantost il l'acconçeut, & le frappa par derriere tel coup de l'espieu qu'il le tresperça d'outre, & le païen cheut mort par terre. Apres le coup faict, galien regarda derriere luy cuidant que roland le suiüst, mais point ne le vit, dont en son courage commença a blasmer roland, & dit ainsi, Sire, ce n'est pas la foy qu'avez promise a mon pere. Mais Galien auoit tort de le blasmer, car deßsous luy fut tué Galatin. Roland voiant que son bon cheual estoit mort, & aussi voyant que des-douze pairs de Franceny auoit plus que luy, print si grand desplaisance en son cœur qu'a peine se pouuoit il soustenir, roland print Durandal en sa main, & en la regardant luy sortoit grosse l'armes des yeux, & commença a plaindre son espée en ceste maniere. ô Durandal ma bonne esnée, helas or il tant auourd'huy que vous soiez separée d'avec moy. ô reparation de la sainte foy Catholique. ô ennemie mortelle des infidelles, ie prie au redempteur Iesus que nul ne te puisse tenir s'il n'a intention d'exaucer la foy chrestienne comme i ay faict, & de mettre payens a execution.

Comment Roland estant ainsi desconforté voulu rompre son espée contre vne roche, mais il fendit la roche, & comment Galien tua le payen.

Chapitre. XXXVIII.



A Pres que le noble Roland eut fait plusieurs regrets à son espée, il vit vne roche aupres de luy, & cuidant rompre son espée il la va frapper contre ladicte roche trois coups, mais du coup qu'il donna, il fendit la roche en deux parties. Quand Roland vit qu'il n'auoit dommagé son espée & qu'il ne la pouuoit casser : il eut grand desplaisir en son cœur & luy ayant doutance qu'elle ne

cheut entre les mains des maldits, il la ietta en la riuere, puis s'alla asseoir contre terre & fit plusieurs requestes à nostre seigneur. Galien poursuivit le payen tant qu'il fut mort. Puis il retourna au lieu où estoit Roland & trouua que son cheual estoit mort souz luy. Et quand Galien veit que Roland estoit ainsi mal fortuné, il eut grand pitié en son cœur, & dit : Las sire Roland, maladventure nous à aujourd'huy eouruë quant vous avez perdu le meilleur cheual qui fut sur terre, & aussi este rompuë & s'oberge mon espée, mais il nous faut prendre en patience. Et ainsi comme Galien parloit à Roland, incontinent le noble Duc va changer de couleur et quand Galien vit que Roland approchoit de sa fin, il luy pria qu'il luy donna durandal, & Roland luy dit, trop tard avez parlé, car maintenant ie l'ay ietée en ce ruisseau que vous voiez, & tantost Galien descend de dessus son cheual & entra dedans ce ruisseau, cuidant trouuer l'espée, mais point ne la trouua, car le ruisseau estoit tant trouble du sang des morts qui la estoient, que c'estoit pitié à voir, pource Galien sortit hors du ruisseau, & s'en retourna vers Roland, lequel estoit couché à terre. Roland voyant que pres estoit sa fin va faire vne priere à nostre seigneur, luy disant, Iesus-Christ filz de la vierge Marie, qui avez enduré la mort & passion en l'arbre de la croix pour nous racheter des peines infernales, ie vous supplie qu'aujourd'huy vous ayez pitié & compassion de ma pauvre ame, & qu'il vous plaise de la mettre quand departira de mon corps en vostre sainte garde & protection, & qu'il vous plaise de donner grace à mon oncle Charlemaigne & à Galien qu'ils puissent venger la

mort des nobles Barons de France. Helas mon Dieu, vous sçavez que point ie ne meurs par coups que i'aye receu, mais ie meurs de la pitié que ie voy de tant de chrestiens qui ont esté mis à mort ainsi faussement & desloyalement pourtant mon Dieu ie vous requiers d'auoir pitié de leurs pauvres ames. Et incontinent que le noble roland eut acheué son oraison, il fist le signe de la croix en ioignant les mains vers le ciel : & puis estendit ses bras en croix dessus son noble corps & renuerla ses yeux en haut, & rendit l'esprit a nostre seigneur. quand Galien vit que Roland estoit mort, il se print à plorer de la pitié qu'il auoit, puis il print le corps de Roland & le va mettre au milieu d'Oliuier & de l'archeuesque Turpin, lesquelz estoient estendus sur la terre contre vne roche. Et quand Galien veit qu'il estoit demeuré tout seul, & qu'il n'auoit point de baston pour se deffendre, il alla au costé de son pere Oliuier, & print son espée Hauteclere, & en la deceignant dir, ô Hauteclere bonne espée ennemie mortelle des payens, ie te prie qu'auant que ie meure tu m'aides a venger la mort de mon pere ton feu maistre, & qu'il te plaise de faire telle desconfiture de ces maudicts payens qu'il soit memoire de toy au temps aduenir. Puis la ceignit à son costé & print l'escu de son pere, & le mit deuant luy. Et quand il fut adoubé il regarda les morts, puis d'un costé, puis d'autre, il demeura toute la nuit a ronceuaux disant en son courage qu'il garderoit les chrestiens morts, à fin que les bestes sauvages ne les deuorassent, & quand il eut assez regardé, il aduisa les cheuaux des respassez qui trainoient les renes des brides, de laquelle chose il eut pitié en son cœur, & tantost les alla oster afin qu'ils peussent pasturer l'herbe pour leur nourriture.

Comment Galien tua un payen qui venoit chercher l'espée de Roland & comment il vainquit le Griffon. Chapitre. XXXIX.



En la nuit ô la minuit print son meil à Galien, à cause du travail de la pesanteur de la nuit, & se coucha aupres de son pere & la lendemain dormit. Et tantost qu'il fut endormy y vint vn payen au lieu ou estoit couche roland Oliuier, l'archeuesque Turpin, & Galien lequel querroit leur espées, & vint a roland & le tournoit & retournoit cuidant trouuer Durandal son espée, il n'auoit garde

garde de la trouuer, car il auoit iettée au ruisseau comme dit est deuât. Quand le païen vit qu'il ne la trouua point il cuida perdre le sens. D'adventure Galien s'esueilla & veit le païen qui estoit pres de luy, & va crier a haute voix. Que fais-tu la païen : & le païen entendit Galien & luy dit, Je cherche Durandal l'espée de roland, pour la porter au roy Martille : car il m'a promis de me donner la terre d'oger le Dannois si ie la luy porte, & la niece du roy Pinard. Et quand il entendit ainsi parler le païen, il commença a rire de la folie du païen & luy va dire, Durandal est perdue, mais tu luy porteras celle d'oliuier qui vaut son pesant d'or. Galien va vistemment mettre la main à Hauteclere & en donna tel coup au païen sur la teste iusques aux dents, & luy dit païen, par la foy que ie dois a nostre Seigneur, auourd'huy tu m'aideras à garder mes parens. Galien iura que toute la nuit il ne dormiroit du grand desplaisir qu'il auoit de ce que le païen queroit Durandal. Il regarda de costé & veit vn arbre qui estoit pres de luy, il s'en alla appuyer contre, & regarda d'vn costé & d'autre, & tantost vit venir vn grand griffon qui s'en vint contre Befangier, & luy déchira tout son harnois, cuidant emporter le corps du noble Baron à ses petits griffons, mais Galien voiant ainsi deschirer le harnois du noble Befangier fut bien mary en son cœur, & le commença a iniurier, & dit ô fauce beste deputaire pourquoy n'as-tu prins ta refection au corps des maudicts païens, non pas la venir prendre aux corps de ces nobles François qui sont chrestiens, & reprenoit le griffon comme s'il eust eu entendement humain : il luy donna tel coup, qu'il luy abbatit la teste : puis retira son coup, & luy couppa vne des jambes. Quand eut conquesté le griffon, il passa le temps iusques au iour à le regarder.

*Comment charlemaigne entra en Roncevaux cuidant venir au secours des
doux pairs : & comment il les trouua tous morts, dont
il fist maintes pleurs & lamentations.*

Chapitre. XL.

DEs lors que le roy Charlemaigne eut ouy les nouvelles de godelroy de Billon il fist mettre ses gens par ordonnance, ainsi comme il est de coutume en effects de guerre Charlemaigne entra en Roncevaux, cuidat trouuer son nepueu roland : mais quand il apperceut tant de morts de costé & d'autre à peine qu'il ne cheut palmé par terre, & tantost commença à crier a haute voix. Las qui me pourra dire nouvelles de mon nepeu roland & des autres Pairs de France : Or cognois ie bien maintenant qu'ils sont tous morts & desconfits. Et incontinent tous les nobles Barons, gentils-hômes & autres gens cogneurent leurs parens qui estoient morts, dont furent faicts les pleurs, pi-

teux regrets & lamentations, qu'il n'est langue humaine, qui le peut raconter. Ainsi que Charlemagne crioit à haute voix roland, Galien qui estoit en l'avant-garde entendit le bruit qui se faisoit, il commença à penser en soy mesme que c'estoient les payens qui venoient, & cherchoient les Pairs de France, & qu'ils vouloient emmener les corps en leurs pays. Et incontinent monta dessus Marcepin, & pendit à son coll'escu de son pere, le quel estoit pesant puis il print vn espieu gros & quaré, & incontinent se tira droict la ou il ouyt le bruit, & quand il vit les croix d'or flamboier, il congneut que c'estoyent François. Il tira troict à eux, & vint au milieu ou estoit Charlemagne qui reçeut la salutation de Galien, & luy estant affectionné de sçavoir des nouvelles de son nepveu Roland, luy, dit Chevalier ie vous prie que point ne me celez, si vous me sçauriez dire nouvelles de roland mon neveu, & d'Oliuer, & aussi des autres Pairs. A laquelle demande Galien va respondre, Sire Empereur, pour Dieu ayez patience, prenez en gré ceste mal aventure: car roland est mort & mon pere Oliuer, & tous les François, il n'est demouré que moy seul. Quand Charlemagne entendit que son nepveu roland & Oliuer & tous les pairs de France estoient morts: il commença à faire tels cris, regrets & lamentations pitoyables qu'il n'est Possible a corps humain de le pouvoir croire. Il desrompit son harnois, & se tiroit la barbe & les cheveux du grand despit qu'il avoit en son cœur. Nul ne le pouvoit appaiser. Et de la grand douleur & de detresse qu'il avoit en son cœur, il se pâma par plusieurs fois. Apres que le noble Charlemagne fut hors de pâmoison, il commença à appeller Galien: Chevalier, ie te supplie au nom du benoist Sauveur & redempteur Jesus-Christ que si tu sçais le lieu ou la place ou est le corps de mon nepveu roland & d'Oliuer & des autres Pairs, que tu me les monstres, afin que ie face sepulterer leurs nobles corps, ainsi comme bien a eux appartient. Galien luy dit que tres volontiers le feroit, que bien sçavoit la ou ils estoient. Incontinent il le mena ou estoit l'avantgarde aupres d'une roche & l'a estoient les nobles corps couchés les vns pres des autres. Or pensez quels pleurs & lamentations furent faicts & principalement de Charlemagne, quand il vit son nepveu estandu mort sur l'herbe, ayant ses nobles bras en croix. Pensez quell'e douleur son cœur enduroit veu & considéré qu'il voit son propre sang ainsi piteusement accoustré: & aussi qu'il cognoissoit que toute la fleur de noblesse de France estoit perdue. Luy estant en ceste douleur & tristesse, commença à crier à haute voix & dire piteusement ô fleur de cheualerie, le plus noble des nobles, le plus beau des plus preux & hardy de tous les vivans. Toy qui estoit augmentation de toute chrestienté. Toy qui estois ennemy mortel des infidelles, toy qui estoit hebergement des pauvres. Helas ores tu es mort ô trescruelle mort quel desplair t'avoit faict le noble corps, qui tant aimoit l'exaucement de

GALIEN RESTAURE.

la foy Chrestienne : certe il te procede d'un faux & desloial courage. Et en disant ces parolles ou semblables, alla embrasser Roland, en le baisant moult piteusement.

Comment apres que Charlemaigne eut fait maints pleurs & lamentations de Roland son neveu, s'approcha le traistre Ganelon & se vint laisser cheoir dessus le noble Roland, faisant fiction d'estre desplaisant de sa mort, afin qu'il trouuast facon d'eschapper. Chapitre. X L I.

E I tost que Galien eut monstré à Charlemaigne Roland & les autres pairs de France, le traistre Ganelon se laissa incontînét cheoir dessus le corps de Roland, faisant fiction d'estre courroucé de la mort mais il ne le faisoit sinon afin qu'on ne s'apperceut de la trahison. Il fist plusieurs en ceste maniere. O maudits mescreans que vous auoit fait mon loyal amy Roland, qui estoit le plus preux des preux. Helas si i'eusse sçeu ceste male fortune, ie me fusse fait mettre en mille pieces pour garantir vostre mort. Las i'ay perdu le meilleur amy que i'eusse en ce monde, & en disant desrompoit son harnois deuant tous mais il disoit en son cœur, Or pleust à Dieu que les payens t'eussent escorché tout vif, & puis apres pendu comme un larron, charlemaigne est bien fol de penser que ie face ce dueil à bon escient, Tous les Princes & Barons estoient tous esbahys des regrets que faisoit le traistre Ganelon. Galien voyant la desloyauté de luy commença à dire à haute voix. Sire Empereur qu'attendez vous tant que ne fâîtes mourir ce traistre, ne cognoissez vous pas que tout ce qu'il fait ce n'est que par fiction Croyez qu'il a vendu les douze Pairs au roy marsille, & en a reçu de grand somme de deniers. Le vous iure que si vous n'en fâîtes autre chose que moy mesmes vous osteray la teste de dessus les espaules. Quand charlemaigne entendit ainsi parler Galien, il fist prendre le traistre Ganelon, & ne le voulut pas faire mourir pour l'heure : mais il dit qu'il en feroit faire iustice selon le cas qu'il auoit desseruy. Il fut baillé en garde, mais nonobstant il trouua facon d'eschapper, car il auoit fait ferrer son cheual le deuant derriere, & eschappa de ceste mort, mais apres ce il fut mis en piteuse fin, comme plus a plain sera parlé. Grands pleurs & cris furent faicts tant de charlemaigne que des autres Barons, & principalement c'estoit chose trespitieuse de voir plourer Galien, regretta & plorant la mort de son pere Olivier. Charlemaigne luy dit. Tres-cher cheualier ie vous prie laissez vostre dueil, car vos pleurs ne les miennes ne nous recouurons nostre perte, mais s'il plaist à Dieu ie feray faire un monastere de saint Marcel, auquel ie fonderay cent moines. lesquels prieront tous les iours pour leurs ames, & les feray tous sepulchurer, ainsi qu'ils leurs appartient. Il fit prendre les corps des Barons, & les

L'HISTOIRE DE

fit embaufmer mout honorablement. Et fit faire leurs obseques, comme il est de coustume de faire en tel cas.

Incontinēt que charlemaigne eut faict sepulturner les corps des douze pairs il se mit en chemin pour retourner en france, & appella Galien, & luy dit cheualier, si vous voulez venir avec moy en Frâce, ie vous donneray tant de terres, que iamais vous n'aurez que faire de conquerre, & vous feray mon principal gouuerneur de tout mon royaume. A laquelle demande Galien respondit honnestement, en disant, Sire Empereur Dieu vous rendent le bien que vous me presentez. ie vous prie qu'il vous plaise me pardonner, car l'ay faict vœu à Dieu que iamais ne cesseray que ie n'aye vengé la mort de mon pere, & qu'a Belligant ie n'aye la teste trenchée, & le roy Marsille mis a piteuse fin. Et si c'est vostre plaisir faictes moy deliurer tant de gens que ie puisse passer par Espaignes. Et incontinent qu'il eut ces parolles prononcées, s'en vint Hernaud de Bellande, & girard de vienne, qui luy vont presenter chacun trois milles hommes, en luy disant. Beau neveu, nous faisons serment que iamais ne vous faudront tant que nous ayons les vies és corps galien les remercia grandement. Charlemaigne faisoit de grands pleurs & gémissement pour son neveu Roland : & pour les autres pairs. Galien le regardoit & luy va dire. Sire il me semble qu'homme sage quand il cognoist qu'il ne peut recouurer sa perte ne se doit ainsi desconforter, mais doit prendre courage, & remercier nostre seigneur de sa fortune, croyez sire, que nostre seigneur vous sçaura meilleur gré de venger la mort des ces nobles Barons. Et incontinent Charlemaigne fit preparer dix milles hommes, lesquelz il bailla à Galien, & luy bailla une grand somme de deniers, puis print congé de Galien.

Comment Galien print congé de Charlemaigne & alla en Espaigne trouué le roy Marsille accompagné de deux de ses oncles, Girard & Hernaud.

Chapitre. XLII.

Galien print congé de Charlemaigne, & le remercia grandement des tresors qu'ils luy auoit donnez : mais auant le departement Girard de Viennois avec ses deux fils, Beuues & Sauarry, & le hardy combatant Hernaud de Bellande, luy promirent leur foy & loyauté que tant qu'ils viuroient ne luy seroyent defaillans & menerent avec eux dix mille cheualiers bons combatans lesquelz luy promirent bonne fidelité Galien fit preparer son bagage tout honorablement, puis monta dessus Marcepin son bon cheual il pendit à son col l'escu de son pere Oliuier, puis a tirée son espée Hauteclere, & trois fois baissa la croix, requérant nostre seigneur qu'il luy pleust de luy donner grace de venger la mort de mon pere, de Roland & des autres pairs, puis

dir, Haute-clere bonne espée moy indigne de te porter, ie te prie qu'auant que tu sois separée de moy que tu exauces la sainte loy chrestienne comme tuas faict estant en la main de mon pere Oliuier. Puis la baissa derechef, & la mit en son fourreau. Girard & Hernaud, voyant le vouloir de Galien estoient tous esmerueillez de sa prudence & hardiesse. Et sans faire seiour le viennent embrasser, & baiser en plourant mout tendremēt, & en luy disant beau neveu nous auons esperance à l'aide de Iesus-Christ & de vous, que nous ferons telle desconfiture que nous vengeront la mort de nos parens. Incontinent on fit sonner trompettes & buçines, & se mirent en chemin vers Espagne, & qui eust veu l'enfant galien, iamais homme ne l'eust hay. Alors grands pleurs & cris de la court de charlemaigne furent faicts pour le departement de galien, les vns disoient qu'il estoit le plus bel enfant de tout le monde. Le noble & hardy galien & son bagage exploiterent tant qu'ils arriuerent en espaigne deuant Mont-fuseau vne mout forte ville, laquelle estoit fermée de murailles qui auoit trois toises despessour. Dedans ceste ville estoit la belle guinarde fille du roy Marfille, & niepce de Belligant, elle estoit accompagnée de plusieurs forts & merueilleux paiens lesquelz la gardoient iour & nuict. Apres que Galien eut passé outre les Espaignes, qu'il fut vers Mont-fuseau il haussa son heaume & monstra les forteresses à Girard de vienne & à Hernaud de Bellande, & leur dit. Seigneurs que vous semble de ceste ville, Certes dit Gerard, il semble que ce soit chose impossible à la prendre, or prenezs courage dit Galien, ie vous assure si vous me voulez croire qu'en peu d'heure nous la conquereront mais il faut premierement ordonner nos batailles en bonne ordonnance, car nous sommes peu de gens. Galien ordonna cinq batailles desquelles il fut le premier gouverneur avec trois milles hommes. De la seconde bataille fut gouverneur Girard de Vienne avec trois autres mille hommes. De la tierce fut gouverneur Hernaud de Bellande, & mena avec luy deux mille hommes De la quatre & quintes, furent gouverneur Beuues & Sauarry, avec chacun mille hommes, lesquels nous viendront costoyer. Apres que Galien eut ordonné ses bataille, & que chacun fut monté a cheual la lance au poing. Galien regarda vn petit bosquet & vit cinq mille Sarrazins que Belliquant enuoioit au roy Marfille pour aller au deuant de charlemaigne qui s'en retournoit. Le conducteur de ces Sarrazins estoit appelé Mauprin. Galien les monstra à Girard & à Hernaud & leur dit. Beaux oncles regardez que de gēs pres de cestuy bosquet ie veulx aller sçauoir quels gens ce sont. Incontinent il picqua Marcepin, & mist la lance en atrest, & cheuaucha tout droit à eux & les trouua qu'ils faisoient leurs repas. Incontinent Galien appella ses gens & leur dit. Seigneurs, qui aura appetit de manger maintenant, en peut auoir. Il nous faut faire la desconfiture de ces Sarrazins. Quand Galien eut donné courage

a ses gens, il se mit en bataille par telle façon qu'il faisoit telle desconfiture que c'estoit merueille Girard & Hernaud firent telles chaplaison qu'ilz abbaroièrent Sarrazins par terre, tellement qu'ils les mirent tous a mort, excepté Mauprin qui s'enfuoit parmy le bois, mais Galien le poursuivit si vistemment, qu'il l'apperçeut & luy dit, Payen, ce sera honte a toy si tu te laisses tuer en fuyant. Et quand Mauprin entendit ainsi parler Galien, & qu'il apperceust qu'il estoit tout seul, incontinent il se retourna vers Galien, & luy dit ainsi, Chrestien tu es bien hardy de me poursuivre tout seul: car ie te iure mon dieu Mahom, que ie te presenteray au roy Marfille. Et apres plusieurs paroles cistes, il commencerent à picquer leur cheuaux, & mirent leur lances en l'arrest, & se donnerent tels coups que les deux champions chancelerent longuement sur leurs cheuaux, & du coup que Mauprin frappa Galien, sa lance rompit, & la fit voler en l'air par pieces. mais Galien le frappa par telle façon qu'il le fist tresbucher de dessus son cheual. Puis il tira son espée Hauteclere & luy voulu couper la teste. Et quand le païen se vit ainsi mal mené, il s'elcria en telle maniere & dit gentil cheualier, ie te prie sauue moy la vie, & ie te promets de te monstrier choses dont tu pourras grandement profiter Galien dit ie le feray volentiers, car il pensa à soy mesmes que l'homme doit aller à pauureté qui refuse son profit a son escient, & cependant que les deux champions estoient en bataille Girard & Hernaud, Beuves & Sauary prindrent leur refection de la viande que les Sarrazins auoient prins pour eux.

Comment Galien print Mauprin qui s'enfuoit & comment Mauprin luy promist de luy monstrier choses dont il luy en viendroit grand profit.

Chapitre. XLIII.



PAyen si tu me dis le profit que ie doit auoir ie ne te ferai nul mal. Et Mauprin dit, Regarde, vela vn chasteau le plus fort du monde, il est garny de viure pour deux ans, Guinarde fille du Roy Marfille la plus belle de paiennie est dedans, ie vous en feray estre maistre gouverneur, & me feray bapti-

ser. Galien luy dit qu'il le feroit gouverneur de son ost. Mauprin luy promist la foy, puis Galien le mena parmy le bois au lieu ou estoient ses gens, lesquels

il trouua prenant leurs refection des viures des sarrazins qu'ils auoient occis
 Quand Sauary vit galien qui amenoit Mauprin il commença à crier a haute
 voix, Chrestien ou menez vous cestuy sarrazin, il semble mieux diable qu'hô
 me. Certes dit galien, il ma promis la foy qu'il me feroit entrer dedans ce cha-
 steau que vous voyez la dessus. Il y a des viures pour deux ans, & est ded'as la
 fille du roy Marsille niece de Belligant. Ma foy dit sauary, ce n'est que pour
 sauuer la vie, il est bien fol qui se fiera en luy. Sauary appella Mauprin, & luy
 dit ie te prie que tu ne me ceiles point ton nom, ne la contrée dont tu es. Cer-
 tes dit Mauprin ie suis ne de Turquie, il y a plus de dix ans, que ie croy en vo-
 stre dieu, & si ne suis pas baptisé, mais i'ay grand vouloir de l'estre. Et cepend-
 ant que sauary parloit à Mauprin, Galien tourna le visage deuers Mont fu-
 teau, & luy vint vne clarté sur la teste, qu'a peine pouuoit il voir la ville.


*Comment Mauprin monstra à Galien le chasteau de Mont fuseau, & luy deuifa
 de la beauté de la belle Guinarde fille du Roy Marsille.*

Chapitre. X L I I I.

A Pres que galien eut veu ceste clarté, il appella Mauprin, & luy demâda
 que c'estoit qui r'edoit si grand clarté en la ville. Certes dit mauprin c'est
 vne eicarboucle qui est posée dessus vn pillier d'or, & est assis ledit pillier au
 plus haut du chasteau, & vaut ladicte escarboucle plus qu'un royaume. Quand
 Galien l'entendit, il fut mout ioyeux, & dit à ses oncles, Seigneurs, ie vous
 prie que nous soyons allentis d'aller en ce chasteau, car si nous le pouuons
 prendre, grand honneur n'auront. Si nous le prenons ie ne donneroye pas
 pour tout l'or de paris, & aussi pour la fille du roy Marsille qu'on dit qui est si
 belle. Je vous iure ma foy que iamais n'en departiray que le chasteau ne soit
 conqueslé, à quoy luy accorderent toutes ses gens, & luy promirent que ia-
 mais ne luy faudroyent. Adonc dit Mauprin, Seigneurs, ne pensez pas que
 vous la preniez par force ne par cautelle, car si tout l'ost de charlemaigne e-
 stoit deuant, vous ne le prendrez pas en deux ans. Amy dit Galien, dy nous
 comment nous le pourrions prendre, certes dit Mauprin, il y a vn petit bois
 pres du chasteau, vous y lairez vos gens embuchez. et vous & moy avec qua-
 rante des autres iront secrettement à la porte du chasteau, & rappelleray le
 portier en grec: car ie l'ay autrefois appris, & diray que Belligant m'enuoye
 vers guinarde luy faire vn message. Et quand ie seray dedans la porte sonnez
 vostre cor, à fin que vos gens puissent entrer. Adonc Sauary commença à
 rougir, & dit, Maudit soit il qui se fiera en toy. Alors galien dit, Certes ie m'y
 fie bien, veu qu'il ma promis la foy, car ie croy fermement que iamais ne pa-
 iureroit ses dieux. Non ce dit Sauary non plus que si vn chien tenoit vne pie-

ce de mouton ne la daigneroit manger. Galien iura qu'il se fieroit en luy. Il se mit en chemin pour aller droit au chasteau, & ordonna ses gens ainsi qu'il scauoit bien faire, & les mist en embusche dedans ledict bois & fist comme Mauprin luy auoit dit. Amy dit Galien, or allons faire nostre entreprinse. Volôriers dit Mauprin, & s'en vint tout droit arriuer à la maistresse porte du chasteau, & tantost Mauprin appella le portier en grec, & luy dit qu'il estoit messager de Belligand & qu'il apportoit lettres secretes à la belle guinarde sa niece, & qu'il amenoit quarante des meilleurs cheualiers du monde que Belligand luy enuoyoit pour la garder des françois. Le portier qui estoit appelé Durgand, dit que tresuolontiers il entreroit : mais que les quarante cheualiers n'entreroit pas iusques il auroit porté les lettres à Guinarde, parquoy demoura Mauprin avec les françois.

Comment Galien entra dedans le chasteau de Mont-fuseau, & tous ses gens, & comment il trouua la belle Guinarde. Chapitre. XLV.




D Vrgand le portier annonça à Guinarde comment Belligand luy enuoyoit quarante des plus forts cheualiers qu'il eut pour la garder. Quand elle ouyt les nouuelles, commanda que les portes fussent incontinent ouuertes, & qu'on les fit entrer dedans. Le portier fit diligemmēt ce que guinarde auoit commandé & tantost les fist entrer. Galien entra tout le premier & puis incontinent les autres quarante, puis corna son cor, & tantost ceux qui estoient embuschez dedans le bois arriuerent à pointe de cheual & entrèrent dedans.

L'assaut fut incontinent crié parmy le chasteau, Galien faisoit la plus grand desconfiture des payens, que nul ne s'osoit trouuer deuant luy. Tout droit monta en la chambre de la belle guinarde, ou il trouua des payens qui iouoient aux eschers, lesquels estoient tous vestus de peaux de martres. Quand Galien les vit, il haussa Hautréclere, & le premier qu'il recontrā le tendit iusques aux espaulles. Puis a vn autre couppa le bras, & frapport les payens, Girard & Hernaud n'en faisoient pas moins, Beues & Sauarry estoient aux basses

G A L I E N R E S T A V R E.

cours po ur garder que nul n'eschapast. Plusieurs des payens se iettoient des fenestres en bas, cuidant sauuer leur vies. Les autres dedans les fossez estoient tous morts & meurtris deuant qu'ils fussent au fond. La belle guinarde voyât la desconfiture de ses gens, incontinent elle appella Mauprin & tâtoist luy dit Mauprin pourquoy m'auez vous ainsi trahie. et il respondit, Dame prenez pitié de moy, le vous iure qu'il y a deux iours que ie menoye de par vostre oncle Belligand cinq mille Turcs, lesquels il enuoioyt a vostre pere le roy Marfille, mais ainsi que fusmes embuschez dedans vn bois pour prendre nostre refection, ce ieune cheualier mit les cinq mille à mort. Et moy cuidant sauuer ma vie m'en'uis: mais par telle façon me poursuuiuit que force me fust de me rendre à luy, car il me vouloit couper la teste, adoncie luy promis que s'il me sauuoit la vie, que ie le feroye entrer dedans cestuy chasteau, & que ie l'enferoye maistre & gouuerneur, & que ie me feray bap tiser, & croiray en son Dieu. Parquoy madame l'ayme beaucoup mieux que tous les payens soyent morts que moy. Quand Guinarde entendit ainsi parler Mauprin, elle ne sceut plus que dire, sinon qu'elle dit en ceste maniere, Mauprin, or me dites donc sans faillir le nom du cheualier, ie vous le diray puis qu'il vous plaist de le scauoir, ie l'ay plusieurs fois ouy appeller galien l'vn des preux & vaillans cheualiers du monde. Incontinēt que Guinarde entendit nommē galien elle changea de couleur, & dit à Mauprin. Par la foy que ie doy a nos dieux c'est le cheualier que l'ay tant ouy louer. C'est celuy qui couppa la teste à Malatru, celuy qui ietta mon oncle le roy Pinard en la riuiere, lesquels on tenoit les plus fors de tout le monde: mais par la foy que ie doit a nos dieux, puis qu'il est si puissant, si beau & si honorable cheualter, ie luy veut donner mamour, & si te promets, mauprin, que ie me feray baptiser, & si tiendray la foy de Iesus. christ en laquelle il croit: car ie cognois maintenant que la nostre ne vaut rien. Emery qui estoit la present oyant les parolles de Guinarde dir, Certes dame bien malheureux seroit l'homme qui refuseroit si beau don, veu que telle Dame pleine de beaute & honnesté offre son amour si amiablement.

Comment la belle Guinarde estant à deux genoux salua Galien, & comment elle se voulut faire chrestienne. Chapitre. X L V I.

 Oyant guinarde que tout le bruiēt estoit appaisé, s'en vint mout honorablement saluer les Batons, en leur disant, Salut & honneur soit donné aux nobles cheualiers. Apres la salutation faicte, commença a dire, Seigneurs, il est vray que maintenant suis en vostre subiection, parquoy ie prie à tous que me veuillez garder de mal & d'encombre. Il est vray que vous auez vn ieune cheualier en vostre cōpagnie, lequel n'est pas, mais volontiers



le verroye. En disant ces parol-
les Galien arriva: qui descendit
de la maistresse tour il salua gui-
narde le plus honnestement
qu'il peut, luy disant, Dieu le
createur qu'il le monde forma,
saut & garda la belle guinarde,
elle se ietta a genoux devant
Galien, en luy disant. Cheua-
lier, bien soyez venu, nonob-
stant que point ne doit estre
joyeuse de vous voir: car long

temps à que m'avez cher cousté, quand avez mis à mort mon propre frere
Malatru, & mon oncle le roy Pinard, & plusieurs autres de mes parens & a-
mis mais de tout ce ie vous pardonne. Galien humblement la remercia. Puis
derechef dit Guinarde, Cheualier, croyez fermement que long temps à que
i'ay grand desir de croire en vostre Dieu, & de me faire baptiser, pourtant si
ainsi est que me vueillez promette foy & loyauté de mariage, ie vous donne-
ray m'amour & vous feray couronné roy d'un royaume. Le petit Emery oi-
ant l'amiableté de guinarde, dit: Certes ma Dame, s'il refusoit ce présent que
vous luy offrez, ie luy conseilleroye qu'il s'en allast rendre moynes en quel-
que couuent. Et cependant qu'ils deuisoient, vn Turc s'estoit embusché en
vn lieu secret, & alla annoncer aux payens ce qu'il leur estoit aduenü. Inco-
ntinent trois milles payens vindrent au secours: mais durgant le portier s'e-
stoit desia tourné a la foy de Iesus-Christ, & luy, voiant les payens venir, va
crier à hautes voix, Seigneurs françois, maintenant est venu l'heure qu'il le
faut deffendre. Galien oiant les nouvelles mit ses gês en ordre le mieux qu'il
peut. Il laissa Girard pour garder guinarde en la maistresse tour, & Beuues &
Sauarry pour garder les basses cours & ponts leuis. Lui Hernaud de Bellande
fortirent tous hors du chasteau, & se mit galien le premier en voye, puis bro-
cha Marcepin, & mist la lance en arrest, par grand fiereté & courage s'en alla
frapper au milieu des paiens, & vint rencontrer vn Turc appelé Truffier, l'un
des forts & merueilleux Turcs qu'on eust sceut trouuer en toute la turquie
& le frappa si roidement que le fer & le fust de la lance lui transperça parmy le,
corps, & cheut mort par terre. Et puis retira son coup, & en frappa vn autre si
fierement qu'il fit tomber homme & cheual par terre, & du coup rompit sa
lance. De rechef mit la main à Hauteclere, & en faisoit telle desconfiture qu'il
n'y auoit paien qui l'osast attendre, Hernaud de bellande le suiuoit de pres &
pensez que bien si emploioit. Que vous diray ie plus les deux cheualiers fi-

GALIEN RESTAURE.

rent telle desconfiture de ces maudits paiens, que de trois milles n'en eschappa pas vn. Apres ceste desconfiture galien fit sonner la retraite, & retournerent au ehasteau auquel furent receus mout honorablement, & speciallemēt galien de la belle guiarde. Viandes furent preparées, tables furent mises, bons vins de toutes sortes, les cheuaux furent mis es estables & bien pensezt Apres les refectionz faictes bonnes couches furent preparées & se reposerent les nobles Barons à leurs bonnes volonte & plaisirs. Galien eut la belle guiarde couchée aupres de luy, dont il en pouuoit faire à son plaisir.

Nous vous laisserons à parler de galien, qui est dedans Monfuseau, & retournerons à parler de Charlemaigne qui estoit en Ronceuaux, lequel faisoit maints pleurs & lamentations pitoyables des douzes pairs de france.

Comment le Roy Marsille mena trente mille payens en Ronceuaux, cuidant desconfire le roy Charlemaigne & comment ils iousterent l'un contrel'autre.

Chapitre.

X L V I I.



A Pres que galien eut print conge de charlemaigne, le Roy Marsille ouit les nouvelles que ledit charlemaigne estoit venu au secours des douze pairs il fit sonner les cors & buscines pour aller en Ronceuaux, & mena avec luy trente mille combatant des meilleurs qu'il peut trouuer en tout son pais, cuidant faire la desconfiture des François. Il mit ses batailles en ordre puis semit en chemin, & tant exploita qu'il arriua en Ronceuaux. Luy cognoissant que charlemaigne y estoit, commença à crier à haute voix, Ou es tu charlemaigne, viellart rasiotté, laisse tes pleurs & lamentations, & vient iouster contre moy, que maudicte soit l'heure que jamais ie ne rencontray le traistre Ganelon, lequel m'a faict couster tant d'argēt pour la trahison qu'il a faicte, car i'en ay la plus grand perte deuers moy: mais pourtant laisse les morts & viens parler au vifs: car i'ay volenté de te mettre afin. Estant le roy Charlemaigne en l'avant garde des douze pairs. Las ne u eu roland, n'entens tu pas ce faux & desloyal traistre qui me menace ainsi. Si transporté estoit charlemaigne qu'il luy estoit aduis que Roland le deuoit venir secourir, mais il estoit bien loing de ce qu'il pensoit. Derechef Marsille

L'HISTOIRE DE

l'appella, disant, Viellard plein de folies, pense tu que les morts te puissent aider: viens tost montrer ta puissance. Apres ces parolles dictes, Charlemagne entra dedans son paillon & se fit armer. Puis vestir vn auber, l'un des plus acéré du monde; & mit son heaume viennois, & commença à froncer sa face si merueilleusement du desplaisir qu'il auoit, qu'il ny auoit homme deuant luy qu'il n'eust peur de le regarder: puis il pendit a son col vn esceu mout pesant: & ceignir son espée Ioyeuse, & print en sa main vn espieu carré puis monta dessus le plus bon cheual qui fust en toute son armée, & picqua si roidement des esperons que le cheual fist vn saut en l'air pres de trente pieds de long, dequoy les Barons furent tous esbahis. Ils'en alla tout droict ou estoit Marsille & luy dōna tel coup sur son haubert que son espieu se rompit en plusieurs pieces. Quand charlemagne vit que son espieu estoit rompu, & qu'il ne l'auoit nullemēt dommager il fut bien courroucé en son cœur. Il mit la main à Ioyeuse son espée & la haussa par telle fierté & frappa marsille dessus le heaume, & luy donna tel coup que les pierres & les fleurs fit voller par terre, & le coup descendit dessus son escu, & le mit en deux pieces, & luy couppa la main senestre du coup, mais elle estoit de fin acier, car Roland luy auoit coupée. Quand Charlemagne vit que nullemēt ne le pouuoit greuer, il haussa Ioyeuse son espée, & luy en donna tel coup, qu'il luy couppa vne partie de l'espaule senestre, Quand le Roy Marsille se sentit nauré, du grand desplaisir qu'il eut se laissa cheoir de dessus son cheual, & se passa, comme s'il fust mort. en cheant il fit vn cry si terrible & espouuentable, qu'il fut ouy d'une lieue loing & incontinent dix mille payens y arriuerent pour le secourir, & quand ils furent arriuez, il y eut si fiere bataille, qu'ils tuerent le cheual de Charlemagne dessoubz luy, mais charlemagne se deffendoit si merueilleusement, & si courageusement, qu'il n'y auoit si fort, ne si puissant payen, qui s'osast approcher de luy, mais nonobstant sa grande & merueilleuse deffence, il ne fust iamais reschappé, si ce n'eust esté qu'il cria à haute voix, mont ioye saint Denis. Il fut si espouuenté qu'il ne scauoit de quel costé se tourner, c'estoit chose mout merueilleuse, lequel cry entendit Naymes de Bauiere, & Oger le dannois, lequel le vindrent secourir & firent tant les deux barons que Charlemagne fut remôté sur vn autre cheual. Et luy remonté faisoit telle delcōfiture des paiens que nul ne s'osoit trouuer deuant lui. De cestui premier assaut moururēt bien mille paiens. Quand le Roi Marsille se vit ainsi mené, il corna son cor & tantost arriuerent vers lui ving mille cheualier paiens, ausquels marsille dit, Seigneurs paiens, vous voiez comment ce faux Viellard nous va dommageant, à nous fera honte si ne le mettons a piteuse fin, car nous sommes deux fois plus qu'ils ne sont, Cela dit Marsille va ferir sur vn françois de sa main dextre sur le heaume, tāt qu'il le fendit iusques aux espaules, & cheut mort par terre. Voilà

GALIEN RESTAVRE.

Charlemaigne le coup qu'auoit faict marsille, fut mout courroucé, il se tira droit vers vn paien, lequel tenoit vn espieu, & vistement des mains lui arracha, & vint à marsille, & se donnerent de merueilleux coups, mais nullement se dommagerent. L'espieu de charles se rompit en deux pieces, dont il fut fort courroucé, vistement haussa loieuse, & tel coup donna à Marsille, qu'il lui abbatit l'oreille senestre, & vne partie de la iouë. Duquel coup cheut marsille par terre. Et charle lui cuida coupper la teste, mais vistement fut secouru & remonté. Incontinent marsille fit sonner la retraite, & se mit en fuite.

Comme Belligant alla en Roncevaux accompagné de plusieurs Rois Turcs, cuidant desconfire Charlemaigne. Chapitre. X L I X.



Belligant estant assésuré du malheur de son frere, le roi marsille, il dit qu'il m'ettrait Charlemaigne à piteuse fin. Adonc il appella dix des plus riches & des plus grâds terriens, & leur dit. Seigneurs, j'ai ici mon tresor, dont j'ai grand peur de le perdre parquoi ie vous prie que le meniez à mont-fuseau, ce fort chasteau que vous

voiez ici deuant, car j'ai grandes richesses : & si d'aduenture ie les perdroie, mal en gré le prendroye. Vous direz à ma niece guinarde qu'elle me le face bouter dedans la plus forte tour qui y soit, tant que soye retourné vers elle, apres que charlemaigne auray mis à piteuse fin. Outre plus dictes à ma niece que quand ie seray retourné, ie luy donneray vn mary riche & puissant, & qu'elle garde bien le tresor que ie luy enuoye. Vous menerez avec vous dix mille hommes pour vous deffendre, si besoin en auez. Sire, dirent les payens volontiers le ferons, & vistement se mirent en chemin, portant le tresor de Belligant. Tant ont cheminé, qu'ilz ont passé le bois de brusselle. Et quand ils furent saillis duduit bois ils s'armerent, tellemēt que le soleil frapoit sur leurs armes, & flamboyoiēt iusques au chasteau, & tenoit calien Guinarde en son


L'HISTOIRE DE

giron, & la baisoit, & enoit ses tetins & deuisoit de choses amoureuses, par maniere de passetemps, & guinarde entretenoit Galien, le plus doucement qu'elle pouuoit, comme elle sçauoit bien faire : mais d'aduenture Galien vit flamboyer les armeures de ces maudicts payens, iacontinent il se leua & regarda parmy les champs, ou il vit les payens, iacontinent il se leua & regarda parmy les champs, ou il vit les payens, puis il dit, Guinarde m'amie, sçachez qu'en peu de temps nous aurons des nouuelles. Tant se hasterent les payens qu'ilz arriuerent deuant la maistresse porte & vistemment ont appellé Durgand le portier. Le roy Mathan parla le premier, & dit Durgand, ouure vistemment les portes : tant que soions entrez, car Belligant nous a icy enuoyez, il a en sa compagnie cent mille combatant & iamais ne finera tant qu'il aura mis Charlemaigne à piteuse fin. Il mādē à sa niece Guinarde salut & amitié, & dit qu'auant qu'il soit vn an il la mariera à sa volonté, nous amenons avec nous la pl^r grand partie de son tresor, a celle fin qu'elle luy garde. Durgand luy dit, Vous parlez follement, car ceans point n'entrez si ma dame guinarde ne le commande, Mathan luy dit. Va vistemment annoncer les nouuelles & luy dit que le roy Mathan & dix mille payens qui sont à la porte, & luy dit bien ce que ie t'ay dit. Durgand dit volontiers, puis que vous amenez le tresor de Belligand, vous serez bien receuz & festoyez. Je vois parler a ma'dame, attendez vn peu que ie soye retourné. Puis il dit tout bas que nul ne l'entendit. Dieu confonde Galien Restauré, quand il auront le premier pont passé, s'il ne les met tous a mort. Il alla tout droict au palais, ou il trouua galien qui tenoit guinarde entre ses bras, comme font bons & loyaux amoureux. Durgand les salua, puis leur dit les nouuelles, comment les payens sont venus à la porte, & leurs raconta ce que Mathan luy auoit dit. Quand galien l'entendit il tressua de courroux, puis ceignit son espée Haute-clere, et quand guinarde vit que galien se partit le sang luy mua du grand courroux qu'elle print en son cœur & se leua disant. Qui diable a amenez ces gens à ceste heure. Je promets à re-sus-Christ que si ie puis ils'en retourneront. Lors elle dict a son amy galien, ie vois parler au Roy Mathan, & feray tant que ie le feray entrer ceans, puis vo^s l'occirez sans auoir mercy de luy. C'est tresbien dit, ma Dame, dit Galien mais que Nonne soit sonnée il ny aura païen qui ne voulist bien estre en son pais. Quand guinarde sçeut la contenance des payens elle descendit du palais & fit ouurir le guichet de la premiere porte, & regarda les payens. Quand mathan vit guinarde, il la salua humblement, disant, dame vostre oncle Belligand par moy vous saluē, lequel nous a commandé que nous venissions ceans. Sçachez pour vray qu'il vous mariera au riche roy Margot lequel tient Val-fondée. Quand guinarde entendit ainsi parler Mathan, elle luy dit, la Dieu ne plaie que Margot soit mon mary. Certes, dit Mathan, dame ie m'esbabis

GALIEN RESTAURE

car ie ne cognois point le dieu que vous auez nommé. Et guinarde luy dit pensez vous que ie soie chrestienne, vous pouuez bien penser que ie n'ay dieu que Mahom. ie ne suis pas delibere de le renoncer, & ne veut pas estre chrestienne, mais veut tousiours seruir les dieux que mon pere Marfille & mon oncle Belligant seruent. Adonc par maniere de cōuerture elle appella le roy Mathan: & luy dit, Sire roy, ie ne vous veut pas celler mon cas, mais ie le vo^d diray. Il doit bien aimer mon oncle Belligant, aussi suis ie a luy totalement: mais ie crains fort vn cheualier François nommé Galien restauré, lequel est en l'ost des François: certes i ay grand peur qu'il ne me vienne prendre car ou dit qu'il n'y a point de plus vaillant cheualiers iusques à la mer rouge. Il fut fils du Comte Oliuier, lequel a mis a mort maits Turcs, il vint l'autre iour deuât ceste porte il m'espouleroit volontiers si ie voulois croire en son Dieu, mais l'aymeroye mieux mourir, parquoy ie ne sçay en qui me fier. Si vous voulez entrer ceans & passer le premier pont, il vous faudroit tous desarmer, car autrement vous n'y entrerez point. ils estoient dix roix, mais incontinent qu'ils ouyrent ainsi parler Guinarde ils posèrent leurs armes Galien les regardoit par vne petite fenestre secrette, & quand il les vid desarmez, il se print à rire & dit, Certes guinarde les a enchantez. Celuy est bien fol qui en femme se fie.

*Comment les Payens entrèrent au chasteau de Mont-fuseau, & comment
les François les tuerent. Chapitre L.*



A Pres que Guinarde leur eut oſtroié d'entrer ſans armes, ils ſe deſarmerent tous, puis durgand leur ouuriſt la porte, il abaiſſa le pont & paſſerent tant qu'ils forēt entre deux ponts. quand Galien veit les rois Payens deſarmez & enfermez entre deux portes il deſcendit du palais, & tira ſa bonne eſpée & frappa Mathan ſur la teſte tellement qu'il le fendit iuſques aux dents puis cheut mort. Les autres François faiſoiēt leur deuoir c'eſt à ſçauoir

Emery, Sauary & Hernaud, & autres s'employèrent tellement qu'ils occirēt tous les payens. Quand Galien veit la descōfiture, il dit Seigneurs, les paiens sont maintenant sans roy, saillons hors du chasteau, & les allons tous tuer sans en prendre vn seul amercy, car ilz ne valent rien sans seigneur. Ils furent tous contens, puis allerent prendre leur armes. Ils leuerent vne enseigne semblable à celle d'oliuier, car galien les vouloit auoir. Quand les portes furent ouuertes, ils saillirent hors du chasteau : dont les payens furent mout esbahis quand ils ne virent point leurs seigneur retourner. Galien brocha marcepia & mit la lance en arrest, & frappa si fierement sur les paiens que nul ne l'osoit regarder. Il rencontra vn paien, lequel entre les autres auoit vn escu mout fort, mais il frappa si roidement qu'il le mist en pieces, & l'abbatit mort par terre il en frappa vn autre mout fierement. Les autres François se mellerent siauant en la bataille qu'ils rompirent tous les boucliers des paiens, & en mirent plusieurs à mort. Galien le plus courageux de tous, tant qu'hōme ne demouroit deuant luy qu'il ne renuerlast par terre. Parquoy les paiens disoient qu'il estoit mieux diable qu'homme car nul n'eschappoit de ses mains. Quand les payens virent que leurs Rois ne les venoient point secourir, la force leur faillit, car depuis que le seigneur est mort, les champions n'ont plus de courage. Les payens se mirent en fuite. Girard Sauary Hernaud & les autres les chasserent si atprement qu'ils ne sçauoient qu'elle part tirer : mais Galien sur tout les escarmouchoit en telle façon qu'il n'en eschappoit nul deuant luy que tantost ne le mist à mort. Et comme il les suiuiot il les trouua au pendant d'vn pré puis il leur dit, Attendez moy gloutons, car vous n'eschapperez pas d'icy. Je vous monstrey la puissance que dieu m'a donné. Les payens fuioient toutiours, & Galien apres, tellement qu'il les print au pendant rocher. Le principal de la compagnie vint le premier contre Galien le cuidant tuer : mais galien luy donna si grand coup de son espée Hauteclere qu'il luy fendit la teste iusques aux dents, puis cheut mort de dessus son cheual. Les François se porterent si vaillamment, que de dix milles il n'en eschappa qu'vn seulement. Cestuy estoit vn meschant garçon qui se mit en vn sentier & se print à courir deuers Belligand, & incontinent qu'il le vit il se print à crier a haute voix.

Las noble Roy Belligand, il vous est aduenu vn grand & merueilleux inconuenient, croiez certainement que tous les payens que vous auez enuoyé à Mont-fuscau sont tous morts & mis par pieces, excepté moi, & si ay esté terriblement nauré. Croiez que dedans le Chasteau sont logez iene sçai quelles gens entre lesquels y à vn ieune homme, iamais ie ne vis le pareil, car il ne frappe paien qu'il ne mette à mort incontinent. Les autres n'en font gueres moins : il semble estre mieux diables qu'hommes. Quand belligand entendit les nouuelles, il cuida perdre le sens & se mit a crier a hautes voix a ses gens.


Armez

GALIEN RESTAVRE.

Armez vous vistement ie vous prie, car vn grand mal m'est aduenu. ie prie a Mahom qu'il nous vueille a tous aider. Belligant fit soudainement armer cinquante mille paiens, & puis il se mirent en chemin, & allerent vers mon-fuscau. Girard qui faisoit le guet les vit venir, & dit à Galien, mon neveu regardez icy, voicy venir l'ost des payens, ils sont tresbien ordonnez selon gens de guerre, ie vous prie mon cher neveu retournôs au chasteau: car nous ne pouuons pas resister contre si grande armez. Galien dict: vous dictes verité, on doit croire bon conseil, car j'ay ouy dire souuent qu'on doit tenir pour fol celui qui ne se veut conseiller par autrui. Adonc Emery dit à galien, Cousin c'est tres-mal entendu quand au besoin voulez laisser la guerre, certes il ne me semble pas que vous soyez filz d'Oliuier, lequel iamais ne fust las de ferrir sur paiens, ie vous promets la foy que ie ne cuide pas que vous soyez, si vous auez le courage de retourner au chasteau, Pour dieu vueillez moy pardonner car ie ne disoye sinon pour vous essayer. Beau neveu dit Girard, ie vous prie allons au chasteau, car certes c'est le plus seur. Oncle dit Galien n'en parlez car par le dieu de paradis pour chose qu'on me die ie n'y retourneray, car nous les battons mieux icy en plein champ qu'au chasteau, aussi afin qu'il ne soit pas reproché que ie soye fuy deuant les payens. Cousin dit Emery, ne vous courroucez pas de ce que vous dis. Car ie sçay bien que nul ne doit blasmer vostre puissance, galien dit, le vous promets qu'auant qu'il soit nuict ie ne me mocqueray pas. Cousin dit Emery, ie ne l'ay pas dit pour reproche, ie voy l'ost des paiens qui est pres de nous: mais ie conseille que nous allions au chasteau. Adonc galien luy dit, Le mot qu'auetz dit m'est au cœur desplaisant, iamais ne retournera en vostre bouche.

Comment Galien s'en alla frapper entre les Turcs, & comment luy & Belligand se rencontrerent en bataille & se donnerent de merueilleux coups.

Chapitre. L I.

Alien courroucé en son courage print vne lance & s'en alla sur la riuere de Pinelle, & quand il cogneut belligant entre les paiens, il mit la lance en arrest, & brocha marcepin, & vint contre belligand, & du coup qu'ils se baillerent ils cheurent par terre: mais Galien se releua soudain sans que nul luy aidast. Belligand fut bien marry quand il se vit par terre & que son escu estoit rompu, adonc galien luy dit, Paien. par la Vierge marie iamais ne trouuay homme que toy, qui me mist hors de ma selle, mais ie te promets qu'auant que tu m'elchappes, ie te mōstray ce que iamais hommes ne te monstra. belligand tira son espée, & frappa galien si fierement qu'il abbatit par terre les fleurs & les pierres precieules de son heaume le cercle ne valut pas vn



denier, mais la coiffe du haubert fut forte qu'il le garda de mal auoir. De ce coup fut Galien engreué, tellement que le sang luy sortoit par la bouche, dont fut belliand ioyeux, & cria à Galien, Vassal vous auez senty vn coup, mais par mes dieux auant que n'eschappies vous n'aurez amy qui vous fist estre en vostre lieu. Quand galien l'entendit, tout le sang luy

changea, & se print à dire tout bas, Celuy qui ne se veut venger n'est pas digne de viure. il s'approcha de belligand & luy donna tel coup qu'il trencha le maistre cercle de son heaume, & la coiffe qui estoit de fin acier. il estoit mis a fin si n'eust esté le coup qui coula, du coup cheut belligand à genoux. Quand il se sentit ainsi mal mené, il fut mout esbahy, galien le print par la gorge & luy voulut trancher la teste, mais dix mille payens vindrent a son secours, & enuironnerent galien de tous costez. Quand Galien se vit enuironné de payens, il appella emery & luy dit, Cousin si vous eussiez esté aussi auant que ie suis mais belligand ne fust eschappé que ie ne luy eust trenché la teste. Quand belligand vit ainsi les paiens il appella Maradan & Sortibrant de Thir, le Roy Malatru, & le Roy Malaisir & leur dit, Seigneurs faictes sonner cors bucines laquelle choses fut faicte. Paiens assailloient galien de tous costez, mais si vaillamment se deffendoit que nul ne l'osoit attendre. Beues & Sauary s'approcherent de galien, & faisoient telle desconfiture de paiens que nul n'osoient arrester deuant eux. Quand Belligand vit ce il cuida enrager, Galien estoit à pied qui estoit si rempli de courage, que tout tant qu'il ataignoit estoit mis à mort, il vit deux payens lesquels tenoient marcepin & se combattoient a qu'il seroit dont il eut le cœur si triste qu'il cuida perdre le sens, & commença a dire. Helas vrai dieu, si ie pouuoie approcher de ces maudicts paiens, certainement auant que de moy puissent eschapper, ie leur monsteroie, comment on doit ainsi tel cheual retenir. Grande fut la bataille, tellement que Galien ne scauoit de quel costé frapper qu'il ne trouuaist paiens. Secours lui vint soudainement car beues Sauary, Hernaud, Emery & dix mille François monterent à cheual & se mirent en chemin pour venir a la bataille, mais Hernaud vit les larrons qui tenoient marcepin lesquels faisoien, grâds cris pour l'auoir il alla vers eux & leur dit iamais pour departir cheuaux ne vous combatrez. Puis vint sur eux frapper si fierement que tout tant qu'il ataignoit estoit mis

à mort, & fit tant par la prouesse qu'il recouura marcepin & vint iusques à galien & le luy bailla. Quand galien le tint, hastiuement monta dessus, & se bou-
ta au milieu de la bataille, & se print à frapper sur paiens si tres-aprement qua
grand peine le pouuoit on voir, puis se print à dire, Vray dieu souverain roy
des Cieux, vn homme monté a cheual vaut mieux que ne sont dix a pied.
Hernaud mon cousin m'a fait vn grand plaisir quand il m'a ramené Marcep-
pin mon bon cheual. On dit communement qu'au besoing on cognoist l'a-
my, dont le prouerbe est vray, puis se print a frapper comme vn homme en-
ragé, beuues & sauarry le suiuiot tousiours costé a costé, mais ils estoient
courroucez de ce que tant se mettoit a l'auanture : mais Galien n'en faisoit si-
non a sa volonté. Nonobstant il se retira vn peu hors de la presse & empoig-
na vn espieu qu'il trouua sur le pré, & de rechef se remit en bataille, & fit tant
qu'il rencontra Belligand lequel auoit vn espieu, & tels coups se sont donnez
à la rencontre l'vn de l'autre, qu'ils ont rompus leurs escus desloubz les bou-
cles d'or. Leurs haubers estoient fors parquoy ne se peurent dommager, mais
les espieux vollerent par pieces, & passerent les deux champions l'vn contre
l'autre, mais au retour galien haussa Hauteclere & en donna tel coup sur le
heaume de belligand, que si la coiffe n'eust esté forte, il l'eust fendu iusques aux
dents nonobstant si fut-il nauré sur l'espaule senestre. Quand belligand vit
qu'il estoit ainsi mal mené il cuida enrager & tira son espée, par grand telonnie
vint sur Galien, & luy bailla si grand coup sur le heaume qu'il couppa le cer-
cle, & vint le coup iusque a la coiffe : mais Iesus-Christ nostre Redempteur
le garda de mal, car il ne fut point nauré. Incontinent s'armerent plus de mil-
les Payens, & d'autre part, grand quantité de Chrestiens, adonc recommen-
ça la bataille plus forte que deuant.

Galien retourna contre belligand & se prindrent a donner de grands coups :
François & paiens estoient si animez les vns contre les autres, que c'estoit pi-
tié de les regarder, beuues & Sauarry frapportoient sur payens à grand courage
& tant firent que les paiens reculerent, puis leur vint secours tellement qu'ils
poursuiuiot nos gens si fierement que Girard de vienne fut grandement
dommagé, & aussi les François : car apres furent prins, beuues, Sauary Her-
naud Gaurier & plusieurs autres barons iusques au nombre de quatre vints
& les lierent estroitement, puis les alloient battans de gros bastons si outra-
geusement que c'estoit chose pitieuse à regarder. Quand les nobles barons
se sentirent ainsi n'atez ilz commencerent à crier à haute voix. Galien le
vaillant, venez nous donner secours ou autrement iamais ne nous vertez.

*Comment Girard, Beuues, Hernaud, Sauary Emery, & Gaultier Jurent
prins des Payens. Chapitre. L I I.*



Vand Galien les ouit, il cuida perdre le sens, il picqua son cheual marcepin cuidant rauoir les prisonniers, mais tout ne valut rien, car il vint sur luy tant de payens que ce fut merueilles, Guinarde estoit en la plus haute tour du chasteau qui veit venir la force des Payens tellement qu'elle se print à plourer, & dit, Helas gentil cheualier, retournez au chasteau car si vous perdez Mont-fuseau, ie suis femme perdue. Galien l'entendit, qui fut si marry que les larmes luy cheoient des yeux, car il sçauoit bien qu'elle le conseilloit bien, il se print à dire, O glorieux Dieu de Paradis iamais ne me trouuay en si grand danger, ne pour crainte de mort ne partis de tel affaut, mais encores vaut il mieux que ie retourne que moy & mes cheualiers meurent, car ie voy bien que ma force ny peut remedier Incontinent il s'en retourna au chasteau, & quand Durgand le portier le vit venir il ouurist la porte du chasteau. Quand ils furent dedans, Guinarde vint au deuant, & osta le heaume & l'espée de Galien son amy. Elle luy tendit les bras pour le baiser, mais galien luy dit, Dame ie n'ay pas necessité d'estre maintenant festoyé l'ay aujourd'huy perdu vne des choses que plus aimoie au monde, c'estoit la fleur de France & les meilleurs cheualiers qui soyent sur terre. Helas bien dois auoir le cœur marry. Adonc la belle Guinarde se print à dire. Trescher & parfait amy galien, ne vous desconfortez point, car apres grand dueil vient souuent grand ioie. Et pareillement apres grand perte on voit venir gain Galien & ses gens monterent au chasteau, lesquels se sont mis à manger, mais galien iura qu'il ne beuroit ne mangeroit iusques les prisonniers fussent deliurez, & deust il mourir de faim, car il estoit cause de leur prinse, en tant qu'ils estoient avec luy pour lui faire secours. Quand les Barons l'entendirent ainsi parler ils furent mout esbahis & dirent les vns aux autres. C'est homme cy nous fera mourir, nostre cas se porte mal, si Dieu ne nous aide.

*Comment Belligant enuoya deux cens paiens pour aller pendre les François
& comment Galien les garda de mourir.
Chapitre. L I I I.*

QU' I tost que Galien sçeut quel'on deuoit faire mourir les François, il fist armer les gens, & puis se mirent, & tant exploierent qu'ils arriuerent à Pinelle, puis passerent outre, & entrerent a bruffeille, le plus secrettement qu'ils peurent, & se sont embuschez iusques au matin. Quand l'aube du iour



fut venuë, Belligand appella le roi Matrible & le roi Malepart, & leur dist, Seigneurs, il vous faut aller au bois de brusseille avec deux cës païes & mener les François pendre & estrangler. Les deux Rois respondirent à Belligant que volontiers le feroient. Incontinent les françois furent deschainez, & les menerent au bois de brusseille tousiours

battant de gros bastons. Le roi matrible se mit le premier en chemin, & tous les autres apres luy deliberer de les faire mourir. Quand galien, qui estoit embusché audit bois les vit, eut mout grand ioye en son cœur, & dit tout bas par le dieu de paradis ie ne suis point fils d'Oliuier, si auant qu'il soit nuict ne mets a mort tous cës payens, les payens entrerent au bois, battant les françois de gros bastons, mais quand galien vit qu'on les battoit ainsi rigoureusement, il fut mout courroucé, puis print sa course, & alla vers le roy Matrible, si fierement qu'il ne peut fuir, & Galien luy donna tel coup, qu'il l'abbatit mort par terre. Les autres françois se mirent en bataille, qu'ils deslierēt tous les prisonniers. Adonc Girard se print à dire, Mon Dieu ie te rens grace, car tu nous as tousiours secourus a nos necessitez & affaires. Quand Girard, Emery, & les autres prisonniers se sentirent desliez, se mirent en bataille comme Lyons ruyssans. Hernaud picqua son cheual si asprement que merueille, & alla frapper vn sarrazin nommé Truffier qui l'auoit tant battu en l'amenant au bois & luy fendit la teste iusques au menton, & cheut mort par terre, Girard vint à vn Païez nommé Valdebron, & l'abbatit par terre, Beuves abbatit Cornicas, Sanazy mit par terre Corbon, & Mauprin tua Butor & Rubion, Quand le roy Malepart vit la desconfiture, il sonna vn cor de letton, mais au dict cor se ralierent sept vingt payens, qui vindrent au tour de luy Il brocha son cheual & vint ferir le comte Thierry, tellement qu'il le perça au travers du corps & cheut mort par terre. Quand galien le vit, il fut si courroucé que merueille & tira son espée Hauteclere, & en donna tel coup au roy Malepart, qu'il cheut mort par terre. Quand les païens virent la grand confussion, il se mirent en fuite. Apres la mort de malepart, les François se ralierent ensemble, & frapperent si fierement, qu'ils tuerent le demeurant des payens, reserué vn lequel alla dire les nouuelles à Belligant. Cestuy Belligand cuida perdre le sens quand il le sceut, il fit incontinent sonner ses corps & assembla grands nombre de

L'HISTOIRE DE

Sarrazins. Galien ouit le bruiſt, puis dit a ſes gens, Seigneurs entendez a moi car nous aurons tantost nouuelles des paiens, j'ay ouy ſonner leurs corps, par quoy ie vous prie que vous ſoyez ordonnez a maguiſe. J'ay aduiſé que hier au matin vous fuſtes prins pour cauſe que nous n'eſtions par ſerrez, J'ay encores les hommes que charlemaigne me bailla, ie croy qu'il ne s'en faut pas cent. Des dix mille payens i'en attendray trois mille au tour de moy, & vous mon oncle Girard en attendrez trois mille hernaude combatra deux mille, Beunes & Sauary combattront les deux autres milles. Chacun ſoit courageux, car ſi i'eusse hier tué Belligant, quand ie le mis ius de ſon cheual, il vous eut fallu auoir courage, ou nous euſſions eu bien a faire. Pour ce chacun face ſelon ce que j'ay ordonné, & a l'aide de noſtre ſeigneur Ieſus-chriſt nous mettrons ces paiens a mort.

Comment trente mille Payens vindrent contre Galien, qui n'auoit que dix mille Francois, & comment Galien fut enclos au milieu de l'armée des payens, lesquels furent deſconfits par les Francois. Chap. LV.



Ainsi que galien mettoit ſes gens en ordre, les paiens s'armoient a grand diligence, ilz eſtoient en nombre trêſe mille leſquelz par le commandement de Belligand il vindrēt contre les françois. Quand galien les vit, il les monſtra a ſes gens, & leur dit, Seigneurs, regardez quelle compagnie de paiens, il nous faudra pas commencer le tournoy. Non, ce dit Girard,

ſi vous me voulez croire, Par ma foy, dit galien, ie le conſeille, allons au chasteau, & faiſons treues aux payens, car ie voy bien que vous auez peur, & s'il n'y a de quoy. Chacun s'en voiſe au chasteau, & ie promets a Dieu que i'amaïs ie n'y retourneray que ie n'aye aiſſally tous les Payens qui ſont icy deuant nous. Quand Girard l'ententit, il fut ſi courroucé qu'il treſſua, & dit Beau neveu, ie dy les parolles a ſin que nous allions voir la belle Guinarde, laquelle nous a miſ hors du danger ou nous auons eſté, c'eſt pourquoy ie vous diſtelles parolles, ne le prenez point en mal. Et en diſant cela tout les payens ſont venus de furies ſur les françois, Le roi Labanis vint tout le pre-

mier en bataille ; & frappa vn chrestien lequel estoit appelle Hué, & le fist choir contre les pied de galien. Quand l'enfant le vit il tira Hauteclere, & lui en donna tel coup, qu'il luy perca sa targe, & luy fendit la teste iusques aux dents, & cheut mort par terre. Incontinent toutel armée des payens s'assembla & vint enuironner Galien de tous costez, tellement qu'il fut enclos. Galien voyant les payens autour de luy, & qu'il ne pouuoit estre secouru, se recommanda de bon cœur à Dieu. Les payens desirans la mort de galien l'assaillirent mout rigoureusement, en telle façon qu'un payen luy bailla tel coup, qu'il le mit ius de son cheual. Quand le noble galien vit qu'il estoit par terre, il se leua incontinent, & de sa bonne espée Hauteclere se deffendoit si vaillamment contre les payens, que c'estoit chose merueilleuse à regarder, tant que les payens reculoient de tous costez. Les autres François vindrent à son secours. Girard vit Marcepin parmi la bataille, dont il fut mout esbahy, parquoy il approcha, & fit si vaillamment qu'il le print. Tous les François vindrent iusques à Galien faisant grande occision de toutes pars girard luy bailla son cheual, & luy dit, Tenez galien, voicy vostre cheual Marcepin, que ie vous rēds montez dessus, afin que vous puissiez mieux combattre contre ces payens, car vn homme a cheual en vaut tousiours dix a pied. Adonc galien luy dit Mon oncle ie vous remercie, ie suis bien tenu a vous, de tant de biens que me faites, tant plus m'en ferez, & tant plus seray tenu a vous. Quand galien fut remonté sur Marcepin, les françois firent telle desconfiture qu'ils mirēt a mort plus de dix mille payens. Girard qui auoit esté deux iours sans boire ne manger, appella Galien & luy dit, Beau neveu entendez icy, ne moy ne les quatre vingts cheualliers qui ont esté prisonniers, ne mangeasmes auourd'huy ne hier, ie vous prie que nous allions au chasteau pour repaistre car nul homme tantsoit il fort ne peut resister contre la faim. Galien luy dit, Oncle faites a vostre plaisir. Adonc galien conseilla que l'on retournaist au chasteau, parquoy ils se mirent en chemin vers mont-fuseau. Ils trouuerent la porte ouuerte, & la belle Guinarde qui vint au deuant d'eux. Quand ils furent dedans le chasteau, elle ostale heaume de Galien, & luy tendit les bras, disant Bel amy, maintenant vous pouuez manger a vostre volonté, car vous auez les François que vous desiriez. Voire dit Galien la vostre mercy. Quand ils furent montez au palais, les quatre vingts cheualliers qui auoient esté prisonniers remercierent mout honorablement la belle guinarde, laquelle les auoit gardez de mort. Guinarde leur dit. Seigneurs, faites bonnes chere, & vous reposez tout a vostre aise. Apres soupper rendirent graces a nostre seigneur, qu'ils auoient esté secourus. Chascun se coucha, & se reposerent iusques au matin. Belligand estoit en la tente lequel faisoit piteuse chere pour les paiens qui estoient morts. Quand il furent assemblez pour prendre leur

refection, Belligant dit à haute voix deuant tous les assistans, Seigneurs, par Mahom ie sçay bien que ma niece guinarde a fait ceste trahison, ie croy que le s'est conuertie a leur Loy, i'en ay le cœur tant triste, que ie ne puis manger: car si ce ne fust elle, nous eussions mis a mort grand nombre de Chrestiens. Le matin belligant vint avec son ost, & assiega le chasteau. Dedans l'ost auoit vn païen nommé Truffier de Grenade, que Belligand fit appeller, & luy demanda son opinion & luy dit. Sire, le chasteau est si fort, que toute chrestienté ne païennie ne les sçauoit prendre que par famine, il ne peut estre prins, car il y a assez de viure dedans, mais si me voulez croire, ie vous diray comment y entrez. Allons en Ronceuaux contre charle maigne qui fait grand guerre au roy Marsille vostre frere, & quand nous aurons bien lassé les François, vous irez en France, & conquerrez le pais, & puis vous ferez couronner roy à Paris, & irez à mont-matre pour mieux voir la ville à vostre plaisir. Vous mettrez mahom à saint Denis en France, & la le ferez adorer, & qui n'y voudra croire sera decapité incontinent. Et par ainsi le chasteau de Mont-tuscau se rendra incontinent. Belligand lui respondit. Certes vous diés verité, Incontinent fut crié par l'ost que chacun fust préparé le matin. puis se partirent & tant cheminerent qu'ils arriuerent en l'ost du roy Marsille, lequel auoit quatre rois avec lui. Quand les deux freres se trouverent l'un avec l'autre, il se font festoyer mout amouement ensemble, & leurs gens d'autre costé. Quand le roy Marsille vit que Belligand auoit amené si grand nombre de gens avec luy, il en fut mout orgueilleux, & iura mahom & Tauargant que s'il trouuoit charlemaigne, qu'il le mettoit à mort cruelle. Frere, dit Belligant ce seroit mal fait, mais enuoyez luy vn messager & luy mandez qu'il vous vienne seruir en bonne loiauté, & vous aurez pitié & mercy de lui, & s'il ne le veut faire vous le ferez mourir cruellement. Adonc le Roy Marsille luy dit qu'il en estoit content, & qu'il seroit fait comme il l'auoit deuisé. Incontinent marsille appella faussard & Iustamont, & leur dist messagers, il vous faut aller vers Charlemaigne & lui direz qu'il me vienne faire hommage, & qu'il tienne tous ses pais de moy. Outre plus qu'il renonce a dieu Iesus-Christ, qu'il adore nos dieux, & qu'il amaine avec luy Naymes & Oger le Dannois: & Thierry, Et s'ainsi est qu'il ne vueille consentir à mon commandement, que ie le feray escorché tout vif, & tous les plus grands de son pais. Auquel mandement ont respondu que volontiers accompliroient son commandement.

Comment Faussard & Iustamont, messagers du roy Marsille se mirent en chemin pour faire son commandement vers Charlemaigne.

Chapitre.

L V I.

Faussard

E Auffard & Iustamont firent grande diligence de faire leur entreprinse d'aller accomplir le cōmandement du roy Marfille, & tant exploiterēt par leurs iournées, qu'ils arriuerent en l'ost de Charlemaigne, auquel il ont veu les estandars & pennonneaux flamboyer, Ilz virent aigles estenduës en l'air, & plusieurs seigneurs: Princes Barons & cheualiers, lesquelz s'esbatoient parmy le dict ost, dont furent mout esbahis. Adonc Faussard commença à dire à son compagnon Iustamont. par la foy que doy à nos dieux, le roy marfille est bien fol de cuider mettre charlemaigne en sa subiection, ie croy qu'il espuiserait plustost toute l'eau de la mer goutte à goutte avant qu'il luy obeist. Le cōseil que nous en retournions sans faire nostre messager, ie cognois bien que nous perdrons nostre peine. Par nos dieux il est verité, mais puis qu'ainsi est nous irons parler à luy, ce nous seroit grand honte & deshonneur si nous n'accomplissons nostre commandement. Adonc il entrerent en l'ost & trouverent charlemaigne assis en vne chaire deuāt son pavillon. En la tente estoient Salomon le duc Naymes, Girard, & Oger le Dannois, & quand ils virent les messagers, ils penserent bien que le roy Marfille les auoit enuoyez, parquoy ils s'approcherent de charlemaigne le plus secrettement qu'il peurent pour escouter les nouvelles. Faussard & Iustamont mirent le pied a terre, & s'approcherent de charlemaigne, & commença Faussard à dire en cesté maniere Charles, sçachez que l'admiral Belligand vous mède par nous, que vous veniez deuers luy sans tarder, pour luy faire honneur & hommage: & que vous veniez tout en chemise, vn petit baston blanc en la main aussi que vous renōciez vostre dieu Iesus-christ & preniez la loy de nos Dieux, & que vous luy rendiez en ses mains le duc Naïmes, Oger le Dannois, & Thierry. Et s'il est ainsi que vous ne vueillez consentir à son mandement, il vous fera arracher les dents l'vne apres l'autre, & puis apres vous fera escorché tout vif. Et il vō mande qu'il fera poser nostre dieu Mahom dedans sainct denis en France, & fera mettre vostre Dieu Iesus-christ en exil, & destruire sa loy du tout, & la mettra a neant, & exaucera nostre lieu en tout le pais de france, tant que chacun y croira. Et ceux qui n'y voudront croire, il les fera mourir de mort tres-cruelle. Quand charlemaigne entendit ainsi vituperablement parler faussard il commença à froncer le visage, & tourna les yeux vers luy par grand courroux, & se voulut leuer de son siege, cuidant frapper ledict faussard: mais vn peu de souuenance le print, & considera en soy mesmes qu'il estoit messager, & qu'il ne deuoit auoir nul mal, & leur dit par grand courroux, Vuidez chiens matins de deuant moy, & dites à vostre roy que ie ne crains pas vn bouton la puissance de luy ny de ses dieux, mais j'ay esperance que deuant qu'il soit vn mois il n'aura volonté de menacer homme. Et sçachez que si vous ne fussiez messagers que ie vous feroye pēdre & estrangler. Quand les messagers enten-

dirent ain si parler charlemaigne, ils furent si espouuentez qu'ils eussent voulu estre au ventre de leurs mere. Fauissard changea de couleur, & print les fieures quartes de la grâd peur qu'il eut du regard de charlemaigne, & Iustamont en cuida perdre le sens, tellement qu'eux deux s'enfuierent tant que leurs cheuaux les peurent porter, car il leur estoit aduis que charlemaigne les suiuoit tousiours, tant auoient grand peur, & cheuauchioient a trauers champs, sans tenir chemin ne sentier: car depuis l'heure qu'ils furent nés, ils n'eurent telle peur, que quand charlemaigne les regarda. Ils cheminerent si villemēt, quen peu de temps ils arriuerent en l'ost de Belligand. Plusieurs payens de l'ost vindrent au deuant des messagers pour ouyr les nouuelles qu'ils apportoiēt.

Quand ils virent lesdicts messagers ain si descoulourez, iiz furent tant espouuantez que merueille Fauissard & Iustamont vindrent incontinent vers belligand, & ne le saluerent point de la grand peur qu'ils auoient eu du regard de Charlemaigne. Quand ils furent vn peu asseurez. Fauissard se print a dire à belligand. Sire Admiral, si vous me croyez, demain des l'aube du iour vous ferez charger vos tentes & pauillons, & tout vostre bagage, & vous en retournerez en vostre terre: car charlemaigne est le plus felon & merueilleux homme que ie vis oncques depuis l'heure que ie fus né, Croyez fermement, Sire Admiral, qu'il a deliberé de iouster contre vous corps à corps. il dit aussi qu'il vous fera rabaisser vostre menace, si vous ne m'en voulez croire demandez le à Iustamont qui y estoit present lequel vous en pourra dire la verité. Belligand fit appeller incontinent Iustamont, & luy demanda sil estoit vray ce que Fauissard luy auoit dict, & il respondit ain si: sire admiral, il est verité que charlemaigne est le plus merueilleux homme que iamais ie vv. il à le regard si espouuantable, que toutes les fois qu'ils me souuient de luy, tout le corps me tremble & le cœur me fremille. Croyez fermement que deuant qu'il soit long temps il a deliberé de vous assaillir. ie vous prie que me donniez congé de m'aller reposer, car vo^e voyez bien que ie n'ay pas besoing d'estre icy longuement: car i'ay eu grand peur du regard de charlemaigne, il semble estre mieulx diable qu'homme, & demain ie me feray porter en ma maison, & me feray penser. Quand belligand entendit ain si parler Iustamont, il fut mout courroucé & lui dit. Vous ne retournerez pas en vostre maison. mais vous viendrez demain avec moy: car ie suis deliberé d'aller assaillir charlemaigne dedans son ost, & vous serez en ma tente. Et quand i'auray a faire de quelque message, vous le ferez, & si vous ferai du bien au temps aduenir. A donc Iustamont lui respondit, Sire ie ferai volontiers ce qui me sera possible ie irai par tout ou il vous plaira pour faire vostre commandement: mais si vous me vouliez enuoyer vers charlemaigne, j'aimeroie mieulx que me fissiez mourir desquel

les parolles fut belligant mout courroucé en son cœur, & iura par Mahom qu'il iroit visiter Charlemaigne iusques dedans son pauillon, & que avec luy vouloit iouster corps à corps.

Nous vous laisserons à parler de Belligand, & retournerons à parler de charlemaigne, lequel estoit mout courroucé des parolles que belligand luy avoit mandé par faussard & iustamont.

Comment Charlemaigne apres les nouvelles qu'il eut eüe de Belligand, il fit appareiller ses gens pour aller combattre contre belligand.

Chapitre.

L V I I.

A Pres que charlemaigne eut ouy les nouvelles que le roy Belligant luy mandoit, il fut si courroucé en son cœur, qu'il ne poruoit boire ne manger : plusieurs de ses Barons se sont assis à table pour prendre leur refection, & commencerent à dire les vns aux autres, Croiez certainement qu'avant qu'il soit peu de temps nous aurons nouvelles de nous armer vistement, car l'Empereur Charlemaigne est mout courroucé, & non sans cause, voyant qu'il a perdu la noblesse du Royaume de France, & les plus preux qui furent iamais nez de mere. Charlemaigne ouit ses parolles, dont il se print à plourer, & dit à haute voix devant tous, Seigneurs Barons, vous voiez bien la honte & diffame que me fait belligand, qui veut que ie renonce la foy de ietus-christ pour prendre la loy de Mahom, & que ie luy face hommage comme à mon seigneur, tout en chemise, & vn baston blanc en ma main. Outre plus que ie luy rende Oger le danois, le duc naines, & Thierry desquelles parolles j'ay le cœur si triste, qu'à peine puis ie parler. Et pourtant ie vous prie que chacun se mette en armes, car si ie ne puis vaincre ces maudictz melcreans, ie mourray de desplaitances, puis il dit. Helas roland si tu estois icy, tu m'eusses vengé de ceste outrage. Le Duc Naines voyant ainsi charlemaigne en courroux & tristesse, & luy dit. Tres-cher seigneur, ie vous prie que ne me parliez plus des morts, mais pensez de donner courage à vos gens, afin que vous puissiez estre vengé. Outre plus ie vous conteille qu'enuoyez lettres à Galien, à fin qu'il vienne a vostre secours. Adonc il fut dict que Girard de Viennois iroit faire le message, car il estoit homme prudent, sage & eloquent. Girard fut mandé par Charlemaigne, lequel luy dit. Girard, nous vous avons mandé pour accomplir vn message que nous avons a faire, Sire dit Girard, ie suis prest & appareiller de faire vostre vouloir, dictes ce qu'il vous plaira.

Vous irez, dit Charlemaigne, a Montfufseau, deuers galien, & luy direz que ie me recomande a luy, & qu'il vienne luy, girard beuves, Savarry, & Emery, nous donner secours contre le roy Marfille, & belligand son frere, lesquels

ont delibéré de nous mettre a mort, & faire finer la chrestienté. Pour faire le messager se prepara girard incontinent puis print congé de charlemaigne, & se mit en chemin pour accomplir son message.

Comment Girard alla dire à Galien qu'il vint donner secours à Charlemaigne, contre Belligand, & comment il fut assaillly d'un Turq, lequel se tenoit pres d'un chasteau. Chapitre. LVIII.



Girard exploita tant par ses iournées, qu'il arriva pres d'un chasteau, lequel estoit assis dessus vne grand roche, & au pied d'icelle roche auoit vne petite riuere, laquelle estoit gardée d'un turc le plus fort qui fust en tout le pais de turquie, il estoit au roi de Perse, il estoit embusché derriere vne forte roche, & gardoit le pont de ladicte riuere, qu'hommeny passast.

Quand Galien vit cestuy chasteau, vistement s'en approcha: mais incontinent que le payen le vit venir il cogneut bien que c'estoit vn François, Parquoy luy dit à haute voix, chevalier nul ne passe cestuy pont, qu'il ne doit truage, & pourtant il te conuient paier, ou autrement finer ta vie. Girard luy demanda quel truage il deuoit. Le payen luy dit, qu'il conuenoit qu'il passast tout desarmé sans cheual, vn baston en sa main, ou s'il ne le vouloit faire qu'il renonçast à la Loy de Iesus-christ. Et que s'il la vouloit renoncer & prendre la loy Payenne, qu'il luy donneroit or argent à grād foison, & qu'il lui donneroit sa sœur en mariage, laquelle estoit la plus belle de tout le pays. Girard oiant les parolles de cestuy païen fut courroucé en son cœur, & dit, païen, ne te moques tu point de moi laisse moy parfaire mon message. Et en ce disant, Girard se cuida auancer pour passer le ponts, mais incontinents le payen vint contre luy. Ils mirent les lances en arrest, & coururent l'un contre l'autre par telle fierté que c'estoit piteute chote à regarder, & se rencontrerent par telle & si merueilleuse roideur, que tous deux leur conuint chanceler de dessus leurs cheuaux, & rompirent leurs lances, puis mirēt leurs mains aux espées, & se dōnerent de merueilleux coups sans leur en rien dommager. Quand le païen vit que nullement ne pouuoit greuer Girard, il luy dit, François ie ne sçay pas qui tu es mais tu peux bien venter que tu as

iousté contre le plus fort païen qui soit en toute la Turquie, & pourtant que ie voy que toy ne moy ne pouuons vaincre l'un ne l'autre ie te feray vn conuenant, partel si, que si Belligant peut vaincre ton Roy charlemaigne tu renonceras a ton Dieu Iesus-christ, & te viendras rendre a moy, & de toy feray à mon plaisir. Et si ainsi est que Charlemaigne puissent eschapper, ie renonceraï à Mahom & Taruagant, & me feray baptiser & croiray en ton Dieu Iesus christ. Lequel conuenant luy accorda Girard, & luy dit, Païen ie suis content de tenir les conuenances comme tu as dict, non pas pour peur que i aye de toy, mais plustost pour parfaire mon message. Ilz promirent la foy l'un l'autre & prindrent congé. Girard demanda au païen le droict chemin pour aller à a Mont-fuseau, & tant exploita qu'il arriua a la première porte du chasteau, il appella le portier & luy dit. Ouurez la porte: car ie suis messager de Charlemaigne, j'apporte des nouuelles a Galien. Quand Durgand le portier ouit parler Girard, il entendit bien qu'il estoit François dont il fut mout ioyeux en son cœur il ouurit la porte sans nul delay. Girard monta au chasteau en la chambre ou estoit Galien, lequel passoit le temps avec ses Barons & escuyers. Quand girard fut au palais il regarda Galien, lequel estoit assis dessus vn marbre blancils, chemina tout droict vers luy, & le salua fort honnorablement. Amy dit galien vous soiez le bien venu. ie vous prie dictes moy qu'elle nouuelles m'apportez, Sire dit girard ie vous saluë de par charlemaigne, lequel vous prie que luy donniez secours contre le roy martille & belligant son frere, lesquelz le veulent mettre a destruction.

Quand galien entendit ainsi parler girard, il fut mout courroucé, & iura qu'il iroit a son secours. Incontinēt il fit preparer tout son bagage, & ordonna ses besongnes, touchant la garde du chasteau de Mont-fuseau. Voyant guinarde le departement de son amy Galien, vint vers luy & luy dit. Trescher seigneur ayez souuenance de moy a qui auez promise foy & loyauté de mariage, Sçachez pout certain que ie crains si estes dominateur de mō oncle Belligand que ne boutez vostre amour a sa femme, car c'est la plus belle qui soit en toute Turquie. Quand galien entendit ainsi parler guinarde de rechef luy iura que iamais n'auroit femme qu'elle, & luy retourné accompliroit le mariage, & luy bailla cent des meilleurs cheualiers de sa compagnie pour la garder, dont elle le remercia & le baïsa doucement, puis prindrent congé l'un de l'autre.

ie vous laisseray a parler de galien, & retourneray a charlemaigne qui estoit en sa tente fort melancolieux.

Comment apres que charlemaigne eut enuoyé Girard vers Galien pour auoir secours, & sembla tout son ost pour aller contre l'Admiral Belligand, & comment Galien se mit en chemin pour aller au secours du grand Roy Charlemaigne.
Chapitre. L I X.



Quand charlemaigne eut enuoyé girard vers Galien, il fit preparer son ost & crier que le lendemain au matin chaſcun ſe trouuaſt a la meſſe vne torche en la main priant dieu noſtre createur qu'il leur vouliſt eſtre adiuteur cōtre les payens laquelle choſe fut faiſte. ils eſtoient à la dicte meſſe bien cent mille, car ieunes & vieux y furent priant à dieu qu'il leur donna victoire cōtre leur ennemis. Apres la meſſe chātée, le roy charlemaigne ſ'en alla aſſeoir deſſoubz vn arbre ver car c'eſtoit au mois de May, & au

tour de luy eſtoient ſes Barons: deuiſant avec luy. Cependant arriua Guion de Mirabel, lequel eſtoit nauré d'un eſpieu à trauers le corps. il ſe mit à pied, & ſalua le Roy Charlemaigne, diſant ainſi, ſire empereur, faiſtes armer vos gens: car ie vous aſſeure que voicy belligand, lequel amene avec luy bien cēt mille combatans. Adonc quand Charlemaigne entendit ainſi parler Guion de Mirabel, incontīnēt il fit crier à tous ſes gens que chaſcun ſe preparat ſans nul delay, leſquels furent preſtement montez à cheual. Charlemaigne voyant ſes gens tout en armes voulut ordōner ſes batailles ainſi qu'il ſçauoit bien faire, & dit, Seigneurs, au nom de Jeſus-Chriſt, ie veux faire cinq bataille de mes hommes d'honneur. La premiere avec vingt mille barōs, leſquels ſeront touſiours a mon ſecours. Le Duc Naimes menera la ſeconde a tout trente mille. Oger menera la tierce a tout vingt mille pour auoir ſecours au beſoin. Thierry menera la quarte à tout autre vingt mille pour aller coſtoyant. Et Geoffroy menera la cinquiēme & derniere bataille a tout vingts mille. Apres les batailles ordonnez charlemaigne dit. Meſſeigneurs & mes amis, vous cognoiſſez qu'il ne ſe faut pas tant vanter aux champs comme on faiſt à la maiſon, il eſt tant de monſtrer ſa force. Vous ſçaez que ces mauidits meſcreans

ne pretende sinon a nous exiller & mettre toute la chrestienté a perdition parquoy ie vous prie que chascun face son deuoir, car i'ay esperāce qu'au plaisir de nostre seigneur auiourd'huy les mettrons a desfinement, & pourtant nobles seigneurs prenez tous courage. Apres que charlemaigne eut donné courage a tous les gens, il luy souuint de Roland & commença a le regretter, & pareillement Oliuier, & se print à plourer mout tendrement. Quand les barons le virent ainsi plourer, ilz en eurent grand pitié, & tous luy crièrent a haute voix. Laissez vos pleurs & lamentations : car s'il plaist a dieu auiourd'huy fera vengé la mort de ces nobles barons & pairs de France. Charlemaigne oiant le bon vouloir de ces gensles, remercia grandemēt, & en accolla & bailla plus d'un cent par bonne amour.

Quand charlemaigne eut preparé ses batailles, ils se mirent en chemin, & tant cheuauerent qu'ils vindrent a s'approcher de l'ost de belligant. Les deux osts commencerent a faire grands cris espouuantables, les François vindrent frapper sur les payens par si grande fierté, que c'estoit chose merueilleuse a regarder car du premier assaut mourut des paiens bien deux milles. Lors vn Turc nommé Escclamard, l'un des forts Turcs que l'on peut trouuer, luy voiant la desconfiture des paiens, print vn faussard en sa main & se mit en la bataille, & va ferir Anthoine du plaissis par telle façon qu'il l'abbatit mort par terre, Oger le dannois voiant la mort d'Anthoine en son cœur fut iré, & se tira droict vers Escclamard, & tel coup luy donna, que cercle ne coiffe ne le garantir de la mort, & cheut a terre, puis lui dit en cheant, Maudit infidelle tu as tué le fils de Geofroy qui tant estoit noble & courtois, & a cause de ce je t'en ay rendu le guerdon. Apres qu'Oger eut mis à mort esclamard, Sobron & Malathan, & aussi le Roy Archanas vindrent arriuer avec trente mille paiens, faisant grand cris & noises en l'ost des chrestiens, & vint le Roy Sobron si fierement frapper Guyon de Montagu, qu'il luy transperça vn espieu parmy le corps, dont cheut ledit Guyon mort. Le roy Malathan frappa Iosian par telle fierté qu'il cheut mort. A cestuy assaut mourut des François bien cinq cens. Les paiens voiant la mort des François, commencerent à faire vn cry, disant ainsi Dessus Seigneurs, car auiourd'huy est le desfinement de chrestienté. Charlemaigne oiant le cry des mescreans fut en son cœur fort courroucé, aussi fut ledit thierry d'ardaine, & Oger le Dannois, Videlon de Bauiere. Iean le roy de Frise, & le Duc Naimés, & tous les autres Barons entrèrent en bataille par telle fierté, que c'estoit piteuse chose a regarder, & pensez que maints escus furent rompuës, maints haubers mis en pieces, & maintes lances & espées despercées. Oger le dannois alla ferir sur le roy Archanas par telle vertu, qu'il luy transperça le fer & le fust de la lance tout au trauers du corps. Le duc Naimé

estant le cry de charlemagne y accourt vistement, aussi fit Oger le danois & Thierry, & la fut faicte merueilleuse desconfiture tant d'une part que d'autres. Quand les paiens virent que les françois reculoient, ils commencerent tous ensemble a faire vn cry si espouventable, dont les François furent tous esbahis. Eux estant en cestuy esbahissement vont regarder vn peu a costé & virer venir galien lequel faisoit grand bruiet. Et quand ils cogneurent que c'estoit un alien qui les venoit secourir, incontinent ils reprindrent courage & furent tous ioyeux.

Comment Galien arriva en Roncevaux pour donner secours au noble Roy charlemagne, & comment il rua maupriné filz de Belligand.

Chapitre. L X.



Ant chenaucha Galien qu'il arriva en Roncevaux, & mit les gens en belle ordonnances paiens arriuoiēt de tous costez pour auoir la desconfiture des chrestiens. Charlemagne en son courage regarda vn peu à quartier, & veit venir galien, dont fut ioyeux. Incontinent il appella les Barons & leur dit Seigneurs, ie voy galien vient a nostre secours, ie vous prie que chacun prenne courage, Naimés dit, Sire vous dictes verité. Adonc partit vistement charlemagne son espieu en sa main, & picqua des esperons son cheual si roidement, qu'il alla iusques au Roy Allemand, & son espieu luy trauersa parmy le corps, dont cheut mort par terre, dont les paiens furent fort esbahys. Le cheual qui estoit puissant, porta charlemagne si auant dedans l'armée des paiens qu'il passa six rans de leurs ordonnances: mais incontinent il fut enclos de tous costez, parquoy son cheual fut tué dessouz luy.

Vistement se mit a pied & tellement se deffendoit de ioyeuse son espée que nul ne l'osoit approcher. Et voyant que de nul n'estoit secouru se print à dire Vray dieu pere tout puissant, u ie crioye maintenant mon enseigne galien, il viendroit incontinent & laisseroit toute son armée: mais ie crains que ces gens ne vissent de costé departant de l'armée: car ie croy qu'ils frapperoient aussi sur les françois, que sur paiens: car il ne les cognoissoit payens. Ce considérant,


Digitized by Google

GALIEN RESTAVRE.

derant, charlemaigne n'osa mot sonner, dont mal luy enprinz, mais Oger le Dannois l'apperceut, lequel vint incontinet desrompant la presse, & fendant l'armée si vaillamment que merueilles. Le roy Frugant se trouua deuant luy, lequel venoit empescher le chemin, mais Oger le tua, & prinr son cheual & le mena a charlemaigne & luy dit, Sire, vous auez sens d'enfant de combattre a pied, ne sçauiez vous appeller vos barons & cheualiers a vostre secours, quād les François virent Galien venir, ils seretirerent deuers l'Oriflant, & les paiens d'autre part, l'esquelz auoient grand peur. Incontinent Galien brocha son cheual si vistemēt, qu'il sembloit que ce fust arondelle pour mettre les paiens afin, pour venger la mort des pairs de France, & aussi pour augmenter la foy Chrestienne, tellement que le premier qu'il rencontra luy perça l'esceu & le corps tout au trauers, dōt cheut mort par terre. Et quand Maupriué veit que Galien auoit mis a mort cestuy paien, il vint contre luy de grand despit & se donnerent de grands coups l'un sur l'autre. Galien haussa Hauteclere, & tel coup donna à maupriué, qu'il abbatit homme & cheual par terre, duqu el coup ledict maupriué fina sa vie, dont les payens furent mout courroucez. Quand Galien veit qu'il estoit mort, il se print a dire a haute voix deuant tous, Seigneurs voicy le Roy, lequel auoit iuré qu'il vengeroit la mort de foure, mais il faut maintenant que l'on venge la sienne. Et quand les paiens l'entendirent ainsi parler, ils furent si espouuantez que merueilles, & dirent entre eux, voicy celuy qui tua le roy au chasteau de Mont fuscieu, & le print au recours du bois de Bruffeille ou furēt reprint les prisonniers françois que Belligand vouloit faire pendre dedans le bois, A ces mots se sont les François boutez en bataille. Sauarry reneontra Turben, & tellement le frappa qu'une lance luy trauersa au trauers du corps, dont cheut mort. Charlemaigne cria mont ioye S. Denis. Girard cria Vienne. Hernand cria bellande. Salomon cria S. Malo, & Oger cria Dannemarche. Naimes cria Bauieres, Thierry cria billon. Geofroy cria Angers. et le noble Galien cria Mont-fuscieu, car vaillamment auoit conqueste le chasteau. Et quand les paiens entendirent les cry des françois, ilz urent tous espouuantez, & s'enfuirent vers leur estandart, mais en fuyant plusieurs furent tuez. Quand ils furent a l'estendart, incontinet dirent a belligand, Sire, sçachez que le cheualier qui aime vostre niece la belle Guinarde a mis a mort vostre filz Maupriué. Quand belligand entendit les nouuelles du grand desplaisir qu'il eut le sang luy mua & cheut pasmé par terre.

Comment Charlemaigne tua Belligant & comment il arresta le Soleil.

Chapitre. L X I.

 Presque Belligant sçeut la mort de son filz il fut mout courroucé en son cœur, or estant en si grande facherie, il aduisa galien, Et quand il le vi

L'HISTOIRE DE

il dit à ses paiens, Prenez ce Chrestien. Incontient tous les payens vindrent de tous costez sur galien lequel se deffendit si vaillamment, par telle fierté qu'il tua maints paiens de sa hache tréchant. Il eust eu bien à faire de vaincre tant de paiens mais Girard, Hernaud, beuves & Sauary y arriuerent, lequelz tuerent bien dix mille payens. D'autre part vint charlemaigne & ses gens, tellement que la bataille fut toute renouuelle. Et quand Belligand vit que les françois estoient si grand nombre il se print à dire charlemaigne ou auez vo⁹ esté que ne vous estes monstre à moy? certes ie croy que vous n'estes pas assez hardy, car vous estes trop vieux & radoté. Quand charlemaigne l'entendit ainsi parler, il brocha son cheual des esperons, & s'en vint contre Belligand & frappa si vaillamment: que du coup il le bouta quasi par terre, & se battirét si bien qu'ils rompirent escus & lances charlemaigna tira loyense son espée, mais en la tirant Belligand luy bailla tel coup sur le heaume, qu'il luy trancha la coiffe, & vint iusques au test, derechef au costé fenestre sur l'escu, de si grãd force, que quand il tira son espée charlemaigne chancela, & luy dit, belligãd ie vous feray finer la vie en Espagne, grison radoté, tellement que iamis n'y mettrez le pied. Quand charlemaigne l'entendit, il fut mout courroucé, & vins contre Belligand qui l'auoit tant iniurié, & le frappa de ioyeuse son espée si rudement que du coup il luy couppa son escu, Puis il luy bailla si grãd coup sur son heaume, qu'il luy fendit la teste iusques au menton, & cheut de dessus son cheual mort par terre. Puis charlemaigne dit belligand, tu as dit verité, quand tu dis que tu serois Roy de France couronné. Je te couronne en chãp de bataille, de ioyeuse mon espée, & si sont tousiours à moy mes Royaumes & ie t'ay donné deuant tous tes parens & amis le pays d'Espagne ie t'en ay couronné du tranchant de mon espée.


Adonc les chrestiens se mocquerent des payens, & leur disoient, combien que charlemaigne aye la barbe grise, si fait-il bien encorcs vn tour d'espée, il a bien monstre à Belligand vn tour de maistre, car a l'ouurage l'on cognoist l'ouurier. Quand les paiens virent leur roy mort, ilz furent si dolens que merueilles, & demenerent grand dueil. Quand le roi Marsille sceut que son frere Belligand estoit mort, il s'enfuit secrettement, & aussi fit Fauissard & Iustamôt Galien estoit en la bataille, en laquelle il fit grande occision de sarrazins. charlemaigne chassoit ses ennemis par telle façon que nul ne s'osoit trouuer deuant luy, puis il fit son oraison à Iesus-christ, disant Dieu de lassus, qui en trinité Pere, fils & S. Esprit, ie te supplie qu'il te plaise de me donner espace de venger mes Barons, lesquelz sont morts pour augmenter la saintes foy chrestienne, & ont esté villainement trahys: & en ce disant il plouroit tendrement, Iesus-christ ouit sa priere, tellement que le soleil s'arresta, sans aller ça ne là. Quand charlemaigne vit que le soleil estoit si haut, il s'escria à haute voix sur les sarr-

GALIEN RESTAURE.

zins, disant ainsi, le vous promets qu'il n'y aura homme de vous qui ne perde la vie. Cependant Galien passa contré la prée, & vint contre les tentes des paiens, ou il trouua diuerses loges, que le roy marilles auoit faict faire. Il y auoit deux milles payens qui gardoient la femme dudit marille, mais quand ils virent Galien, ils s'enfuirēt tous. Quand marille qui estoit de l'autre costé vit que charlemaigne le poursuluoit de si pres, il iura son dieu Mahom que iamaïs n'entreroit en ville ne chasteau qu'il ne tint pinelle a son plaisir, & puis qu'il ne douteroit charlemaigne ne sa puissance. Le roy Marille emmena grand finance avec luy nonobstant charlemaigne le suiuit tousiours de pres. Galien estoit demeuré pres d'une riuere, ou il les attendoit. Quand ils virent Galien venir, ils entrèrent dedans la riuere a pied & à cheual, & tant y en eut de noyez que les vifs passoiēt par dessus les morts, tous ceux qui demourerent furent occis. Le roy marille voiant le danger où il estoit, par subtil moien eschappa, & s'en alla a Pinelle & comme il fuiōit le iour fina, parquoy charlemaigne & Galien retournerent en l'ost. Charlemaigne remercia Galien du grand secours qu'il luy auoit faict. Ils logerent celle nuit dedans les tentes des paiens, lesquelles estoient bien garnies de viures. Chacun print sa refection des biens qu'ils trouuerent. Et apres souper chacun se coucha. Oliuier & Videlon firent le guet toute la nuit. Le matin charlemaigne se leua, & s'en alla ouir la messe d'un saint Abbé. Apres la messe dicté, chacun se prepara pour retourner en bataille, & à la rencontre des chrestiens & paiens eut de merueilleux coups donnez tant d'un costé que d'autre. Et fut la bataille si impetueuse qu'à grand peine on pouuoit cognoistre les chrestiens ne les paiens les uns d'avecques les autres, dont charlemaigne plora tendrement. Galien le reconforta le mieux qu'il peust.

Comment Charlemaigne s'en alla avec Galien a Mont-fuseau & comment le noble Galien espousa la belle Guinarde.

Chap. L X I I.

 Alien voyant la tristesse de charlemaigne, & que la bataille estoit finie il luy dit, Sire il est vray que l'ay promis foy & loyauté de mariage a une ieune dame, pleine de grand beauté, laquelle est fille de Marille, qui est vostre ennemie mortel. Le l'ay trouuée loiale, car elle m'a fait plusieurs secours parquoy ie vous prie qu'il vous plaise de venir aux noces vous resiouyr, & que me la donniez par la main, Adonc charlemaigne luy dit, Trefcher amy volontiers le feray : car ie doy bien faire vostre volonté, & avec ce ie vous donneray l'estendart que vous auez conquesté. Adonc charlemaigne commanda que les tentes & paillons, fussent chargez, & apportez, & manda

L'HISTOIRE DE

aux seigneurs & Barons qu'ils vinssent vers luy, parquoy Guidelon, & Hernaud demeuroient audi& lieu, avec deux cens cheualiers richement habillez, lesquelz auoient gardé à Roncevaux les douze pairs. il demurerent iusques a ce que charlemaigne fust retourné, & fust le traistre Ganelon bien enfermé : pour laquelle trahison thierry fut prins lequel estoit a Mont-fuseau, accompagnez de plusieurs Princes & nobles cheualiers, lesquelz cheuaucherent par telle diligence qu'ils arriuerent a Mont-fuseau la veille d'une bonne feste. La ville estoit fermée de muraille & des palais somptueux, dont charles fut mouresbahy quand il vit l'edifice, puis demanda a galien à qui estoit le chasteau, si-re il est a vous & n'en suis le seigneur. Quand charlemaigne entendit galien, il dit, cher amy, vous auez conquis honneur, certes vous estes sages preux & hardy comme estoit vostre pere. Ladite guinarde estoit au palais ou elle passoit son temps : mais quand elle vit les françois elle eut peur, car elle p&soit que ce fussent les sarrazins qui vinssent de l'ost de Belligand, galien enuoia vn mesfager à la belle guinarde, lequel la salua, & luy dit. Dame guinarde, ie vous salue de par vostre amy Galien, lequel vous amene charlemaigne & plusieurs Barons & cheualiers de France. Guinarde eut grand ioye des nouuelles. Elle fit faire grand appareil parmy la ville pour receuoir les cheualiers françois. Quand charlemaigne & les Barons furent arriuez Guinarde descendit du palais, & vint au deuant de charlemaigne fort honorablement, & quand il la vit il descendit de dessus son cheual, & vint vers guinarde, & la bailla moutroucement, & elle luy dit. Bien soyez venus, charles nobles roy des françois, & tous les nobles cheualiers. Et charlemaigne respondit, guinarde, resus-christ vous vueille garder de mal. Quand les françois furent tous au chasteau, charlemaigne, fut richement seruy & tous les barons. Apres le soupper chacun se coucha & reposerent seurement. Le matin vindrent plus de cent cheualiers au leuer de charlemaigne, entre lesquels estoient galien & guinarde, qui le saluerent humblement, guinarde dit à galien deuant tous, Galien cher amy, vo^{us} plaist d'accomplir vostre promesse cependant que toute la noblesse est icy, vous sçauiez que vous m'auez promis foy & loyauté de mariage, c'est pourquoy, ie desire si s'estoit vostre plaisir d'accomplir s'este belle promesse. chere amie dit galien, i'en suis bien content, s'il plaist a charlemaigne mon seigneur, amy dit charlemaigne ie m'y accorde tres volontiers, puis que chacun en est content. Charle fit baptiser guinarde, Apres le baptême ilz furent espousez, dont grand ioye fut faicte par toute la contrée. Charlemaigne donna a galien & à guinarde pour accroissement de la terre & pais. Et galien le print deluy, mais il ne tint pas longuement, car il eut en brefs temps plus grand seigneurie. Apres que Charlemaigne eut esté huit iours a mont-fuseau il se partit de galien, & mena avec luy l'escuyer & Thurion qui sçauoient toute

G A L I E N R E S T A V R E

la verité de la trahison de Ganelon, & s'enalla à Rôceuaux. Il print congé de galien & de guinarde, & laissa avec luy Girard, Hernaud, Beuues, Saurry & Emery, & cheuaucha droict en Ronceuaux.

*Comment vn messager apporta nouvelles à Galien, qu'il allast secourir sa mere
qu'on accusoit d'un cas. Chapitre. L X V.*



GAlien se tint a mon fuscau, Jusques au temps d'esté, s'esliouy sans avec guinarde & ses cheualiers. Vn messager vint vers luy & lui apporta nouvelles de sa mere, Quand il fut deuant galien, il le salua disant Le Dieu de gloire vueille garder le fils d'Oliuier, & Galien lui respondit, Iesus-Christ vo^r maintienne & accroisse vostre bonheur. Or me distes done

beau sire vostre volunté, & la cause pourquoy vous venez vers moy. Le messager dit. Tres-cher seigneur, il est verité que les enfans du roy Hugon ont grandement offencé: car ils ont empoisonné leur pere, pour auoir son royaume, & disent que vostre mere l'a fait, mais iamais elle ne commit si vilain cas elle a donné son gaige en champ de baraille contre eux ilz ont trouué vn des fors cheualiers de la chrestienté pour eux: mais vostre dolente mere n'a nul trouué qui vueille combattre pour elle. Elle eust esté bruslée l'autre iour, si n'eust esté l'euesque de Naples qui lui sauua la vie, & les Barons du royaume qui en ont pitié. i'alloye querre Oliuier pour la deffendre, mais on m'a dit que les paiens l'auoient occis, & certes si vous ne luy aidez elle sera bruslée. Quand galien entendit le messager, il se print à pleurer, & ietta vn sospir en disant. He dieu doux Roy de maiesté, hélas ie ne vis oncques mon pere sinon à la mort, & si ie perds ma mere ie seray bien dolent. Girard & Hernaud le reco^rfortoient tousiours. Galien disoit mes oncles ont ils ainsi fait de leur pere & vilainemēt en accusent ma mere: Puis dit qu'il iroit secourir sa mere vistemēt

Galien qui auoit le cœur marry, se fit armer pour aller secourir sa mere, Il laissa à mont-fuscau Girard & Hernaud pour garder sa femme, il mena avec luy beuues, Sauarry, Geffroy de Paris, Emery & dix mille cheualiers bien en point.

Il print congé de guinarde & des cheualiers, & chemina en si grand diligence

L'HISTOIRE DE

qu'il arriva aux lices vers le soleil couchant Le prince de Tarente nommé, Richier, Richard de Damas, & Gauthier son frere estoient venus pour loger aux dictes lices, mais ils allerēt a Constantinoble a la cour pour iuger la droiture de la Dame que l'on vouloit condamner a tort. Quand galien fut arriué les nobles luy firent grand chere au souper, & se repolerent la nuit, Le matin ils cheminerent parmy Romanie tant qu'ils vindrent a constantinoble, a donc galien dit, quand ie partis de ceste cité mes deux oncles me vindrent espier pour me tuer en ce bois, mais si ie puis ie leur rendray. Tant cheminerent qu'ilz arriuerent en la cité, & se logerent deuant sainte Sophie, en laquelle ouïrent Messe, Galien estant au fenestres du logis ouï le peuple qui crioit. La meilleur damoiselle de ce pais sera aujourdhuy exillée a grãd tort, les pauvres estoient soustenus par elle, maudit soit il qui est cause que nous la perdrons. Quand galien les entendit, il se priot a l'armoier. Henry & Tibers firent tant par leurs flateries, & douces parolles que ilz tirerent les Barons du royaume de leur partie, & les menerent a la cour.

*Comment Iaqueline fut menée a la cour pour estre condamnée a mort par fausses
allegations, & comment Galien la deffendit en champ de bataille
contre Burgaland. Chapitre. LXIIII.*



Vistement galien & tous les gens allerēt a la cour aussi fit le seigneur d'Esture, & l'aueu que de n'aples. Quand ils furent arriuez, ilz crierēt a haute voix que si on vouloit iuger la dame par tricherie, qu'ilz seroient de la partie. Galien les remercia leur dilant, Seigneurs ie vous promets la foy qu'une fois ie vous rendray le plaisir que vous faites a la dame. Quand ils fu-

rent arriuez a la cour, ils virent qu'on mettoit la dame hors de prison, laquelle estoit mout desconfortée. A donc luy dirent ses deux freres, Vous serez punie pource que par herbes auez fait mourir vostre pere. Tibers dit, Vous m'avez aussi voulu enforcener, afin que ie perdisse ma seigneurie Burgaland de Rhodes dit devāt to°. La dame m'a requis que ie soie son amy par amours pour faire la folle, & qu'elle seroit mourir les freres par fors, aussi elle a fait mourir son pere. Si il y a hōme qui vueille dire le contraire ie suis tout prest de le cōbatre

GALIEN RESTAURE.

Alors les barons dirent, si nul ne la deffend, elle est iugée a mort. Adonc dit l'Euesque de naples, Elle n'est pas encore iugée: il pourra venir quelque vn qui il la mettra hors de danger. Quand la dame l'entendit, elle requit vn de ses parens qui la secourust mais il dist. ie n'entreprendray pas telle folie, de combattre contre Burgaland. Quand Galien vit sa mere deuant ses deux freres & que nul ne la vouloit deffendre, il la print par la main, & luy dit, dame faites bonne chere, car iusques a la mort ie vous aideray encontre tous, pour garder vostre droict. L'Euesque de Naples deffendit qu'on ne luy fit nul mal. Adonc dit Burgaland, S'ilz estoient quatre telz, ie n'en demarcheroie vn pas. Seigneur: dit Galien, baisez vostre espée & vous allez armer, car mon corps vous deffie. La dame plouroit son filz & ne le cognoissoit point.

Comment Galien voulut deffendre sa mere en champ de bataille contre Burgaland, pour fausses accusations sur elle imposées, & comment il tua Burgaland.

Chapitre. L X V.



DYbers, & Henry & plus de cinquante seigneurs & barons qui estoient contre la dame, monterent au palais & leur iurerent que point ne leur faudroit iusques a la mort. Lors fut armé, Burgaland, & vestit vn haubergeon de menu treillis, lequel comme dit l'escriture, fut fait en Faerie, & tout homme qui le portoit ne pouuoit estre con-

quis en armes, s'il n'estoit faux, traistre ou par iure. Cestuy hanbergeon fut enuoye au Roy Hugon. Burgaland ceignit vne espée laquelle auoit demy pied de large. Et dit l'histoire que celle espée trenchoit le fer. Le plumbeau & la croissée estoit de fin or massif, elle estoit appellée trencher fer. Les boucles du heaume estoient de fin or bruny, au cercle de dessus auoit plusieurs pierreries qui rendoient grande clarté. Il fut bien accoustré, on luy bailla vn cheual fort bon. Burgaland monta dessus & mit l'escu a son col, il print en sa main vn gros espieu, lequel estoit enuenimé du sang d'un Tigre. Quand Burgaland fut sur vn cheual monté, oncques ne se seigna. Il picqua des esperons sans arrest son cheual. Quand Burgaland fut au champ, les autres disoient que mieux sembloit diable qu'homme, Et que pour vray l'autre champion seroit inconti-

L'HISTOIRE DE

nent desconfit. Burgaland attendoit Galien au champ, desirât sa venuë pour le vouloir mettre a mort, mais Galien estoit en son logis qui s'armoit des armes que Regnier luy auoit dōnée quand il partit pour aller en Roncevaux. Beuues Sauary luy donnerent la lance & le heaume, apres on luy amena marcepin, & monta dessus comme noble cheualeureux, puis il print son escu & partit de son logis, il appella Sauarry & luy dit, faicte amener vos gens : car si Tibers & Henry nous vouloient faire greuance, que plustost fussions secourus. Galien vint au champ, le Duc Guyon d'athenes & plus de cent l'accompagnerent. Quand il fut arriué au champ, Tibers & Henry tindrēt leur parlement, disant que si burgaland estoit vaincu qu'il le secouroient. Les barons amenerent la dame liee bien estroitement, puis Burgaland dit deuant tous. Dieu me vueille aider elle a faict mourir son pere par herbes, & cuides faire mourir les freres afin qu'elle ait la seigneurie. Elle se vint conseiller a moy meditant, que si ie luy vouloie aider a ce faire, qu'elle s'abandonneroit a moy a faire a ma volonté, La Dame l'entendit donc fermement se print a plorer, disant que iamais n'auoit eu volonté de ce faire. Adonc galien dit a Burgaland. Vous mentez faussement, burgaland iura & voulut bailler les saints: mais il ne les peut approcher galien iura que faussement on accusoit la Dame, Burgaland dit vous mentez pautonnier, mais auant qu'il soit nuict vous en ferez pendu & la dame bruslée galien luy respondit, dieu & le bon droit nous aidera. Chascun ferma son heaume, puis ont fit crier que nul n'entraist au champ sur peine de la vie. Trois Cheualiers gardoient la dame, laquelle regrettoit son enfant: car elle ne le cognoissoit point, si elle l'eust cogneu, elle eust aimé mieux estre bruslée que le laisser combattre contre burgaland.

Quand les deux champions furent prests de combattre, Galien appella les gardes, & leur dit qu'ils gardassent le champ sans noises ne debars. et ilz dirent que si aucun le brisoit, qu'incontinent seroit pendu & estranglé. A quoy galien les remercia grandemēt, puis leua la main & se signa le visage du signe de la croix. l'euesque de Naples luy dit, dieu vous gard de mal & vous doint grace de vaincre vostre ennemi burgalād. Et galien luy dit, Certes selon mon aduis i'ay esperance qu'au plaisir du createur du monde, que deuant qu'il soit nuict s'il n'a la peau plus dure que fin acier, vous la verrez trancher en plus de trente pieces. Les princes seigneurs & barons furent tous esbahis du courage de cestuy enfant. A l'entour des deux cheualiers auoit grand nombre de gens lesquels estoient allez voir & regarder la bataille des deux champions. Burgaland cria a haute voix Vassal ie vous deffie, iamais ie ne vous prendray a rançon, & ne sera pas la dame par vous deffenduë, car deuāt qu'il soit nuict ie vous monstreray que vous n'estes pas sage de vous mettre en champ de bataille contre moy. Adonc Galien reclama le nom de Iesus-christ en luy priant qu'il

luy voulsist estre en aide, aussi vrayement que la dame estoit innocente du cas que ses freres luy auoient imposé. Burgaland brocha Arragon son cheual, & galien picqua son cheual marcepin, puis se rencontrerent de leur lances si roidement qu'ils firent voler les esclats en l'air, Galien frappa Burgaland par telle fierté que si burgaland n'eust haussé son escu il eust eu la teste fendue iusques aux dents, mais l'escu en fut du coup fendu en deux parties. D'un autre costé luy osta vne piece du heaume, & s'il n'eust destourné le coup, de luy estoit fait & ne iamais n'en fust eschapper, car il treucha la coiffe du heaume, & couppa des cheueux iusques a la chair, & cheut l'espée au costé fenestre & treucha le pan de son hauberjon, & fut la hucque & la chair entamez. Quand burgaland se sentit frappé de galien, il cuida frapper sur luy, mais il haussa son escu, du coup il couppa ce qu'il ataignit. il eust tue galien sinon qu'il faillit de trauers, car l'espée emporta plus de deux cent mailles du hauberion, & luy fendit vne grande partie la coiffe, tellement que le sang sortoit par la bouche abondamment du coup Galien chancela & a peu qu'il ne cheut par terre, dont les barons furent fort desplaisant, & disoient tout bas les vns aux autres, ie croy qu'il est astollé, & que la Dame sera bruslez. Quand la dame vit le coup, elle se coucha à terre en croix, & se print à plourer & laméter en disant. Vray Dieu, aussi, vrayement que ie suis accusez a tort & que ie ne suis pas cause de la mort de mon pere vueillez garder le cheualier qui combat pour moy. Et comme galien se pre paroît pour combattre, Burgaland luy dit Vassal, ie vous ay bien ataint, mais si attendez l'autre coup, il n'est rien de vostre vie. Et Galien luy dit ; S'il plaist a dieu vous mentirez: mais ce que vous dictes vous aduendra dieu & le bon droit que i'ay m'aidera. A tant commencerent a frapper l'un sur l'autre par telle fierte, tellement que le sang auoit tout rougy le champ.

Tant se combattirent les deux champions que pres de midy estoit & furent si las mattez qu'il ne voyoit goutte. Eux estans vn peu reposez se sont de rechef mis en bataille, & dit Burgaland à Galien. En peu de temps te feray mourir & feray mettre la Damoiselle en vn grand feu. Galien luy respondit, ie ne doute tes menaces. Burgaland cuida enrager des parolles de galien & dit, Tu seras pendu & estranglé & la dame sera arse dedans vn grand feu. Nostre Seigneur t'en gardera, dit galien, car le bon droit que la Dame à, nous aidera au iourd'huy: car tes faux sermens te pourroient bien nuire & porter dommage. Burgaland escumoit cōme vn porc & s'embloit qu'il fust hors du sens & vint contre galien, & galien contre luy auquel il souuint de son pere Oliuier qui ne recula iamais deuant homme. D'autre costé il voyoit sa mere qui plouroit priant dieu qu'il voulsist garder galien de mal & d'encombrier, & si ne le connoissoit pas. Le peuple d'entour en auoient grand pitié, & disoyent les vns aux autres, Certes se fera grand dommage si cestuy Cheualier est mis a mort

de la main de ce diable. Helas il est trop ieune, si n'estoit le courage qu'il à, il fust pieça mort, ie croy que iamais Dieu ne crea homme si vaillant qu'il est galien pria Dieu & nostre Dame qu'il luy voussissent aider, puis il nomina entre les déts les hauts noms de nostre Seigneur: car celuy qui les nommera ne perira du iour qu'il les aura nommez, s'il n'est faux ou pariure, ou s'il n'a grand tort. Quand le noble galien les eut nommez, il fut plus ferme & plus assuré que deuant. Burgaland vint contre luy, & tel coup luy dōna qu'il emporta vne grande partie de la coiffe & du heaume, & l'eut tout fendu: mais l'espée tourna par la volonté de Dieu qui le garda, nonobstant luy trencha vne partie du costé senestre, & coula le sang iusques a terre, de celuy coup chancela vn petit le noble Galien. Quand la dame apperceut le coup, incontinent elle ietta vn merueilleux cry, & cheut à terre tout palmé. Tibers & Henry estoient mout ioyeux du coup que burgaland auoit faict. Incontinent vint burgaland deuant galien & luy dit plusieurs iniures dont le noble galien fut mal content.

Quand galien entendit les parolles de burgaland, il print courage & le saint esprit luy doubla sa force & haussa son espée, & frappa burgaland si bien qu'il luy fendit escu, heaume, coiffe par le milieu, & luy osta vne grand partie du tais & luy trencha l'oreille & la iouë, & cheut l'espée au maistre os de l'espaule, & trencha le bras. Quand il sentit le coup, il fit vn cry, & dit Pilate & Iupiter, vueillez moy aider. Dieu n'a nul pouuoit, sa puissance est faillie, i'ay en ma vie conquesté trente champs de bataille, & les plus forts de Romanie, & vn enfant ma aujourd'huy vaincu, guerres ne s'en faut que ie renie Dieu & les saints. Galien luy dit tu le peux bien renier quand tu l'as renié deuant la compagnie. Burgaland qui n'auoit qu'un bras, cuida faire tomber galien par terre car il embrassa & fit tourner deux tours, mais Galien luy bailla du plombreau de l'espée, & cheut par terre. Galien print l'espée de burgaland & luy en fendit la teste iusques aux dents, & mourut du coup.

Comment apres que Galien eut tué Belligant, Tibers & Henry, le voulurent mettre à mort, & comment ils baillerent Iaqueline à Anthoine de Thir, & à trois cheualiers pour la faire mourir, & comment ils assaillirent les Francois en leur logis. Chapitre. L X V I.

Galien ayant mis à mort Belligant, il monta sur Marcepin son cheual, & ainsi qu'il montoit dessus, Henry vint avec plusieurs soldats pour mettre à mort galien, mais il se defendit fort bien. Tibers fit admener par force Iaqueline la mere de Galien, & la bailla a Anthoine de Thir, & a trois cheualiers, pour la faire mourir. Ils prindrent la Dame & la menoient brusler, dont elle dit, Helas faut il mourir a tort si vilainement? Oliuier mon amy, vous

GALIEN RESTAVRE

m'avez trahie : car vous deuez reuenir pour m'espouser, pour l'amour de vo^r i'ay nourry vostre filz qui m'a habandonnez pour vous aller querir, Mais fres me veulent faire mourir, souuerain Dieu que n'est icy charlemaigne & les cheualiers Francois. Quand galien ouyt ainsi la mere le cœur luy fremir, car elle regrettoit son pere Oliuier. Adonc galien promit à Dieu qu'es'il deuoit mourir qu'il secoureroit sa mere. Il alla avec les François lesquels frappaient dessus si vaillamment que tous fuirent en leur maisons. Galien se partit & alla vers ceux qui menoient sa mere sans que nul le suiuiſt, & quand ils le virent, ils se mirent en fuitte. Les François qui estoient en la bataille retournerēt en leur logis estoit clos de bons murs, il y auoit tours & bonne deffence. Ils fermerent les portes, & l'hoste dit, Seigneurs ne doutez rien car la maison est forte mais que vous deffendiez bien, i'ay pour viures vn an. Beuues le remercia grandement & luy dit, Sire nous auons perdu vn de nos parens qui estoit nostre secours, dont grandement nous desplaist.

Ceux de la ville vindrēt au logis criant, rendez nous cestuy qui a tué Burgaland ou nous vous ferons tous mourir. L'hoste respondit, Seigneurs parlez paisiblement, vous deuez aimer le cheualier qui a mis vostre sœur hors de danger, & vous l'accusez, à tort & maintenant vous luy voulez rendre paiement tres-cruel, & certes ie croy qu'à la fin vous en prendra mal, Allez vous en gloutons, & pendez bugaland, car il a bien defferuy, & cōbien que ie tiene mes terres de vous, ie ne vous daigneroye flatter, pendu soit qui vous flattera, car vous estes traistres, vous l'avez bien monstré auourd'huy. Quand Tibers l'ententit, il cuida sortir hors du sens, puis il cōmanda que l'hoste fust assailluy. Les Grecs habitans de la ville & autres, l'assaillirent incontinent, l'assaut fut grand, mais il ne dura gueres.

Ils firent tant qu'ils rompirent les murs en aucuns lieux, & monterent dessus. Ceux de dedans se deffendoient mout vaillammēt, mais quand ils virent que les meurs se rompoient, ils crierēt vn cry haut. Adonc Tibers dit a ses gens, il sont maintenant pris. Quand l'Euesque de Naples, Richard de la moree, Gautier de damas, Guichard prince d'Esture, & le duc d'Athenes entendirent les cris de ceux qui estoient en la maison, chascun d'eux alla en son logis, & firent armer leurs gens. Ilz estoiet quinze mille qu'a pied qu'a cheual, ils auoient promis à galien qu'il luy aideroient selon la verité. Chascun partit de son logis richement accoustrez, & vindrent tous ensemble, les Grecs estoient tous passez les murs, quand les Barons leur escrierent, disans, Faux traistres, vous faictes tort à ce ieune cheualier qui a gaigné le champ. Vous le voulez vilainement meurdrir, la trahison que vous avez commise appert bien maintenāt.

Quand les traistres les virent ilz furent bien esbahis, puis laisserent l'assaut & s'essemblerent. L'Euesques de Naples & les autres seigneurs commen-

L'HISTOIRE DE

cerent à frapper rigoureusement sur les Grecs, chascun d'iceux crioit son enseigne. Puis ils se sont mis en la bataille tant d'un party que d'autre. Beuues & Sauary escoutoient les cris & regardoient les champions qui se combattoient entre lesquels ils virent l'Euesque de Naples qui combattoit pour eux.

Ils monterent à cheual & sortirent du logis beuues vint le premier & frappa Henry dessus l'escu, & luy rompit la boucle d'or de dessus, & l'abbatit ius de son cheual. Sauary vint deuant Tibers & luy bailla si grand coup d'un espieu qu'il le mist par terre si rudement qu'on cuidoit qu'il fust mort. Les grecs vindrent avec eux, & ont remonté Henry & Tibers, adonc Tibers dit a son frere certes si nous demourons longuement icy nous serons mis a mort, alors Henry respondit: certes vous dites vray mon freres, car le plus ieune de tous a vaincu Burgaland, il nous vaut mieux fuir & partir secrettement vous & moy. nous donnerons aux barons qui sont autour de nous grand somme de deniers, a fin qu'il iugent nostre sœur a estre bruslee, & les tiendrons pour nos amis. Adonc Henry dit, Frere, vosdictes bien. Laqueline fut baillée a quatre cheualiers qui la menoient mourir. Tibers & Henry avec aucuns de leurs amis s'enfuierent, dont furent esbahis ceux de constantinople, l'Euesque de Naples & Guyon de Moree parlent a eux, & leur dirent qu'ils se rendissent, & qu'ils baillaissent leurs armes. Laquelle chose ilz firent tres-volontiers, & criet mercy, & beuues & Sauary leur pardonnerent. tous les autres barons furent bien marries de ce que Henry & Tibers estoient eschappez.

Comment apres que Galien eut gaigné le champ de bataille il poursuiuit les quatre cheualiers qui menoient mourir sa mere, dont il en tua trois.

Chapitre.

L X V I I I.



GAlien s'en va brochât des esperons pour atteindre plustost sa mere, & tât cheuaucha apres les quatre vilains qui menoient sa mere qu'il entra au bois, mais les traistres batièrent tant la dame tellement que le sang luy sortoit de tout costez dõt la damoiselle se print à crier à haute voix disant. Helas de malheure vous veis oncques Oliuier la grand amour que ie mis en vo^e me couste cher, a mon fils galien vo^e me seriez maintenât mestier.

Car à grand tort on me veut faire mourir, Vray Dieu qui te laiffas crucifier, & clouer de gros clous, & qui mourus au mont de caluaire pëdu en croix entre deux larrons pour le peché de nostre premier pere Adam, ainfi comme il est vray Iefus-christ pere droicturier, que mes freres me veulent faire mourir vueillez moy, refus dōner briefue allegance, & que ie voye encores vne fois mon filz galien Helas chascun me dit qu'il est bon cheualier, & qu'il a tué plus de dix mille payens, las s'il estoit icy il me viendroit aider. Helas vray redempteur du monde, donnez moy maintenant secours à ma neceffite, & me dōnez grace qu'auant que ie meure, ie voye mon filz galien. Si tost que galien entendit crier fa mere, il brocha marcepin son cheual tant qu'il trouua les quatre cheualiers qui menoient fa mere, ilz estoïent en vne lande deffoubz vne roche. La damoifelle estoit si lassée des coups qu'elle auoit receues, qu'elles tomboit par terre. puis les vilains gloutons la battoient pour la faire leuer. Quand galien les vit il se print a crier, & leur dit, ie vous iure mon ame que vous le payerez, laissez aller la dame, car vous la battez a grand tort. Quand les cheualiers virent galien, ilz dirent l'un a l'autre. Voisi le cheualier qui a mis à mort burgaland, il faut bien dire qu'ils cherche fa mort, quand il nous vient epier. Les quatre cheualiers brocherēt leur cheuaux, & vindrent vers galien lequel print son espée & brocha Marcepin vers eux, dont trois cheualiers le blessèrent, & luy entamerent & percerent l'escu, & le firent ployer sur le costé fenestre. L'autre blessa son cheual Marcepin. Adōc galien frappa le premier de son espée & luy fendit le heaume, & la teste iusques au menton. Puis il cheut mort par terre. Quand les autres le virent, ils cuiderent enrager & vindrent vers galien lequel se deffendoit vaillamment: mais nonobstant si fust il fort blessé. quand la dame les vit, elle fut fort esbahie, & se mit en fuite, Galien donna tel coup a Ferrant sur le heaume qu'il le fendit iusques aux dents, puis vint à Lorry, & le mit a piteuse fin. Galien fust bien marry qu'and il ne trouua point fa mere, car il auoit grand peur que les bestes sauages ne la deuorassent. Il lia ses playes le mieux qu'il peut, puis alla cherchant fa mere parmy le bois: mais elle fuit de buiffon en buiffon, de peur qu'on ne la trouuast. Tant chemina la noble Dame, qu'elle se trouua deffouz vn arbre d'ou sortoit vne mout belle fontaine prest laquelle s'assist la noble dame. Elle estant mout trauaillée, tant de la bature qu'on luy auoit faicte, comme de la peur qu'elle auoit eue commença a reclaimer nostre dame, luy priant qu'elle la voufist garder de villain tourment, & qu'elle peut deuant son desfinemēt voir son filz galien, & le comte Oliuier son mary. Apres la reclamation faicte, elle s'endormit aupres de la fontaine, car la nuit estoit venuë.

*Comment Henry & Tibers pendirent leurs sœur Iaqueline par les cheueux a vn arbre
& comment Galien couppa la branche & la garda de mort. Et com-
ment il les mena prisonniers à Constantinoble.*

Chapitre. L X I X.



Q Vand le matin fut venu, ti
bers & Henry vindrēt vers
le bois pour sçauoir que leur
sœur estoit deuenue, & com-
mēt ils cheminerēt vers la fon-
taine, ils la trouuerent dormāt
dont ils furēt fort ioyeux, & in-
continent descendirent de des-
sus leur cheuaux, & l'esueillērēt
en la battant de grād coups de
poing. Quand elle fut esueillēe
elle se trouua si esbahie que mer-
ueilles quand elle vit ses deux freres. Helas or suis ie bien mal arriuee. Et Ti-
bers, dit, Vous serez pendus par les cheueux, & puis vous occiray. Or me di-
tes comment vous estes eschappée des mains quatre cheualiers a qui ie vous
auoie baillēe pour vous mettre a mort, Helas plaise vous me laisser viures
en ce bois, & ie vous promets que iamais n'iray en vostre royaume, & ne me
monstreray a nul Tibers qui n'auoit point pitié d'elle, s'escria disant ainsi,
Folle ie vous occiray, ou ie vous osteray les membres du corps. A ceste pa-
rolle arriua le cheualier, lequel estoit eschappé quand le noble galien tua les
trois autres. Cestuy cheualier estoit nommé Amaury, lequel raconta à Hen-
ry & Tibers comment les trois compagnons auoient esté occis par le cheua-
lier qui auoit mis a mort burgaland, & comment la dame s'en estoit fuie par le
bois de peur qu'elle auoit de voir telle occision. Et apres que cestuy cheualier
eut racontē la façon & maniere a Henry & Tibers, il luy respondirent, couart
vous auez faussement menty : mais vous mesmes auez occis & tué vos trois
compagnons, dont vous le comparerez. Tibers & Hēry courroucez en leurs
cœurs, le prirent incontinent & le pendirent & estranglerent a vn arbre qui
estoit pres dela. Apres que les gloutons eurent faict mourir amaury, Henry
print la dame, & la pendit par les cheueux a vn arbre branchu. Quand elle se
sentit ainsi pendue, elle cria vn cry si haut & si piteux que merueilles tellemēt
que galien l'entendit, car il la cherchoit par le bois. Incontinent il picqua son
cheual Marcepin, tant qu'il vint au lieu ou sa mere estoit pendue. Quand il la


vit, il fut tant marry que merueilles, & luy saillirent grosses larmes des yeux, car, il cuidoit qu'elle fust morte. Il tira son espée Hauteclere, & du grand courage qu'il auoit, couppa la branche ou sa mere estoit pendue, & cheut la dame a terre, dont elle fut bien ioyeuse quand elle vit Galien, aussi fut il pareillemēt quand il cogneut qu'ellen'estoit point morte. Tibers & Henry cuiderent venir vers la dame, mais Galien les garda bien d'approcher, & les deffia. Les traistres coururent incontinent sur Galien l'espée au poing, mais il se deffendoit fort vaillamment. Il estoit mout foible car il auoit esté fort naué, & auoit beaucoup perdu de son sang, & failloit qu'il combattit cōtre deux hōmes courageux & hardis. Quand la dame vit galien qui pour l'amour d'elle combattoit, elle se mit derechef en fuitte, & comme elle couroit parmy le bois, elle rencontra beuues & Sauarry, lesquels queroient galien. Il y eut vn homme de constantinople qui leur auoit dit qu'il auoit veu galien qui suiuoit la dame, & les quatre cheualiers, & les auoit suivis iuques au bois, & que Tibers & Henry alloient apres. Quand beuues & sauarry virent la dame, ils ont prinse par la main, & luy demanderent d'ou elle estoit, & elle respondit. Seigneurs ie suis celle qui pour le champ fut faict hier au matin. Et ilz respondirent, certes Dame, le cheualier qui vo⁹ deffendit est bien vostre amy, nous auons eu grād peine pour luy, quand nous vo⁹ auons garantie de mort. Beuues vit la dame qui auoit la robbe & la chair deschirée, dont il fut fort esbahy, & luy demanda cōment elle estoit arriuée au bois, & elle luy racomta comment galien l'auoit garantie de mort, & dit. Il tua trois cheualiers en ce bois. Mes freres m'auoient pendues par les cheueux, & m'eussent faict mourir, si n'eust esté le cheualier qui m'auoit deffenduës, lequel estoit arriué, & auoit couppée la branche de son espée. Il est maintenant avec mes freres ou il combattent de l'espée & craignent la grand fureur de mes freres, ie me suis mise secrettement en fuitte. Quand beuues l'entendit ainsi parler, la couleur luy changea. Il regardoient la dame mout piteusement. Adōc Sauarry luy dit, Dame par la foy de cheualerie, il sera secouru au trenchant de l'espée. Puis la dame luy monstra le lieu ou elle les auoit laissez : mais ils ne marcherent pas long temps qu'ils ouirent le bruiet.

Tant fut la bataille fiere entre les champions que le noble galien fut mis par terre, mais incontinent il saillir sur ses pieds l'espée au poing, & se deffendoit fort vaillamment. Le cheual de galien vint à Tibers, & se leua debout, & le frappa si grand coup des pieds de deuant, qu'il le cuida confondre, puis l'empoigna aux dents, si fort qu'il luy froissa le harnois. Puis vint a Henry, & luy bailla si grāds coup des pieds de derriere contre le costé, qu'il luy rompit vne coste, & le coucha par terre. Quand il fut leué sur les pieds, il vint a galien d'vn costé, & Tibers de l'autre, & frapportoient sur galien si fierement que merueilles

& aussi galien sur eux de si grande & merueilleuse force que la bataille ne pouuoit finer. Quand Beuues & Sauary les virent, ils crierēt a haute voix, Vienne Et vindrent viftement au secours de Galien. Sauarry frappa Henry si fierement, qu'il l'abbatit par terre. Quand galien les vit, sa force luy redoubla & frappa Tibers de si grand puissance qu'il luy trencha le heaume, & luy tourna la coiffe, & luy trencha l'oreille, dont il cheut par terre, & Beuues luy print l'espee, qui estoit belle & puissante. Puis luy desarma la teste, & luy vouloit couper, mais galien luy donna respit iusques a ce qu'ils fussent a constantinople, a fin qu'on n'en fust iustice, telle qu'il appartenoit en tel cas. Beuues en fut fort ioyeux, & prirent les deux traistres, & leur mirent a chascun vn licol au col & les menerent en la ville de constantinople. galien monta sus son cheual Marcepin, bien en grand peine, car il estoit fort nauré : & tant auoit perdu de son sang, qu'il auoit le visage tout blanc. Quand la Dame les veit, elle eut grand peur : car elle les suioit de tous costez. Quand galien la vit, il en eut grand pitié Et luy dit ainsi, dame pour l'amour de vous, i'ay souffert tres grande peine, Adoncl la dame luy respondit Certes noble cheualier, i'ay enuoyé mon fils au noble roy de france, pour aller querir son pere Oliuier, le plus noble du palais Je suis demeuré seule sans auoir nuls amis. On m'a faussement accusez du cas que vous sçauetz, dont a grand tort vous & moy auons souffert & enduré grand mal. Je requiers & prie nostre seigneur iesus-christ, & a sa glorieuse mere qu'il leur plaise de vous rendre le merite, car vous auez ietté mon corps hors de grand tourment. Quand Tibers & Henry ouirent ainsi parler leur sœur, ils furent si marris que l'eussent volontiers meurtre. Alors galien print sa mere par la main, & la mit deuant luy, & cheminerent tant qu'ils furēt hors du bois, ou il trouuerent leurs gens lesquelz faisoient grand dueil, Guion le Duc d'athenes menoient grand dueil, aussi faisoit le seigneur d'esture, & Richard de damas, mais quand ils virent Galien & sa mere, il furent mout ioyeux, & les François encores plus, & generalement les grands & les petits, se resiouyssoient, parce que les traistres estoient prins. Adonc le commun retourna en la ville. Quand galien fut a constantinople il fit interroger tibers & Henry deuant tous les Barons, & ils cogneurent qu'ils auoient fait mourir le Roy hugon leurs pere. Les Barons dirent tous qu'on les deuoit trainer. Incontinent ils furent attellez a cheuaux, & trainez par la ville, & puis furent pendus au pied d'une muraille. Et Galien commença a dire deuant tous. Seigneurs vous auez la trahison, laquelle on disoit auoir esté faicte par la dame, & vous voiez bien le contraire.

Comment Galien fut couronné Roy de Constantinople.

Chapitre. L X X.

 Pres que Tibers & Henry furent pendus, pour la trahyson qu'il auoient commis, en faisant mourir leur pere par poison, Galien dit deuant tous les assistans, Seigneurs, or sont par leur trahyson morts ceux qui deuoient succeder au roy Hugon. La dame qui est icy present doit comme vraye heritiere, venir la succession de la couronne. Par quoy ie vous prie que luy vueillez donner mary qui soit noble & vaillant, pour maintenir la terre en paix, & le peuple en amour. Sire dit la dame. Ie prie au nō de Iesus que ne me parliez iamais de mariage, iamais ie n'espouseray autre que le Comte Oliuier, car nous auons promis foy & loiauté l'un à l'autre. I'ay vn beau filz de luy, lequel est allé querir, & quand il sera venu il m'espousera. Quand galien l'entendit, il ietta vn grand soupir, & luy dit, Dame sçachez ce vray que i'ay le cœur triste, quand me souuient du comte Oliuier. Les paiens l'ont occis en Ronceuaux, ie l'ay veu mort & vif, & ay parlé a luy. Sçachez aussi dame de vray, que ie suis galien vostre filz, qui partit pour l'aller querir, quand mon oncle Tibers me frappa de l'eschiquier.

Quand la Dame l'entendit ainsi parler, elle cria vn piteux cry, puis cheut palmeée à terre. Quand elle fut reuenue, elle commença à plorer, & vint vers Galien & le baïsa & accolla doucement que merueilles, & dit, Loué soit le fils de dieu, quand il m'a donné grace que ie trouuē mon fils, & que ie le voy en en santé deuāt moy. De tout mal que i'ay souffert, & enduré, il ne m'en chaut puis que i'ay recouuré mon enfant. Quand les Barons la virent, il en eurent pitié, tant que la pluspart plouroient, & disoient les vns aux autres, Ie pensoie bien que c'estoit il, mais ie n'en osoie nullement parler, de peur que ses oncles ne l'eussent occis. Tous les nobles Barons se sont assemblez en conseil, & conclurent qu'ils le feroient seigneur du pays. Incontinent ilz monterent au palais, & desarmerēt galien, Beuues & Sauarry, on fit venir medecins & cirugiēs pour guarir galein. La dame qui auoit tousiours le cœur a Oliuier plouroit sās cesser, mais galien la reconfortoit: disant ainsi, cest grand folie de tant plourer. mon pere qui est mort, puis qu'il n'a peu eschapper, priez dieu qu'il luy vueille faire pardon. Il faut que vous espousiez vn noble Baron, pour maintenir ceste terre. elle luy dit, Mon enfant ie vous prie que n'en parliez plus car iamais ie n'espouseray homme vivant, pour chose qu'on me die. Mais de present ie promets & voues chasteté a Iesus-christ, & veux estre Nonnain, & vous aurez la terre s'il vous plaist. Vous serez Roy, & maintiendrez le pais. Et tous les barons dirent qu'elle auoit bien deliberé, car il appartenoit mieux qu'a nul, qui

l'auoit vaillamment conqueſté, qu'a vn autre qui tout la nuit à dormy en ſon liſt. Tous les barons & nobles cheualiers du pais monterent au palais, & de toute la contrée ſe trouuerent, & tous enſemble couronnerent Galien ſomp- tueuſement & en firent grand feſte & ſolemnité.

Comment quinze Rois payens vindrent aſſaillir le chasteau de Mont-fuseau, ou eſtoit la belle Guinarde, & comment les Francois gaignerent l'eſtandart des payens. Chapitre. LXXI.



Quand les payens ſceurent que Galien auoit eſté long temps dehors du pais, ils penſerent qu'il fut allé a paris pour eſtre empereur, & qu'il ne retournaſt plus a montfuſeau. Ils aſſaillirent le chasteau de iour & de nuit, mais galié eſtoit a conſtantinople, au pais avec pluſieurs nobles barons, leſquels faiſoiēt vn ſomptueux diſner. Et ainſi cōme ils faiſoient bonne chere a ce diſner, vn meſſager arriua lequel entra en la grand ſalle, & ſalua galien en diſant. Noble Roy, Guinarde vous ſaluē, & vous prie au nom de ieſus- Chriſt qui ſouffrit mort & paſſion, que vous la ſecouriez, car les Sarrazins ont aſſailly le chasteau de Mont-fuſeau. Et y eſt Lamathour des cordes, le roy Fauſſeron, le Roy charion, d'alibrant de Cecille, le roy Rubion, Aquilant de Lucerne, le roy Amalegeres, le roy Amadō, d'Amible de Superne, Carbin d'airable le roi Connimbres, le roy Norion, Turfier de Luzebonne, & le roy Lucion. Ils ſont quinze rois qui ont iurē Mahom & Taruagant, que iamais ne retourneront qu'ils n'ayent arſe & brulez voſtre femme guinarde: par laquelle furent deliurez les Francois de la priſon. Et qu'ils vous feroient pendre, & Girard, Hernaud, emery, Savary & Beuues. Girard voſtre oncle eſt prins, & le tiennent en priſon, & croyez de vray qu'ils le feront mourir, ſi de brene le ſecourez, & galien l'entendit, il fut ſi dolent & marry que merueilles, & print vn couſteau & en frappa trois coups ſur la table, adonc il ſeleua, & ſe pourmenoît parmy le palais tant triſte & dolent. Et puis il dit à ces gens, Seigneurs ie vous prie qu'il vous plaiſe de venir avec moy, car il eſt de neceſſité. Adonc il fiſt ouurir tous les treſors du chasteau, qui eſtoient au roy Hugon, & les departit a tous tant que chaſcun en eut ſuffiſamment & beaucoup. et ils crierent tous a haute

voix. Sire quand il vous plaira vous partirez : car nous sommes tous deliberez de vous suivre, & ne vous laisseront iusques à la mort. Galien fut tresioieux quand il ouit le confort de ses gens, il fit incontinent crier son ban, que tous fussent prests & armez. Les barons firent charger les nefs de bled & de vin, de harpois & de cheuaux. Les preparations furent faiètes, & le tiers iour entrerent es nefs. Galien fit son hoste chastelein, car il l'auoit bien gardé en sa maison. Il print honorablement congé de sa mere, laquelle plouroit tendremēt & se palma tant auoit le cœur triste & marry. apres qu'elle fut recomfortée galien entra dedans la nef, avec Beuues & Sauary & tous ses gens, puis il descendirent les mats des nauires, & tant nauigerent par mer, qu'ils arriuerent à sauement au soir a ferme terre y auoit vn admiral puissant nommé Serbain. Galien print la cité, & fust ledict admiral lié estroiemēt, & puis il fut mis en vne prison. Puis apres ils marcherent par terre iusques a mont fuscau. Le messager Mauprin qui sçauoit les adresses, le conduisit, & logerena six lieue de l'ost de Lamathour. Le matin galien commanda l'auant garde a beuues, la uary & Emery, & leur fit donner de bons gens d'armes, tant qu'ils estoient enuiron dix mille. Ils firent Mauprin maistre comphanonnier. Incontinent l'ost commença a marcher les meilleurs & les plus grands deuant. Ils auoient deuant eux trois mille qu'archers qu'arbalastiers, ils passerēt vne plaine, & monterent vn grand rocher, & virent deux sarrazins qui espioient, & avec eux estoient deux mille autres sarrazins, qui menoient girard & Hernaud en prison lesquelz il auoient prins deux ou trois iours deuant, quand ilz saillirent pour auoir des viures pour le chasteau. ils les menoient attachez de cordes, & avec eux trente prisonniers attachez si estroiemēt, que le sang leur sortoit par les ongles, ilz prioient Iesus christ qu'il leur voufist aider, & disoyent a Galien, iamais ne nous verrez non fera pas la belle guinarde, Beuues & Sauary les ouïrent crier, il mirent la lance en arrest, & brocherent leurs cheuaux, tant que la rencontre fut grande, Beuues frappa Brandimur parmy l'escu, & luy trauersala lance parmy le corps. Sauary abbatit vn autre payen. Si tres vaillamment firent les François, que les payens se mirēt en fuite, & les gens de galien coururent apres. Mauprin deslia Girard & les autres prisonniers, & leur bailla a chascun cheuaux & armes. puis ils cheuaucherent apres les sarrazins au trauers d'vne impetueuse riuere. S'ils n'eussent esté bien montez, ilz eussent esté noyez. ils estoient bien trente mille sarrazins dont les françois en tuerēt bien dix mille, en contant ceux qui furent noyez. Le demourant se tourna en fuite. Parquoy beuues & sauary sont retournez ioyeux de ce qu'ils auoient recouuert girard & Hernaud, & les trente prisonniers, lesquels il baïsoient & acoloient souuent. Galien vint apres, & ses gens, lequel fut tres-joyeux Quand

il veit ses oncles, ausquels il demanda comment se portoit la femme guinard Girard luy respondit tout bas. Elle a beaucoup de necessitez, car les viures nous sont faillis il y a hui& iours, nous sortismes hors, mais les sarrazis nous prindrent, & nous menoiēt liez bien estroictement, Beues & sauary nous ont recoquers & gardez de mort. Puis que vous estes sain & sauf, secourrez la dame, car elle vous a bien aimé. Elle est en grand melancolie de ce que vous auez tant demouré. Cependant qu'ils discouroient ensemble, vn payen vint à l'Admiral, & luy dit Sire nous sommes eschappez des mains de galien, lequel ameine si grand nombre de gens qu'a peine les scauroit on nombrer, ils nous ont desconfits, & qu'asi tous tuez, mais nous nous sommes mis en fuite pour nostre vie sauuer, sçachez que si vous les attendez vous serez tous morts & desconfits, car se ne sont pas hommes mais diables, quand l'admiral l'entendit ces parolles il cuida enrager de despit il fist crier que inconainent chascun fust prest, les principanz coururent a l'estendar, chascun se prepara, ceux qui assailloient le chasteau furent si espouuentez qu'ils se laissoient cheoir, dedans les fosséz a grand troupeaux. L'admiral & ses gens se rengerent pour mieux faire, bataille, & dresserent leur estendart. Aquiland de corlande eut la charge de le garder, Galien fit ses approches des payens sans nul delay, Puis dit à ses gens, Seigneurs j'ay pitie de vous, car il faudra que soyez maintenant travaillée de frapper sur les mauidts mescreans. Je vous prie tous que chascun soit bon & loyal, & pensez chascun de prendre bon courage: car le grand dieu qui est lassus vous remunerera. A ceste parolle se sont tous embraslez, reuerant nostre seigneur qu'il leur voulist estre adiuteur. Puis se mirēt en bon ordre & s'en allerent par grand courage sur les payens, & l'assemblement des lances furent faicts grand noises & debats. Le noble galien honnestement s'emploit, girard & Emery frapportoient a vn costé, & beues, & Sauary estoiet dedans les tours. Et telle desconfiture fut alors faicte, que des payens en mourut bien dix mille & se reculerent vers l'estandart. Quand l'admiral les vit il cuida enrager de despit, & fit rallier les gens, & les fit venir sur les François. Guarin de neufmarge estoit la, qui rencontra le roy Corbion, & le mit a mort. Iosian du Plaisis occis le roy gracion. Les paiens occirent le duc d'Esture, Richard de la Morée estoit en grand danger, mais galien le vint secourir, & fierement trappoit sur payens. Quand il veit le duc d'Esture, il dit Ha faux paiens si mon espee ne rompt en deux, que de c'est an vous ne fistes pire folie. D'autre part galien vit le Visconte de Naples en grand danger, dont Guichard de la Morée s'escria, disant. Ha sire. Galien, nous auons maintenant mestier de vous, & si vous ne nous secourez, i'amaies n'eschapperons d'icy sans mort. Quand Galien l'entendit, il appella Beues, Emery Girard Hernaud & Huon, & leur dit a haute voix. Barons suyuez moy maintenant, & vous tenez serrez, car les payens

sont forts & ont si grand nombre de gens, que c'est grād pitié, & si dieu ne bataille avec nous, nous ne les desconfirons point. ie vous prie que nul ne se faigne & i'espere que dieu nous aidera. Ils respondirent, nous ferons ce que vo⁹ commanderez. Galien brocha son cheual, & passa au trauers du destour de Compharion, & frappa le Roy machabre, si vaillamment, & de telle puissance qu'il perça a trauers l'escu, & le corps, puis cheut tout mort par terre, puis il tira son epee Hauteclere, & vint a vn autre, & luy donna si merueilleux coup, qu'il tomba de dessus son cheual mort par terre. Hernaud occist le roy Fausse ron, & Girard vint a Salepren, & le mist ius de dessus son cheual & tomba mort par terre.

Emery occist le roy Corbon, & Beuues frappa de si grand puissance qu'il sembloit que ce fust vn lyon, tant auoit merueilleux courage. Et bres plus de dix mille paiens moururēt. Salomon fut rescours par les chrestiens, & estoient en grand doute par le duc d'esture. Galien fit sonner vn cor & alia ses gens & chasserent les paiens iusques à l'estandart, & en firent grande occision. Galien print courage, & vint à Aquillant de corsande, & à vn autre roy. Les payens se mirent en tuitte, & les françois couroient apres, les payés alloient disant les vns aux autres, nous sommes bien mal'heureux quand ainsi nous laissons desconfire aïces chrestiens. L'admiral est bien fol de penser auoir les françois, galien donna tel coup sur l'estandart des paiens que leur dieu Iupiter & Tauragant cheurent par terre, & se rompirent par pieces, dont les paiens furent fort desplaisans. L'admiral cuida entager quand il vit que son estédart estoit perdu & qu'il voioit les gēs fuire de toute parts, il les cuida r'assembler mais il ne peut car ilz tuyoient d'vn costé & d'autre. Galien vint frapper vn Turc, l'vn des merueilleux qui fut en toute Turquie: car il estoit grand & robuste, le visage auoit si furieux que nul ne l'osoit regarder, & tel coup luy donna Galien sur le heaume, qu'il le fendit iusques aux dents. Beuues & Sauarry frapportoient sur payens mout fierement. L'admiral cuida perdre le sens, quand il veit les françois si victorieux. Incontinent ils s'enfuit & n'emmena avec luy que le quart de ses gens, & en s'enfuiant disoit qu'il feroit pendre ceux qui auoient laissé perdre son estendart.

Comment l'Admiral s'enfuiroit au chasteau de Montiardin, & comment Galien le suiuit apres qu'il eut baillé des viures à la belle Guinarde.

Chapitre.

L X X I I.

VOyant l'Admiral la desconfiture de ses gens, il fust desplaisant en son cœur, & le mit en tuitte. Galien, & les autres François mettoïēt tout au trenchant de l'espee. Plusieurs payens furent occis sur le bort de la mer, & les

autres noiez, & tant y en eut de morts qu'on n'en sçauoit le nôbre, ceux qui eschapperent fuyrent avec l'admiral en vn chasteau nommé Montiardin.

Quand Galien vit que les payens auoient tout abandonné, il vint en leur tentes où il trouua de moult grâdes richesses, lesquelles il fit porter au chasteau de Mont-fuseau. Quand Galien entra au chasteau, il fut moult desplaisant en son cœur, car il vit les murs abatus, les fosses réplis, les palais rōpus, les salles gastes les tours demolies, & la porte par terre, les cheualiers, bourgeois, Bourgoites, & tous les habitans estoient si affamez, qu'ils estoient tous descoulourez. La belle Guinarde auoit ia esté deux iours sans manger, mais quand elle sçeut de vray que Galien estoit venu & qu'il auoit deliuré ses deux oncles, & que les Payés estoient desconfits, elle mena grand ioye, & alla au deuant de Galien, & le baisa & accolla doucement, & quand il la vit si maigre il luy dit, Dame vous auez eu famine, dont il me desplaist, & elle luy respondit. Sire il ne m'en souuient plus, mais si vous eussiez plus longuement demeuré ie fusse morte de douleur & tourment. Lors ils monterent au palais pour prendre leur refection, incontinent le soupper fust prest, les nappes mises, puis Galien s'assit & la belle Guinarde aupres de luy, Galien dit, Seigneurs & Dames faites bonnes cheres, car nous auons viures assez, vous auez esté vn petit affamez; mais Dieu vous à aidé. Quand chascun eut prins son repas les tables furent ostées, puis Galien fit appeller tous les habitans de la ville pour sçauoir qu'il auoient perdu tant de bien meubles qu'en maisons brulées, & quand chacun eut dit son dommage il les restitua de leur pertes. Il departit à ses gens d'armes tant grâds que petits tout le thresor qu'il atoit conquis, tant qu'ils disoient les vns aux autres Dieu vueille maintenir Galien, car il nous a donné tout ce qu'il à conquis sur les Sarrazins. Chacun se coucha & reposa ceste nuit. Le matin Galien commada aux cheualiers qu'ils fussent tous prests, pour aller apres les sarrazins. Volontiers le firent & quand ils furent tous prests, ils les suivirent iusques au chasteau de Montiardin. Mauprin qui la present estoit dit à Galien, Seigneur Galien, ie vous prie amenez vistement vos cheualiers, & j'iray deuant contrefraire l'espée, & si ie puis i'entreray au chasteau, car ie sçay bien parler leur langage, ie suis sarrazin & si ay tenu la loy de Mahom, mais dieu mercy ie suis baptisé & si veut viure & mourir bon chrestien en vostre foy. Si ie puis estre dedans, ie vous y mettray maugré toute leur puissance. Allez dit Galien. Il pria dieu le createur tout puissant qu'il vous vueille bien conduire. J'iray apres vous avecques mes gens, & logeray mon ost deuant le chasteau, & s'il sortent nous combattrons contre eux, mais montrez nous enseignes. Mauprin respondit. De cela n'ayez doute: car ie ne faudray pas. Il print cōgé des François, & s'en alla vers les paiens sur vn rousin, & quand il veit le chasteau, il descendit de dessus son cheual en la pree, il print vn baston qu'il trouua sur la terre, & le tenoit en la

main, il cheminoit pas a pas, & s'appuioit sur ledict bastō & feignoit estre boiteux. Quand les paiens qui estoient au chasteau le virent, ils dirent. Voicy vn sarrazin qui vient fort se complaignant, il est durement nauré, car il ne peut marcher, ouurez luy tost la porte & le faicte boire & manger, car il en a bon mestier. Mauprin alla iusques au maistre donion contrefaisant le boiteux, on luy ouurit la porte, & quand il veit les payens il semit a genoux & les salua de Mahom & de Tauargant. Les payens luy demanderent dont il estoit, & il leur respondit. Seigneurs i'ay grand despit que vous me demandez dons ie suis, ne me cognoissez vous pas bien. Non ce dirent les payens, si tu ne nous dis ton nom, & il dit ie suis le Baron Mauprin. Les François ne prindrent long temps & m'ont tenu en prison a mont-fuseau, Le mary de la fille a esté long temps hors du pais, mais il est reuenu avec grand nombre de gens, & pour la grand ioye de sa venue. Guinarde ma mis hors de sa prison, & m'ont donné a boire & a manger, ie sçay autant de leur affaire qu'homme du monde. Les paiens le mirent au chasteau. Quand mauprin fut entré on ferma la porre, on le mena en la salle, on luy demanda comment les François auoient ordonné leur armez. Il y auoit vn admiral & vn roy paien si fort, il estoit venu au secours de l'admiral. Cestuy admiral dit a mauprin. Ie te promets que les François sont mauuaises gens en bataille, ils ont deffaict nos gens depuis trois iours: nul ne les peut vaincre au trenchant de l'espee, Sire dit Mauprin, vous dictes verité ils ont mis a mort beaucoup de vos gens, & feront encores, deuant qu'il soit nuit si vostre armez n'est bien ordonnée par bon moyen & bon conseil, car galien vient & admeine plus de trente mille combatans. Adonc l'admiral dit, he las nous ne demourerons gueres deuant eux. Adonc Mauprin luy respondit, si ferez. Sire admiral n'en faictes pire chere: car tāt que i'ay esté en leur prison i'ay entendu dire par les gens de leans, la maniere comment ils prennent les chasteaux en France, & pareillemēt la maniere de leur deffendre, car si i'estoie en ce chasteau & cent hommes avec moy, ie destruyroie toute l'armée des François & ne craindroie chose qu'ils sçeussent, faire, & fussent ils deux fois aurāt Adonc l'admiral luy dit, si vous voulez dire la maniere, ie vous donneray tant de richesses que iamais n'en aurez faustes, car i'ay grād desir de mettre afin les chrestiens, Sire admiral dit Mauprin, ie suis en ce lieu pour vous aider, car iamais ne les vaincrez sinon par moy ie sçay leur maniere de faire, L'admiral pria derechef Mauprin qu'il le voulist loyaument conseiller, & Mauprin luy dit. Quand vous verrez venir les François loger deuant le chasteau & à l'entour, vous attendrez iutques au soir, puis ferez appareiller le roy Brisemur, lequel menera avec luy dix mille hommes & irons coucher dessus le bois cy pres, & ne sonnerēt mot iusques le matin qui sera le iour, puis vous me baillie-

rez vn bon cheual & iray au françois comme messaget, & leur diray que vous n'aurez que manger, & qu'ils viennent hardiment en ce chasteau, & que vous leur rendrez sans danger, & quand ilz viendront au chasteau, ie seray sur la porte pour mieux les tromper, & en laisseray entrer dedàs deux ou trois cens & quand ils seront vers le palais, vous les ferez tous occire, & le roy Brisemur viendra par derriere, & occira ceux qui seront dehors. Quand l'admiral l'entendit, il dit Mauprin cher amy vous auez bien deuisé, ie vous prie mettez la chose en effect. Mauprin luy accorda: mais garde n'auoit de ce faire car il ne desiroit que la mort des payens, & ses gens cheuaucherét tant qu'il arriuerét deuant montiardin, auquel lieu posèrent leurs pauillons, & y logerent iusques le matin. Le Roy Brisemur, & dix mille payens s'en allerent au bois pour faire l'embusche. L'admiral prioit souuent Mauprin de mettre la chose a fin & que plusieurs biens luy feroit.

Comment Galien tua Brisemur, & comment il print le chasteau de Montiardin. Chapitre. LXXIII.



Esl'e point du iour, l'admiral vint a Mauprin, & luy pria qu'il accomplist le conseil qui luy auoit donné afin que les chrestiens fussent tous occis. Mauprin luy respondit, s'il vous plaist de me donner congé volontiers iray, & leurs diray le comme nous l'auons conclud. Et l'admiral luy octroia, mauprin print vn cheual & monta dessus, puis sortit de-

hors du chasteau, & cheuaucha iusques a l'ost de galien, Quand Galien le vit il luy dit, Mauprin comment vous va vous auez vn autre cheual que n'auiez hier, Il est vray dit Mauprin & si ay tant fait & que ceste nuit logerez au chasteau de moniardin. Galien le remercia luy demandant par quel moyen. Mauprin luy dit, Sire i'ay dit a l'admiral que ie vous feroie entré au chasteau pour vous faire mourir. Et en bref luy conta toute la maniere & comment brisemur estoit au bois embusché, Quand galien l'entédit il fut mout ioyeux & se mirent chascun en armes, vistemment allerent assaillir les dix mille paiens qui estoient embuschez dedans le bois, Mauprin s'en retourna au chasteau, dont l'admiral fut tresioieux: mais il ouit les coups que les françois frappoiēt sur les

sur les paiens qui estoient au bois, dont il auoit grand doubte, nonobstât il enquist mauprin, & il luy dit que les François venoient au chasteau. Adonc l'admiral dit par Mahom, ie suis en fatisie, car il me semble que i'oy les espée frapper sur les heaumes, & mauprin luy respondit, Sire sçachez pour vray que ce sont les François que i'ay ven & cudent maintenant entrer au chasteau, mais nous les ferons mourir de mort eruelle. Adonc on laissa cheoir le pont du chasteau & ouurist on les portes. L'assaut fut dedans le bois, tellement que plusieurs payens moururent. Mauprin alla vers l'admiral & luy dit. Sire ne faillez pas qu'incontinent qu'il seront passez la portes qu'ils ne soient tous occis, car ie fermeray incontinent la porte. Quand le roy brisemur qui estoit au bois veit Galien, il s'escria, & les paiens sortirent sur les François. Galien mit la lance en l'arrest, & brocha son cheual vers brisemur, & se donnerent sur leur escus de si grands & merueilleux coups, qu'il les fendirent par dessus les boucles, & estoient les lances si fortes qu'il cheurent tous deux par terre. Ils sortirent sur les pieds, & brisemur tira son espée & frappa Galien sur le heaume si fierement qu'il abbatit les fleurs & les pierres, le cercle estoit si fort, que l'espée ne le peut entamer: mais coula sur l'espaule, & luy desmailla bien cent mailles de son hauberon, & luy couppa l'esperon de derriere, tant que l'espée entra bien vn pied en terre. Quand Galien sentit le coup, la couleur luy changea, & dit paien vous estes a priser: car vous maniez bien vn espée. Je vous prie dictes moy vostre nom. Certes vous ne le deuez pas celer. Le payen luy dit, François ie ne le nie pas. Sçachez que i'ay nom brisemur, ie suis frere de rurfier, il ny a si fort mur au monde que ie ne mette par terre, & Galien luy dit. Sçachez payen que i'ay nō brise teste, c'est bien dit, ce dist le payen, a tel pot telle cuiller. Lors Galien haussa son espée, & frappa de si grand force sur brisemur qu'il luy fendit la teste, & cheut mort par terre, & les François eurent tost vaincus les dix mille paiens qu'ils auoient mené audist bois. Puis apres ils vindrent au chasteau & on leur ouurist les portes mauprin estoit a la porte coulisse, & l'admiral cuidoit qu'il d'eust vistement aualler la porte quand il verroit entrer Galien & trois ou quatre cens des Barons, mais il n'auoit garde, car il laissa entrer tous les François dedans le chasteau. Galien auoit son espée en sa main, & eōmença a frapper, ausi fit girard hernaud, Beuues, Sauarry, & les autres François en telle façon qu'is tuoient hommes, femmes & enfans, sinon qu'ils voussissent croire en Iesus-christ. Quand l'admiral veit telle occision de paiens, il s'escria vers Mauprin disât mauprin laisse cheoir la porte coulisse. Non feray dit mauprin, si dieu me peut sauuer. Quand l'admiral entendit que mauprin parla de dieu, il cogneur bien qu'il estoit trahy & le coniura, disant ainsi, Mahom mon dieu te puisse confondre: & du courage qu'il eut se mist en la bataille des plus avant: tellement qu'il rencontra Galien deuant luy, mais incontinent qu'ilz

s'entreurent ils prindrent courage tant que Galien vit incontinent vers l'admiral & tel coup luy donna que du coup luy trencha la teste de dessus les es-paules, puis rompit les prisons & deliura les prisonniers & les fist monter sur bons cheuaux, oncques paien ny demoura qui ne fust mis a mort, il fit abbatre le chasteau de mont-iardin, & fit porter toutes les bonnes pierres à Mont-fuseau pour refaire le chasteau & la ville. Galien & ses gens s'en retournerent ioyeusement louans Dieu de la victoire qu'il auoient eue. Guinarde vint au deuant de galien en mout grande ioye. Les nobles cheueliers entrèrent à Mont-fuseau ioyeusement.

Incontinent galien manda querir les massons de toutes parts, & fit refaire la ville & le palais à ses propres deniers, il restaura a chascun ce qu'il auoit perdu il demoura en bonne paix & vnion avec ses gens, & souuent remercioit nostre Seigneur de la victoire qu'ils auoient eue contre les payés. girard & Hernaud eux cognoissant que Galien estoit en bone paix, & aussi que long temps auoit qu'ilz n'auoient esté en leur pais, vindrent a Galien & luy dirent, Beau neueu dit Hernaud, iem'en veulx aller visiter mon pais: car vous sçauiez bien quel long temps a que i'en y fus. Et moy aussi dit girard, & meneray avec moy Beunes & Sauary, & mon neueu emery. Quand galien entendit qu'ils s'en vouloient retourner, il fut si dolens qu'il n'est possible de le croire, & se prindrent tous à plourer. Tous les nobles Barons se prindrent à ietter grosses larmes des yeux tant estoient desplaisans. girard appella Galien & luy dit. Mon neueu, ie vous prie que tousiours soyiez loyal & doux, & n'entretenez point flatteurs ne mé-teurs, soyiez large & chascun vous aymera. Honorez Dieu & sainte eglise, & de chascun serez honoré. Laquelle chose Galien promist d'ainsi faire.

Comment apres que les oncles de Galien furent departis, il donna son royaume de Mont-fuseau à Mauprin, puis s'en alla à Constantinople, & mena sa femme la belle Guinarde.

Et comment il mourut en Roncevaux aupres de la sepulture de son pere Olivier.

Chapitre.

L X X I I I I.

Ustost que Galiē vit que son oncle girard se vouloit departir de luy, il luy donna trois somniers chargez de fin or pour faire ses despens. Il print congé de la belle guinarde, laquelle fut tres-mariée de son departement, & le remercia humblement de la bonne compagnie qu'il luy auoit tenuë, & de la peine qu'il auoit eu de aider a galien a conquester le pais. Il emmena avec luy Beunes & Sauary, Hernaud se departit aussi & mena avec luy son filz, galien les conuoioit assez loing, & la print congé d'eux si piteusement que les grosses larmes leur sailloient. Il n'eust eu si dur cœur qui n'eust pitié de les voir. Il les baïsa tous l'un apres l'autre, & aussi fist guinarde & ses barōs, Apres le con-

gé prins galien guinarde & les autres barons s'en retournerent à Mont-fuseau & reconforterent ceux qui estoient orfelins, & les femmes veufues, & maria richement les pauvres pucelles. Vn iour Galien estoit en son hostel, il souuint de son pere Oliuier, dont le cœur luy souspira. Adonc il dit a la belle guinarde qu'il vouloit aller a Constantinople, laquelle chote il fit, & bailla tout le pais en garde à Mauprin, & aussi donna a Durgand le portier grand terre, Il prepara son faict, les nauires furent prest, puis entrerent dedans, & tant nauigerent par la mer, qu'il arriuerent par vn Samedy au port de saint George, et quand ils furent arriuez & que ceux de Constantinople sceurent la venue, ilz allerēt au deuant en procession & triumphe, Apres les solennitez faictes, il couronna guinarde Royne de Constantinople apres la messe ouie, presens tous les Barons du pais, & dura la feste vn mois entier. La noble dame mourut sans auoir nulz enfans, dont galien eut tel courroux en son cœur, qu'il print vn pauvre habit & se partit de Constantinoble secrettement & s'en alla querant sa vie mout pauurement par le pais, & tant chemina qu'il arriua en Ronceuaux ou Oliuier son pere estoit enterré. Quand le noble Galien fut pres de la sepulture de son pere, il commença a faire les plus merueilleux regrets, pleurs & lamentations qu'il eust esmeu toute nature humaine à plorer. Apres qu'il eut faict plusieurs pleurs & regrets son noble cœur se serra si fort qu'il cheut a terre tout pasmé, & la demoura longue espace de temps, puis quand il fut reuenu, il se declara à ceux qui pres de luy estoient qu'il estoit Galien filz d'Oliuier le marquis, & de Iaqueline fille du roy Hugon. Apres qu'il se fust déclaré il ioignit les mains, puis fit vne mout belle oraison a nostre Seigneur, disāt ainsi O dieu eternal, gubernateur de tout le monde, ie te suppie qu'il te plaise au nom de ta benoiste passion laquelle tu souffris pour no^r racheter des peine d'Enfer, que tu aies pitié de ma pauvre ame, puis renuerfa les yeux enuers le Ciel & rendit l'esprit a nostre Seigneur. Ceux de ronceuaux manderent incontinent a ceux de Constantinople commēt il estoit mort, lesquelz le vindrent querir, & noblement l'ont enterré dedans Constantinoble. Vous pouuez proposer que son ame est au royaume descieux, en laquelle nous vucille conduire le pere, le Filz & le saint Esprit.

Ainsi soit-il.



Comment Charlemaine fit venir deuant luy le traistre Ganelon en son palais de Laon, o il le voulut faire mourir, mais il demanda champ de bataille contre le Duc d'Anjou, lequel luy accorda, & comment le traistre fit ferrer son cheual à rebours & s'enfuit. Chapitre. L X X V.



Pour ce qu'il à esté cy deuant fait mention de la mort de Roland, d'Oliuier & des autres Pairs que Ganelon vendit aux païens lesuelles choses n'auôs point dit cy deuant, cōment le traistre ganelon fut puny, mais a esté par auant dit comment il fit la trahyson. Pour ceste cause c'est à sauoir, qu'apres que charlemaine eut vaincu le roy marfille & belligant, & qu'il eut fait enterrer les morts & eut fait chanter pour leur ames, il retourna en france, & ne cessa oncques de cheuaucher tant qu'il vint à Laon Laonnois, Quand il fut arriué en son palais, il enuoya querir le traistre Ganelon pour en faire le iugement. Et quand il fut deuant l'empereur, il luy dit. Traistre vous m'auiez bien faussement trahy moy & mes gens dont en serez puny griefuement. Ha dit Ganelon, Sire vous m'accusez à tort iamais ie ne pensay à commettre tel cas. Par dieu, ce dit le duc d'Anjou, vous mentez faussement ie le veux prouuer au trenchant de l'espée, & voyez la mon grand de bataille que ie iette. Et Ganelon le leua, & le duc demanda pleige. Adonc les parens de Ganelon le pleigerent & promirent sur leur vies de le ramener le matin. Le champ fut esleu, & charlemaine donna Ganelon à ses parens sur le conuenant qu'il auoient dit. Ainsi fut-il fait: mais les traistres luy donnerent vn cheual qui courroit comme vn cerf, & luy firent ferrer les quatre pieds au rebours. Et quand ce vint le lendemain, ils le representèrent au champ, mais quand il fut dedans il picqua son cheual si roidement des esperons, qui s'enfuit deuant tous. Adonc charlemaine dit, courez apres, & qu'il me soit ramené, celuy qui me le liurera ie luy dōneray grand loyer, Adonc coururent de tous costez. Il fut suivy, mais ce fut pour neant, car les fers du cheual venoient contre eux. Quand les François eurent long temps couru apres, par l'espace de sept ou hui & lieues & ilz virent qu'ils ne le trouuoient point, & n'auoient ouy nulles nouuelles, ils s'en reuindrent deuers charlemaine, lequel cuida forcener, quand il vit qu'il

ne l'auoit point admené. Et quand le Duc d'anjou vit qu'ils ne l'auoient point trouué, il cuida perdre le sens du courroux qu'il auoit & vint à charlemaigne & luy promit que iamais n'arrestoit en ville ne cité tant qu'il l'auoit trouué. Et dit qu'il ameneroit au maistre d'onjon du palais. Quand charlemaigne l'entendit il fut mout ioyeux, & luy promit de luy faire plusieurs biens, s'il luy admenoit. Alors luy donna charlemaigne dix mille hommes pour garder tous les enuirs du pais, & leur dit que s'il le pouuoient prendre qu'ils les feroient tous riches. Adonc le Duc Thierry d'anjou print congé de charlemaigne, & s'en partit avec douze mille hommes, lesquels estoient bien armez & montez sur bons cheuaux arragonnois, & s'en vont trauffer & chercher par toutes les terres de Laon.

Or dit l'histoire que Ganelon s'en vint tousiours brochant son cheual iusques a vn bois ou il se cacha au plus espais buisson qui peut trouuer. Et quand il fust pres de la nuit, il descendit, & lia son cheual à vn arbre, puis il monta dessus vn rocher & monta sur vn haut arbre, pour veoir s'il verroit quelque maison pour se loger. Quand le traistre fut au haut dudit arbre, il veit plus de dix lieues, à la ronde les gens d'armes de charlemaigne, qui auoient enuironné tout le pays, dont il fut bien esbahy. Lors descendit, & pensoit que s'il pouoit eschapper, que point ne les redouteroit. Il vint à vn arbre ou il auoit lié son cheual, mais il ne le trouua point dont il fut fort courroucé. Le cheual s'enfuit par le bois, & sentit les autres qui hannissoient sur les champs, & les cherchoit. Les François venoient courant a brides auallée deuers le bois, & rencontrent le cheual de Ganelon. Quand le Duc d'Anjou le vit, il le fit prédre, & luy fist hausser les pieds, & fut trouué qu'il estoit terré le deuant derriere, dont fut moult esbahy, & dit à haute voix, Seigneur sçachez que Ganelon est pris d'icy, ou il est mort ou prins. Voicy son cheual Arragonnois.

Ira cussiez veu courir les gens parmy le bois bien eschauffez, ils alloient & venoyent le cherchant, mais ils ne pouoient trouuer le chemin par ou le cheual estoit issu. Alors le Duc d'Anjou commanda qu'on cherchast vitemment les pas du cheual, lesquels il trouuerent, & les suiurent, mais auant qu'il les peussent trouuer, ils demurerent trois iours a les chercher de tous costez enuiron le bois. Ganelon estoit dedans, ou il mouroit de faim & de soif, dont il auoit le visage tout descouluré. Et quand vint le troisieme iour, il saillit, des larris ou il estoit, & se mit hors du buisson pour soy desarmer, il despouilla son haubert & son riche blason, son heaume & son espée, & toutes ses armes. Puis de peça sa iaquette en plus de cét lieux, & print vn baston en la main, & chemina toute la nuit, iusques au point du iour, & vint a trois lieues pres d'un village, ou il cuidoit que les cheualiers de Charlemaigne ne fussent pas espandus iusques la, & luy estoit aduis qu'il estoient passez en autre region.

L'HISTOIRE DE

Et ainsi eóme il venoit au village pour repaistre, il disoit a soy mesmes que s'il pouuoit gaigner quelque maisons qu'ils s'abilleroit en tel estat que les François ne le scauroient cognoistre. Il approcha du viillage, vn baston en sa main mais ainsi comme Dieu le vouloit, auant qu'il entrast en aucune maison, il fut rencontré d'vn noble & vaillant cheualier nommé Gautier, natif de Dijon, lequel l'aduisa comme il estoit ia pres d'entrer dedans. Le Cheualier saillit incontinent sur pieds, & regarda les manieres de Ganelon, & vint a luy l'espée au poing, & luy dit, Traistre foy que ie doy à Iesus-christ tu es mal arriué, ie te couperoy la teste si ne fust que Charlemaigne te veut encores voir, & te faire mourir à sa volonté. Adonc le print, & le lia, & le mena au duc d'Anjou, lequel remercia Dieu le createur, quand il le vit. Incontinent le fit enfermer, & puis le mena à Laon en Laonnois, ou estoit Charlemaigne avec plusieurs noble Cheualiers de France.

Comment Pinabel neuueu de Ganelon demanda la iouste pour son oncle : & comment il fut vaincu, & Ganelon tiré a quatre cheuaux. Chapitre. LXXVI.



Quand Ganelon le traistre fut prins, le duc d'anjou le mena lié bien estroitement en la ville de Laon en Laonnois, & le presenta à charlemaigne. Quand il le vit, il n'en eust pas voulu tenir tout l'or du monde. Tantoost man-

da ses barons pour en faire le iugement. Et quand ils sceurent la prise de Ganelon, tous vindrent de bon courage. Charlemagne leur dit, Barons, ie vous ay mandez, afin que vous faciez le iugement du traistre Ganelon. Les barons dirent que volontiers le feroient. Lors le iugerent à mourir de grand tourment. Quand Ganelon entendit la sentence, il souspira, & dit. Sire empereur, vous me faictes tort : car iamais ne pensay au crime dont vous m'accusez, & n'euy iamais volonté de trahir les pairs de France. Vous mentez dit charlemagne, vous estes traistre prouué. Par vous l'ay perdu ce que plus l'aymoie, parquoy vous mourez de griefue mort. Adonc Ganelon se print à plorer. Lors arriua Pinabel son neveu, & dit à charlemagne. Sire roy vous accusez mon oncle a tort, car oncques ne pensa la trahison. Et si l'y a aucun qui die le contraire ie le veut combattre. Charlemagne fut en son cœur moult courroucé. Et dit a Pinabel, Glouton ton oncle est iugé: parquoy point de champ de bataille tu n'auras. Vistement trente parens de Ganelon commencerent à crier haute voix, & dire. Sire Empereur faictes nous droict, car qui demande champ de bataille selon droit, il est raison qu'elle luy soit oïtroice, parquoy s'il vous plait vous permettrez la bataille estre faicte. La estoient presens le Duc Naimés de Bauieres, Oger le Dannois, & Richard, lesquels dirent qu'il leur accordast, de peur d'auoir reproche le temps aduenir, & luy dirēt, sire on pourroit dire que vous l'auriez faict mourir par faux iugement. Adonc le duc d'Anjou demanda la bataille. Et le roy Charlemagne qui auoit le cœur marry s'y accorda. Lors les champions s'en allerent armer.

Après qu'ils furent armez, ilz entrerent au champ de baille, & firent les sermens accoustumez en telz cas. Après que le roy eut reçu lesdits sermens, ils entrerent au champ, la lance au poing, puis picquerent leurs cheuaux & se rencontrerent l'un contre l'autre de si grand roideur qu'ils percerent leur escus. Pinabel rompit sa lance par esclats, & le duc d'anjou rencontra Pinabel par si grand puissance qu'il renuerla homme & cheual par terre : mais le traistre faulta incontinent sur ses pied, & tira son espée, & vint au cheual du duc d'anjou & luy trencha la teste, & cheut le duc par terre, mais il se releua legerement & vint à Pinabel l'espée au poing: mais Pinabel luy bailla si grand coup sur le heaume, qu'il luy trencha la coiffe, le canal & la boucle, & si l'espée ne fust tournée au fenestre costé, il y eust trenché la teste. Et quand le duc sentit le coup il fut bien estonné. Puis il vint vers Pinabel, & luy bailla si terrible coup sur le heaume, qu'il luy trencha les cercles, la coiffe, & la iouë, & deuala l'espée, & luy trencha l'espaule fenestre, & cheut mort par terre, & cria un merueilleux cry, & le duc luy trencha la teste. Adonc demena grand ioye le roy charlemagne, & fit amener le traistre Ganelon pres de saint Martin hors la

ville de Laon, & dit à haute voix deuât toute la lignée qu'on luy amenaſt quatre cheuaux pour le demembrer. Et quand ganelon fut deuant toute la baronnie, il fuſt deſpouillé en chemiſe. Et puis fut ingé d'eſtre tire a quatre cheuaux. Le bourreau vint, & puis l'attela a quatre cheuaux, c'eſt a ſçauoir aux pieds & aux mains, & ſur chaſcun cheual auoit vn homme pour le chaſſer. Et quâd le traître Ganelon fut bien attaché, le bourreau & ſes varlets frapperent les quatre cheuaux, leſquels tirent ſi fort qu'il fut demembré & mit en piéces. Puis charlemaigne luy fit trencher la teſte, & la fit mettre au bout d'vne lance laquelie fut poſée au plus haut de la tour de laon, pour mieux la veoir & regarder. Les quatre membres furent pendus és quatre meilleurs villes que charlemaigne euſt. Puis il fiſt bruſſer le corps, & ietter la cendre au vent. Son neveu pinabel fuſt pendu aux fourches, au lieu où fut faiçte la bataille. Les parens & amis furent bien courroucez de leur mort & iurerent dieu qu'vne fois ſeroient dolent & marry charlemaigne. apres que tout fut faiçt, charlemaigne manda le duc d'aniou, & luy donna toute les terres & ſeigneuries que Ganelon tenoit, dont grandement le remercia. Et les parens & amis de ganelon retournerent en leur pays bien mal contents de charlemaigne.

Cy finiſt les Prouèſſes & vaillances de Galien Restauré, fils du noble Oliuier le Marquis, & Pair de France, & de la belle Iaqueline, fille du noble Roy Hugon Empereur de Conſtantinople. Imprimé à Troyes, chez Nicolas Oudot, Maître Imprimeur, demeurant en la rue noſtre Dame au chappon d'Or Couronné. M. VI. C. X X I I.



Österreichische Nationalbibliothek



+Z16139830X

